

*Amor*







# HISTORIA

DEORUM FATIDICORUM,  
VATUM SYBILLARUM,  
PHOEBADUM,

*Apud Priscos Illustrium :*

Cum eorum

# ICONIBUS.

Præposita est Disertatio

*De*

## Divinatione & Oraculis.



FRANCOFURTI,

Sumptibus LUDOVICJ BOURGEAT,

ANNO M. DC. LXXX,


The Rare Book &  
Manuscript Library  
UIUC



# DE RERUM FUTURARUM

## PRÆCOGNITIONE,

Vaticinatione, & Oraculis.



COGNITIONEM & rerum futurarum præ-  
 dictionem, unius Dei jus præcipuum esse,  
 omnes consentiunt. Hinc fit ut vulgò *ἐν θεοις*,  
*i. e. Divini* appellentur, qui futurorum profi-  
 tentur scientiam; quia quod sibi arrogant,  
 tanto intervallo superat ingenii humani ca-  
 ptum, ut prorsus ignoretur ab iis qui non sunt *θεοὶ δακτοί*. Esse  
 tum in rebus naturalibus, tum in moralibus, quædam futu-  
 rorum eventuum præsagia, nemo diffitetur; qualia sunt de  
 quibus Christus Matthæi 24. *Quum ramus tenerascit & folia*  
*germinant, nostis propè esse aestatem.* Item Matth. 16. *Quando*  
*serum est diei, dicitis, Serenitas erit, rubet enim calum.* Possunt sa-  
 nè homines, multòque magis Dæmones, conjectura augurari  
 multarum rerum eventus, ex earum indiciis quasi prodro-  
 mis. Eiusmodi sunt omnes illæ prædictiones quibus sibi fa-  
 mam compararunt Pseudoprophetae apud Ethnicos & Ma-  
 hometanos, aliiq; omnes qui vel solis ingenii viribus, vel im-  
 pulsû Cacodæmonum inspirati sunt. Verùm unius Dei est,  
 ea prænosce quæ non à naturæ statis legibus, sed à volunta-  
 te sua, aut libero hominis arbitrio pendent; ut mysteria su-

pernaturalia, nec non gubernationes & mutationes Regnorum ac Rerum publicarum, (sunt enim corda Principum in manu Dei, qui solus illa versat ut libet;) Item quæ pendent ex arbitrii humani libertate, ut quid cras sim facturus vel cogitaturus. Solus, inquam, Deus ea prænoscit ab æterno, solusq; per Prophetas prænuntiare potest; idque non aliquot mensibus aut annis, sed innumeris ante eventum seculis, cum nullæ causæ aut vestigia animadvertebantur; nec obscure aut titubanter, sed claris & apertis verbis. Ideoque hoc sibi uni vindicat apud Esaïam, ubi de ejusmodi prædictionibus verba faciens, jubet istâ notâ explorari Deos Paganorum: *Annuntiate, inquit, quæ futura sunt, & sciemus quod Dii estis.* Dum enim illos sic provocat, clarè ostendit istam quam illis deneget, sibi uni competere præscientiam. Hoc, solo naturæ lumine agnoverunt Ethnici, *Si enim homines quoque res omnes post* *futuras præcognoscerent,* inquit Favörinus apud Gellium, *tollitur quod maximè inter Deos & homines differt.* Ac sanè, utcunq; Vatum prædicta, & commentitiorum Deorum oracula jactaverint Gentes, nulla tamen, si ad hanc normam exigantur, genuina comperies. Dederunt scilicet consilia ambigua, & responsa perplexa ac dubia, super pugnæ alicujus eventu; super excidio Imperiî ejusdam vel Reipublicæ; morte aut sanatione ægroti, aliisque ejusmodi casibus, quorum prognostica in causarum proximarum dispositione, Dæmonibus cernere promptum erat. Sed nullum legas qui ante quingentos aut sexcentos annos, eventum aliquem clarè & certò prænuntiaverit. Solius Dei est, & eorum quibus ejus Spiritus lumen affulsit, in abdita seculorum penetrare, & futura eadem perspicuitate & certitudine, ac si præsentia aut præterita essent, enuntiare. Unde patet Veteris & Novi fœderis Scriptores, non à spurîis istis & fictis Diis, qui Gentibus imposturis suis illuserunt, afflatos esse; sed à summo & vero illo Deo qui supremus est Dominus ac Moderator omnium temporum & partium Orbis, cujusq; scientia & essentia sunt infinitæ

Gell. lib. 17. cap. 10.

nitz. Divini enim hi Authores, innumera prædixerunt, quæ neque acies mentis humanæ, neque Dæmonum sagacitas pervadere valebat: Exempli gratia, ortum & futuram sortem multorum virorum ac Imperiorum, fraudes Hæreticorum, Antichristi imposturas, superbiam ac furores, aliaq; innumera; quatuor, quinque, sex, septem, octo &c. seculis ante eventum.

Meritò itaque Moses dehortatur populum, ne credat Pseudoprophetis qui eum avocare student ad Deos alienos, etiamsi contingat ut ea quæ prædixerunt reverà eveniant; *Quia Deus id permittit quò nos probet an ipsum timeamus; Monetq; ne quis discat Astrologiam, aut ab Astris sibi timeat, quæ sunt vana leges infidelium.* Quanquam enim in prævisione futurorum non semper fallantur Dæmones eorumq; Ministri, semper tamen eò dirigunt sua vaticinia, ut fallant, & homines ab unius Dei legitimo cultu avocent, atque ad se alliciant.

Verùm quanquam solus Deus ex se & per se, omnia futura cognoscit, eaq; certò prædicit; Satan tamen ejus operum æmulus, mirè miseris mortalibus illudit responsis suis, quibus illis plurima eventura prænuntiavit, quorum nonnulla evenerunt. Ut cùm Theagenes Mathematicus, Octavio prædixit imperium, tanta fiducia, ut statim atque genitricem suam illi Octavius edidit, exiliverit Theagenes, eumque adoraverit. Ejusmodi fuit prædictio Trasylly, qui mortem sibi instare Tiberio dixit, quam reverà hic illi, recum nullo communicata moliebatur. Tale præsagium ipsius Tiberii de Sergio Galba tum Consule, quem accitum, ut verbis Taciti utar, & diversis sermonibus pertentatum, postremò verbis Græcis in hanc sententiam allocutus, *Et tu Galba quandoque degustabis imperium*; seram ac brevem potentiam significans, scientia Chaldæorum artis, quam à Trasyllo magistro habuit. (Suetonius hoc præsagium non Tiberio, sed Augusto tribuit; nec de Galba Consule, sed puero. Verùm à Tacito stant Josephus & Dio.) His subnecti potest Ascleterionis

Suet. in Aug.  
lib. c. 94.

Tac. Ann.  
lib. 6.  
Dio lib. 58.



vaticinium, qui Domitiani proximam eadem prædixit, de quo Suetonius: *Ilunc*, inquit, (Ascletarionem Mathematicum) *delatum*, *nec inficiantem jactasse se quæ providisset ex arte; sciscitatus est Domitianus quis ipsum maneret exitus, & affirmantem, ut brevilaceraretur à canibus; interfici quidem sine mora, sed ad coarguendam temeritatem artis, sepeliri quoque accuratissimè imperavit. Quod cum fieret, evenit ut repentina tempestate dejecto funere, semiustum cadaver discerperent canes.* Addi possent alia exempla eorum, quibus summæ dignitates prædictæ sunt ab Oraculis & Astrologis.

Hic igitur observandum, futura bifariam cognosci posse, aut in se ipsis, aut in suis ipsorum causis. In se ipsis cognoscuntur, cum perinde certò prævidentur quæ nondum sunt, ac si jam præsentia & in conspectu posita viderentur. Hoc modo Deus prævidet omnia ex se suoque proprio spiritu; ejus item Prophetæ & Apostoli, varia prænoverunt, non ex suo proprio, sed ex afflatu divini spiritus. In ipsorum verò causis præcognoscantur res futuræ, cum ex inspectione cognitioneque præsentium causarum, colligitur tales futuros effectus. Sic agricola cum florem oleæ videt, baccam quoque se visurum putat, non sine ratione ille quidem, sed nonnunquam tamen fallitur. Sic insidias Imperator, tempestates gubernator, sæpè provident. Sic Medici suas habent prognoscis, id est artificiosas cognitiones futurorum eventuum & mutationum in morbis, constantes certis signis, habentibus connexionem naturalem cum re significata: earumque ope cognoscunt, utrum æger à morbo sit evasurus, vel illius vi periturus. Habent enim suos effectus morbi, qui symptomata vulgò dicuntur, ex quorum diversitate manifestum fit artis regularum & præceptorum gnaris, quis ægritudinis eventus sit sperandus. Signa tamen illa, fatentibus ipsis Magistris, & ipsa teste experienciâ, non sunt adeò certa quin fallant aliquando: Ideoque vetus sermo verus, *Præstare à sexaginta Medicis, quàm Trium viris capitalibus damnari & morti addici.*  
Habent

Habent etiam Astronomi conjectationes suas, siue judicariam ex Astris mathesin, quâ ex constantissimo syderum cursu & motu, varia provident Sic Solis defectiones, itemq; Lunæ, prædicunt in multos annos; Planetarum stationes, retrogradationes, aspectus, conjunctiones, oppositiones & similia, ex artis principiis veris & immutabilibus, norunt. Hinc ortæ Ephemerides. Verum quàm certa est Astronomia, tam vana & fallax Astrologia, quæ prædicat effecta eventuum futurorum non necessariorum, sed contingentium. Potest quidem Astrologus ex Lunæ & Solis vario colore & aliis phænomenis, ventorum, pluviarum, serenitatis & ejusmodi vicissitudinis tempestatum eventus probabiliter prædicere, quia ut plurimum hæc accidunt. Hinc Arati, Hesiodi, Ciceronis, Virgilii, aliorumq; de Phænomenis carmina: sed sæpè ob peculiare aliquas causas hominibus ignotas, impediuntur hi effectus: Ideoque quotidie videmus quantum aberrant Astrologi cum totius anni revolutiones, belli & pacis eventus, pluvias aut siccitatem, frigus & calorem, frugum ubertatem vel inopiam, morbos, aliaq; prædicere attentant.

Suas præterea habent conjectationes probabiles, Nautæ, Pastores, Lignatores, Physiognomi, Chiromantes, & Oneiropolæ; qui ex Elementis, Meteoris, Plantis, Brutis, lineamentorum inspectione, somniorum interpretatione, nonnulla aliquando prævident.

Sed dubium non est quin ista longè perfectiùs cognoscant Dæmones, qui rerum causas intimiùs perspiciunt: itaque non mirum si multa prædixerunt futura, quæ & certò evenerunt. Diligentissimè enim observant causas naturales & earum effecta: cum verò etiam accedat longa & perpetua experientia, qua norunt quid solitum sit ex tali causarum dispositione provenire, & quid non; facile possunt de omnibus hisce rebus aliquid certi pronuntiare.

Deinde multa etiam sciunt prædicta fuisse à Prophetis ex Spiritu Dei, quæ illi arripiunt & suis cultoribus prædicunt,



*Tert. Apoc. 22.* quasi exscissa præviderint. *Dispositiones enim Dei, inquit Ter-*  
*tullianus, & tunc Prophetis concionantibus excerpunt, & nunc le-*  
*ctionibus resonantibus carpunt. Ita & hinc sumentes quasdam tem-*  
*porum sortes, amulantur divinitatem, dum furantur divinationem.*  
*Mat. 8.* Sic præscivit Diabolus ex Danielis oraculis, Alexandrum M.  
 superato Dario potiturum Asia universa, & translaturum  
 Imperium à Persis ad Græcos. Hinc haud difficile vati Del-  
 phicæ, Alexandro eam consulenti respondere, *Inviçtus eris.*  
 Hinc eodem Alexandro ad extremum cum Dario confligen-  
 te, aquila è sublimi supra ejus verticem sese librare, & in ad-  
 versos hostes trajicere visa est. Sic prænovit Dæmon ex  
 Esaia Prophetiis, fore ut Tyrus destruat ab iisdem Mace-  
 donibus; ille enim ait Cap. 23. *Onus Tyri. Ululate naves maris,*  
*quia vastata est domus unde venire consueverunt: De terra Chittim*  
*revelatum est eis.* Terram verò Chittim Macedoniam esse, &  
 ab Homero κλυτεις Macedonas vocatos, asserunt Docti. Ex  
 iisdem Esaia & Danielis vaticiniis, præscivit impurus Spiri-  
 tus, fore ut Assyriorum Monarchia in Persarum potestatem  
 redigeretur, & quidem à Cyro cuius nominatim meminit  
 Esaias capite 44. Unde & conjectatus est regnum quoque  
 Lydia periclitaturum; ideòque Cræsum fallaci oraculo ad  
 bellum Cyro inferendum impulit, à quo & victus est. Hinc  
 Delphicum oraculum respondit paulò ante id bellum, Cygis  
 τὸν πάτριον ἀπόγονον, *abnepotem*, qui in Cyri tempora incidebat,  
 amissurum regnum Lydia.

Ex iisdem Scripturis & Prophetarum vaticiniis, non ob-  
 scurè colligere potuerunt Dæmones, tempus adventus Chri-  
 sti. Ac sanè patet ex ipsa Evangelii historia, Diabolum prius  
 Christum novisse, quàm eos ipsos quibuscum familiariter de-  
 gebat. Hinc per os abreptitii inclamabat, *Quid nobis tecum*  
*est Iesu Nazarene &c. Novi te qui sis, nempe Sanctus ille Dei.* Et  
 iterùm, *Exibant demonia à multis, clamantia & dicentia, Tu es*  
*Christus ille Filius Dei; & increpans non sivebat ea loqui, quod scie-*  
*bant ipsum esse Christum.* Id noverant Dæmones, quod pios  
 ipsos

*Mat. 1.*  
*Luc. 4.*

ipſos latebat; Alii enim eum Eliam, alii Joannem Baptiſtam, alii Hieremiam, alii unum de Prophetarum numero eſſe credebant. Huc facit illud Pythiæ puellæ, de Paulo & Barnaba clamiſantis teſtimonium, *Iſti homines ſervi Dei excelsiſſimi ſunt, qui annuntiant vobis viam ſalutis.* Unde quantum ſit Dæmonum acumen liquet, qui res abſtruſiſſimas & hominibus ignotas, ex Scripturis noverunt; ea, inquam, quæ Fideles ex ſola revelatione Patris cæleſtis cognoſcunt; quemadmodum Petro dicebat Chriſtus, cū illum Filium Dei Viventis pronuntiavit. Matth. 16.

Multa etiam ſunt quæ etſi Dæmones futura non prævident, tamen cū jam parata ſunt ut fiant, vel jam incipiunt fieri, ea citiſſimè obſervant; idq; propter aciem ſenſuum, celeritatem motus, & agilitatem aëreorum, ſubtiliſſimorumq; corporum, quibus brevifſimo tempore, & uno ferè momento, magna locorum ſpatia emètiuntur, quæ in uno loco obſervantur, ea alibi annuntiant tanquam futura; cū tamen jam facta ſint vel cæpta fieri. *Celeriter enim, ut ait Auguſt. lib. de Divin. Dæmon. non ſolū curſus quorumlibet hominum vel ferarum, verū etiam volatus avium incomparabiliter vincunt.* Duabus igitur illis rebus præditi, hoc eſt acrimonia ſenſus, & celeritate motus, multò antè cognita prænuntiant, quæ homines præ ſenſus terreni tarditate mirentur. Sic phantaſmata illa Caſtoris & Pollucis, Romæ nuntiarunt Perſeum Macedoniæ regem victum eſſe, eodem die quo victoria à L. Æmilio Paulo reportata eſt; cujus Legati vigefimo die demum poſt pugnam, Romam venerunt. Sic referunt Plutarchus in Jul. Cæſare, & Gellius Noct. Attic. lib. 15. cap. 18. eo die quo Cæſar & Cn. Pompejus per civile bellum ſignis collatis in Theſſalia conſlixerunt, Patavii C. Cornelium ſacerdotem, auguralis ſcientiæ peritum, ſubitò quaſi mota mente exclamaſſe, *Pugnam acerrimam pugnari;* ac deinde cedere alios, alios urgere, cædem, fugam, tela volantia, inſtaurationem pugnæ, impreſſionem, gemitus, vulnera, perinde ut ſi ipſe in prælio verſa-

versaretur, coram videre sese vociferatum esse; ac postea exiliisse clamantem, Vincis Cæsar. *Ea Cornelii sacerdotis hario-latio*, inquit Gellius, *levis tum quidem visa est & vecors; magna mox admirationi fuit*: quod non modò pugnae dies, quæ in Thessalia pugnata est, neque prælii exitus, qui erat prædictus, idem fuit; sed omnes quoque pugnandi reciprocae vices, & ipsa exercituum duorum conflictatio vaticinantis motu, atque verbis repræsentata est. Hujus vaticinii sic meminit Lucanus lib. 7.

————— *Augur*

*Venit summa dies, geritur res maxima, dixit:*

*Impia concurrunt Pompeij & Cæsaris arma.*

Sic Philostratus narrat Appollonium cum Ephesi esset, exclamasse quasi interfuisset spectaculo Romæ interfici Domitianum, eo ipso momento, ut postea compertum est, quo reverà trucidabatur. De hac Dæmonum velocitate præclare Tertullianus, *Omnis spiritus ales est*, inquit, *hoc Angeli & Dæmones. Igitur momento ubique sunt. Totus orbis illis locus unus est: quid ubique geratur tam facile sciunt quam enuntiant: velocitas divinitas creditur, quia substantia ignoratur.*

*Tert. Apol.  
cap. 22.*

Accessit quoque Dæmonibus, ut Augustini iterum verbis utar, per tam longum tempus quo eorum vita protenditur, rerum longè major experientia quam potest hominibus propter brevitatem vitæ prævenire. Inde fit ut ex observatione quarundam externarum actionum, motuum, gestuum alicujus, facile divinare possunt, quid ille cogitet, quid molliatur, quid facturus sit. Præterea, ut optimè novit rerum naturalium facultates, & ad quid valeant hominum voluntatem, mediante appetitu sensitivo, inclinare; novit omnium hominum temperamenta, affectusq; novit quid ex his & illis sequi soleat. Unde contingit ut sæpè ad amussim prædicat, quid, quandoq; homines sint facturi.

Certò quoque potest prædicere ea quæ novit se permit-  
tente Deo facturum. Permittit enim nonnunquam Diabolis  
Deus,

Deus, ut inficiant, alterent, conturbent aërem, & excitent ventos vehementissimos. Item ut tetra contagione infecto aëre, pestilentiam immittant alicui regioni; ut agitent aquas & tempestatem cieant; ut inficiant terram, fruges, cibos; ut ad iram excitent homines, & eos committant inter se, unde bella, dissidia, lites exoriuntur. Antequàm verò hæc, quæ ipsi Dæmones ex permisso Dei facturi sunt, eveniant, ea prænuntiant Phythonibus & Magis. Hoc modo à Dæmone fuerat edoctus Turca ille Famagustanus, qui congregata in foro <sup>Villa mont.</sup> <sup>l. 2. peregr.</sup> <sup>cap. 7.</sup> populi concione, prædixit se intra horæ spatium moriturum, & confestim se mortuo, luem desitutam, quod & evenit.

Denique id sibi etiam sumunt impuri Spiritus eorumq; Ministri, ut multa garriant de quibus nihil habent certi, sed quæ conjecturis duntaxat dubiis augurantur, adeo ut juxta illud Euripidis.

Μάντις ἄριστος ὅστις εἰκάζει σφῶς

*Benè qui conijcit sit vates optimus.*

Ideòque conjectantur *παχυμερέςερον*, vagè & confusè, *qualis est longinqua oculorum acies, per intervalla media caligantivum*, ut ait Gellius. Hinc Oraculorum ambages; ita enim at- <sup>Gell. n. Att.</sup> <sup>l. 14. c. 1.</sup> temperabantur verba, ut quocunque res caderet viderentur verum dixisse. Ut cùm Cræso de belli adversus Cyrum eventu quærenti, responsū est *Κροῖσος Ἀλὴν Δαβαὶ μεγάλην ἀρχὴν καὶ αὐτὸς*

*Id est Cræsus Halim transgressus, magnum regnum dissipabit*

Si enim Cræsus victor evasisset, Hæc volebam dixisset Dæmon, te hostiles copias profligaturum. Sed victus est Cræsus; Id ipsum volebam, ait, Te regno detrusum iri; sed per stuporem, mentem meam non es allecutus. Ejus generis est quod respondit Pyrrho Pythia sacerdos.

*Aio te Acacida, Romanos vincere posse:*

Ubi dubium, an *vincere* regat accusativum *te*, an *Romanos*; atque adeo an Acacides, id est Pyrrhus, Romanos victurus esset, an verò hi illum. Sed Romani hanc fallaciam ferro

solverunt. Inde Apollo *Loxias* dictus, quia ambiguis respon-  
 sis consulentes ludificabatur. Talia erant Sibyllæ illius car-  
 mina, de qua Virgilius.

Aen. 6.

*Horrendas canit ambages, antroq̃ remugit.*

Enim verò quod de somniis experimur, hîc quoque ve-  
 rissimum, rarissima vera inveniri. Quia tamen aliquando  
 Dæmonum oracula, non malè conjecerunt, hinc illis fides  
 addita. Verùm, quemadmodum qui assiduè jacet aleam, vel  
 talos figit, is aliquando temones, aliquando Venerem jacet in-  
 venitq̃; sic cùm harioli & oracula centies mentita sint, quid  
 mirum si semel aut iterùm verum dixere? Sanè, si mendacia  
 nota entur, mille forent pro uno verè dicto. Quomodò enim  
 possunt verè dicere, qui exciderunt à veritate? Ideo Scriptu-  
 ra quæ præscientiam solius Dei esse docet, hanc prorsus adi-  
 mit Creaturis; ridetq̃; augures, ac ostendit vanissimam esse  
 scientiam illam qua Dæmon decipit incautas gentes, *Ego sum*  
*Esa. 44. 25. Dominus, inquit, qui irrita facio signa divinerum, & ariolos in fu-*  
*rorem verto, eorumq̃ scientiam stultam facio.*

Ipsi Ethnici qui oculatiores fuerunt, istorum vanitatem  
 arguerunt. Vide Ciceronem lib. 2. de Divinatione, ubi ro-  
 tam istam præscientiam vatum, hariolorum, haruspicum, ex  
 animalium extis, è fulguribus, ostentis, auspiciis, oraculis,  
 sortibus, somniis &c. vanissimam esse docet, & scitè traducit:  
 Ibidemq̃; laudat illud Catonis, qui *Mirari se agebat, quod non*  
*rideret haruspex, haruspiciem cùm vidisset. Quota enim quaqueres,*  
*inquit, prædicta ab his evenit? aut si evenerit, quid afferri potest cur*  
*non evenerit?* Hinc Pacuvianum illud de Auguribus.

— *Istis qui linguam avium intelligunt,*  
*Plüsq̃ ex alieno jecore sapiunt quàm ex suo,*  
*Magis audiendum, quàm auscultandum, censeo.*

Nec omittendum illud Ennii,

*Non habeo nauci Marsum augurem,*  
*Non Isiacos conjectores, non interpretes somnium:*  
*Non enim sunt ii aut scientia, aut arte divini,*

*Sed*



*Sed superstitiosi vates, impudentesq; harioli,  
Aut inertes aut insani, aut quibus egestas imperat?  
Qui sibi semitam non sapiunt, alteri monstrant viam:  
Quibus divitias pollicentur, ab iis drachmam ipsi petunt.*

Tacitus de Magis, quos *Mathematicos* vocat, ait, *Id genus esse hominum infidum petentibus, & sperantibus fallax, quod in civitate Romana semper vetatum est & retentum.* Sæpè enim Roma pulsi, & è Republicâ amota illa pestis. Anno urbis DCXIV. C. Corn. Hispallus Prætor, edicto Chaldaeos intra decimum diem abire ex urbe atque Italiâ jussit; *Levibus atque ineptis ingenii, inquit Valer. l. I. fallaci siderum interpretatione, quaestuosam men lacus suis caliginem injicientes.* Anno DCCXXI. M. Agrippa Ædilis τὰς ἀστρολόγους ἢ τὰς γόητας ἐκ τῆς πόλεως ἐξήλασεν, *Astrologos & Magos urbe ejecit.* Auctor Dio sæpè idem S. C. re- Dio l. 49: petitum, & in maleficum id genus hominum, pœnâ capitali animadversum. Noxii saxo Tarpeio dejecti, aliisq; suppliciis mulctati; ut legere est apud Tacitum lib. 2. Qui plura de vanitate & impietate Varum & conjectorum cupit, adeat Gellium lib. 14. cap. 1. Sextum Empiricum l. 5. advers. Mathematicos. Erecentioribus multi dampnandam hanc artem expugnarunt. Hieronymus Savaranola in Opere eximio adversus divinatricem Astrologiam. I. Picus Mirandul. lib. 12. Disput. in Astrol. Alexander de Angelis lib. 5. Sixtinus ab Hemminga in Astrol. refutatâ: Georgius Ragus. ejus lib. 1. de Divinat. Gassendus in Physic. lib. 6. sect. 2.

Quamquam autem sapientioribus apud Ethnicos, oraculorum & totius vaticinationis strophæ subolerent; fraude tamen Diaboli magnam auctoritatem obtinere per multa secula. Ut enim facilius miseris populis fucum faceret, hanc viam iniit. Cum antiquitus vixerint homines virtute præstantes, Reges, Principes & Philosophi, qui multa beneficia in genus humanum contulerunt; qui populos à vi & crudelitate tyrannorum vindicarunt; quique varias artes & scientias ad vitam necessarias invenerunt, aut excoluerunt; hos,

populi dum superstites erant coluerunt, ut beneficos & assertores; post mortem verò, supremum cultum ceu ipsi Deo adhibuerunt; quos scilicet ut omnium bonorum largitores & malorum averruncos suspiciebant, & admirabantur. Illis statuas, Tempa, aras adornarunt, sacrificiis aliisq; ritibus litarent, quò eos sibi faventes & propicios haberent.

Huic hominum errori, subdolè se ingessit Satan; utq; superstitionem promoveret, ad Heroùm illorum sepulcra, aras, statuas, & **templa**, prodigiosa nonnulla edebat; ceterisq; in locis, arte & naturâ ad horrorem & superstitiosum n. etum accommodatis, specubus obscuris, antris & terræ hiatibus profundis se insinuabat; sub nomine defunctorum, & in numerum Deorum relatorum, oracula reddebat, quibus homines de rebus futuris edocerentur, & sibi ab imminentibus malis caverent. Itaque eodem tempore quo Deus inter Israëlitas, oracula per sanctos suos Prophetas edebat; Caco-dæmon responsa quoque dabat miseris Ethnicis, eosq; præstigiis suis fascinabat; & sub nomine eorum hominum quibus populorum stulta veneratio divinitatem tribuebat, responsa petentibus dabat, quibus de futuris edocerentur, sibiq; ab eminentibus malis caverent. Iisq; oraculorum prædictionibus ut plurimum respondebat eventus; sin minùs, responsa adeò perplexa atque impedita erant, ut homines se potius culpâ suâ, quàm Dæmonum imposturis, delusos crederent.

Edebantur autem ejusmodi oracula, vel ab ipso Dæmone; vel à Sacerdotibus, & Phæbadibus spiritu fatidico afflatis: irruebat spiritus ille impurus in Enthusiastas, è specubus furvis, obscuris & profundis, horribili sono & strepitu. Illæ in furorem actæ, cum palpitacione omnium artuum, inversis oculis & ore distorto, effabantur ea quæ illis Dæmon suggerbat; neque erant mentis corporisq; compotes, dum obsidebantur illo enthusiasmo.

Istis autem oraculis præfuisse impuros & homicidas spiritus,



ritus, non obscuris indiciis, evinci potest. Non tantum quia sæpè mentiebantur, sed quæ tenebris & ambiguitate involvebant; Item quia non cælitus, sed ex specubus subterraneis edebantur, quod Principi tenebrarum, nihil quam terrena sapienti convenit: sed præcipuè, quia scelera ut plurimum, & humanas victimas imperabant. Sic cum classis Græcorum Auli de adversis ventis detinebatur, Calchas vates faustam navigationem & omnia prospera pollicebatur; at simul Agamemnonis filiam Iphigeniam immolari jubet Idem Calchas, (ut refert Sinon) qui se ad Deorum suorum nutum ac morem accommodat & fingit, suadebat Græcis, sanguinè humano Diis litare, ut eorum reditum fortunarent,

Aen. 2.

*Sanguine placastis ventos & virgine casa:*

*Sanguine quærendi reditus, antequam litandum Argolica.*

Tiresias pollicetur Thebanis victoriam; sed ea lege ut Creontis filius mactatus, sit victima pro patria. Idem Messeniis in longo illo & diuturno bello, quod cum Lacedæmoniis gesserunt, consulentibus de exitu, prædicit victoriam; verum ea conditione, si virginem incorruptam de Æpytidarum familia Deo sacrificarent. Ibi cum Aristodemus, unus ex præcipuis familiæ Æpytidarum, gratificaturus patriæ, filiam quam habebat unicam, destinasset aræ; nobilis quidam amore puellæ adactus quò miseram servaret, ex se gravidam esse, & ideo Deo litari non posse, fingit. Quò audito pater, rabido furore inflammatus, è vestigio trucidatam filiam dissecat: paulò post noctu, somniando, dum interemptæ & concisæ filiæ atrox species obversatur animo, per desperationem ad tumulum ejus semet-ipsam jugulavit. Androgei etiam cædes, expiari scilicet non poterat, nisi Athenienses quotannis septem adolescentes & totidem puellas, in Cretam, Minotauro devorandas mitterent.

Oracula autem primò edi cæperunt in Chaonia parte Epiri, in Templo Jovis Dodonæi. Postea in Lybiæ arenis, in Templo Jovis Hammonis: Hæcque duo fuerunt antiquissima

& celeberrima, ad quæ ex omnibus orbis partibus confluebant homines, sciscitaturi rerum eventus futuros. Deinceps cum ex sententia res procederet, & hisce fraudibus se homines addicerent; exhedras propheticas variis in locis Dæmon institui curavit, unde responsa dabat: Ut Delphis per Apollinem Pythium; ac per eundem in Claro, in Delo, Colophone, Ancyra, Cumis, Erythris: Lebadiæ in Bœotia per Trophonium, quod omnium oraculorum diuturnius fuit, teste Plutarcho *De defectu Oraculorum*: Fuit & in Milesia Branchidarum oraculum: Sabæum in Phocide: Amphiarai in Attica, Latonæ in Aegypto, in urbe Buthi, quod Sebenniticum oraculum vocabatur. In eadem Aegypto Dii quoque fatidici fuerunt, Jupiter, Apollo, Mars, Minerva, Diana, Hercules. Antiochiæ, Jupiter Philius. In Apamea Syriæ, Jupiter Belus. In Delo sortes certissimæ creditæ dabantur ab Apolline, ad aram quam illi habebat, artificiosè ex diversis mactatorum animalium cornibus concinnatam. Apollo quoque Spodius, in cineribus mactatarum victimarum Thebis sortes dabat; & Patarae urbe Lyciæ sex continuis anni mensibus, pariter poscentibus sortes reddebat.

Sed de plerisque horum, aliisque, in sequentibus sigillatim dicemus; ut & de profanis vatibus, item de Sybillis & prophetidibus, quarum celebre fuit nomen inter Gentes. Apponemus singulorum icones, ad eorum exemplar quos Boissardus doctus Antiquarius, è numismatibus gemmis, statuis, tabulisque antiquis æri incidi curavit.

Cæterum jam ante Christi adventum, refrixisse oracula eorumque exolevisse authoritatem, vel ex ipso Cicerone constat. Is enim lib. 1. & 2. de Divinatione dicit, raras Delphos legationes mitti, non amplius dona à regibus & populis eò inferri ut olim: *Sed quod caput est, inquit, cur isto modo jam oracula Delphis non eduntur, non modò nost. a at ite, sed jam diu, jam ut nihil possit esse contemptius?* Juvenalis in eandem sententiam.

*Delphis*

— Delphis oracula cessant,

Et genus humanum damnetur at caligo futuri.

Sic Strabo Geograph. lib. II. διόπερ καὶ τὸ ἐν Ἀμύνῃ σχιδόν ἐκλείπειται χρησμίον. ὁ δὲ περὶ δὲ ἐτέλιοντο. itaque & oraculum Ammonis prae desertum est, quod antea honorabatur. Plutarchus Cheronensis, magni nominis, & quasi ocularus testis, (non enim longè distabant Cheroneâ, Delphi, Lebadia, & Oropus) id ipsum accuratè scripsit; affirmatq; silentium illud oraculorum omnibus stupori fuisse, ejusq; causam Doctos omnes perquisivisse. Apud hunc Demetrius, Nihil, inquit, attinet de isto percunctari oraculo, & causam querere; cum videamus oracula quæ in his sunt locis obsoluisse, atque adeò duobus aut tribus exceptis, omnia defecisse. Id potius indagandum est, quibus amicis extincta sint. Nam ut alia taceam, Bæotiam, quæ superioribus temporibus ob oraculorum multitudinem vocalis admodum fuit, nunc prorsus destituerunt oracula, tanquam arnes siccati, inger. s. q. divinationis quasi aestu quodam abolitæ penuria, regionem occupavit. Neque enim alibi hodiè quàm apud Lebadiam, Bæotia vaticinationis response desiderantibus præbet: reliqua partim silent oracula, partim vasta prorsus desertaq; jacent. Deinde in eodem illo libro quem De Defectu Oraculorum inscripsit, sollicitè hujus causas inquit; aitq;, Alios asserere rerum vicissitudines; Alios, Græciæ accolarum infrequentiam; Alios, nequitiam hominum, qui impietate suâ indigni sunt quos Dii dignentur alloquio; Alios quia mortui erant Dæmones qui vatibus quondam inspirabant oracula; Alios denique, quia terræ halitus, qui Pythias olim in furorem agebant, erant verustate exhausti: quod faceret ridet Cicero l. 2. de Divin. Hoc loco, inquit, cum urgentur, evanuisse ajunt vetustate vim loci ejus unde anhelitus terra fieret, qui Pythia mente incitata oracula ederet. De vino aut salsamento putes loqui, quæ evanescunt vetustate. Consuli super eo argumento potest Theodoretus Εὐσεβίου, Σεραπ. Serm. 10. Eadem testantur Justinus in Dial. adversus Iudæos. Athanasius de Human. verbi. Augustinus de Civit. Dei. Eusebius l. 7, c. 6. &. Crediderunt plerique

plerique ex Ethnicis, eos Spiritus quorum numine afflabantur oracula, non fuisse Deos, sed Dæmonas, quibus post aliquot secula, vitæ finis esset constitutus. Observatu dignum est quod in hanc sententiam narrat Plutarchus *in libello illo supra laudato*: Sic apud eum Philippus quidam Historiographus: *De morte gentiorum narrationem audi vi viri nequaquam facti aut vani Aemiliani Rhetoris, quem & vesirum nonnulli audiverunt. Is agebat se aliquando in Italiam navigare constituisse, ac conscendisse navem, quæ & mercibus & multis vectoribus esset onusta. Sub vesperam verò cum juxta Echinasdas essent, ventum posuisse, navimq; incerto cursu propè Paxas delatam. Tum subito auditam fuisse vocem, quæ Thammum quendam nominatim cieret, non sine admiratione omnium. Erat autem Thamus iste Aegyptius gubernator, paucis è vectorebus de nomine notus. Hunc bis vocatum siluisse: tertio vocanti se dedisse, qui contentâ voce dixit: Ubi ad Paludes veneris, annuntia magnum Panem esse mortuum. Perterritos agebat Aemilianus universos, ac inter se disputasse, præstaret ne exequi hoc mandatum, an verò omittere, neque quicquam vanè agere. Thammum autem statuisse, si ventus spiraret, tacitum se præterveclurum; sin malacia ad eum locum pervectus existeret, expositurum quod audivisset. Postquam ad Paludes perventum fuit, cum neque ventus esset, neque fluctibus mare exagitaretur; Thammum è puppi versus terram prospexisse, ac quod inaudiret dixisse, Ο πῖρας Ἰλᾶν ἡδυνᾶς, Mortuus est magnus Pan. Vix dum conticuisse illum, & genitum magnum exauditum fuisse, non unius sed multorum, admiratione mixtum. Quod autem fieri solet cum evenit aliquid multis testibus præsentibus; statim rei famam Roma fuisse delatam; Thammumq; à Tiberio Casare fuisse accersitum; ac Casarem ita pro certo credidisse, ut de Pane illo diligenter inquisiverit. Doctos autem quos multos ille secum habebat, coniecisse eum esse qui Mercurum & Penelopa fuisset natus. Habuit autem Philippus testes quosdam ex iis qui tum unâ aderant, & Aemilianum tan senis auditores fuerant.*

Quod Ethnicis de Pane Deo capripede & cornigero inbellixerunt, cujus interitum vox illa testata sit, id non ineptè à non-

à nonnullis Christianis ad Christi mortem, qui sub Tiberio passus est, referunt: Is enim verus  $\pi\alpha\tau\epsilon\rho$ , omnium author & Dominus. Ejus sanè mors vim omnem Dæmonum superavit, imposturas detexit, & quocunque ejus nomen & doctrina illata sunt, inde ceu ad lucem tenebræ, oracula, omnis ipsorum officina, ac schemata evanuerunt; conticuerunt Dæmones ubique, & tanquam ranæ Seriphix obmutuerunt; ac desertis nequitix suæ latebris, cesserunt non quidem ultrò, sed compulsi, omnipotentix Christi. Verè enim Athanasius testis  $\alpha\upsilon\tau\acute{o}\pi\lambda\eta\varsigma$ ; *Olim Dæmonia inani specie ludubriisq; rerum intricabant homines, in seffis alibi fontibus, alibi fluviis, lajidibus aut lignis, atque ita præstigiis fatuos in furorem agebant: nunc verò cum apparuit Dei verbum spectra hujusmodi & ludibria imaginum cessarunt.* *Athan. de Human. verbi,* Hæc sic prædicta erant à veris Prophetis Zachar. 13. 2. 3. *Eritq; in illo die, dicit Deus exercituum, Excindam nomina Idolorum è terra, ne ultra eorum fiat mentio: & pseudo prophetam & immundum spiritum de terra auferam.*

Si post Christum adhuc audita sunt aliqua oraculorum responsa, ea certè adeò fuerunt rara, læsa & manca, ut nullo loco haberi debeant. Mussitarunt duntaxat ad Constantinum Magnum, qui delubra in quibus Satan populos ludificabatur everti jussit; & tripodas Delphicos è latebris extractos, cum opprobrio oculis populorum exposuit, ut narrat Eusebius in ejus vita. Conatus quidem est post aliquot annos Julianus, cognomento Apostata, qui post filios Constantini orbem Romanum curavit, collapsa oracula restaurare: idem aliquot ante obitum mensibus, Appollinis oraculum, super successu belli Persici consuluit; sed nihil inde consecutum est. Ex eo nulla fuit amplius oraculorum mentio.





## JUPITER DODONEUS.

**J**UPITER ita dictus, ut nonnullis videtur, quasi Juvans pater. Verius obliquum casum JOVIS, deductum à JEHOVA Hebræorum. *Zeûs* à *ζῆν*, id est, vivere, tanquam vitæ author; vel *ζῆν* τῶ *ζῆν*, à fervore. Hunc Camum fuisse, minimum natu filiorum Noë, multis probat Clariss. Bochartus in Geogr. Sacra. Ethnici Scriptores, eum ajunt fuisse Regem Cretensem, Saturni & Opis filium, qui subditos suos innumeris beneficiis juvit, & inter sui seculi Reges omnibus virtutibus eminuit; propter quas vita functum, non modò Cretenses, sed & reliqui populi, divinis honoribus prosecuti sunt. Eum Poëtæ & Oratores, Optimum, Maximum, Altitonantem, Ultorem, Feretrium, Olympium, Statorem, Elicium, Agonium, Alexiterium, Datorem, Hospitalem, Victorem, Capitolinum, Latialem, Dodonæum, Ammonium, variisq; aliis nominibus cognominarunt, pro ratione officiorum quibusungebatur, aut locorum ubi colebatur.

Dodoneum appellarunt à Dodona Chaoniæ urbe, prope quam mons erat frequentissimis quercubus vestitus, Jovi antiqua religione sacer; & in primis venerabilis, non tantùm eo nomine quod in illo luco Dryades, Fauni, Satyriq; habitare credebantur; sed quia illic erant quercus quædam & fagi, vel Sacerdotum fraudibus, vel Dæmonum illusione vocales, quæ consulentibus responsa dabant; summâq; audientium admiratione, & magno pavore, futura prædicebant. Inde factum, ut illæ arbores, maximè quercus, Jovi sacræ fuerint. Sunt qui, quod Dodonæ illæ quercus vocales creditæ sunt, naturali causa fieri potuisse autumant. Narrat hodiernus author, anno 1653. in loco Caumont dicto juxta Tholosam, fuisse ulmum quandam, quæ quasi humanam vocem referre videbatur; eôq; confluisse magnam hominum frequentiam.

Borell. Ob-  
serv. Med.  
Phys.



*Iupiter Dodonæus*



*Mi Dodonai servit tinnitus aheni  
Vocales quereus atq; columba loquax.*







*Iupiter Hammon*



*Fuscus Arabs nostras donis solemnibus aras  
Rite onerat, dum illi fata futura cano.*

tiam : Ait se cùm & hûc rei indagandæ causa venisset, observasse arborem illam concavam esse, & in ea fieri echo vocis eorum qui ad eam accedebant, unde murmura & voces emitti videbantur. Ac sanè vocis ac soni repercussio quâ minùs in arboribus quàm saxis fieri poterit ? Voces arboribus & sylvis tribuere solemne est Poëtis.

*Planxerunt Dryades, plangentibus assonat Echo.*

*Rursus Hylam, & rursus Hylam, per longa reclamat*

*Avia, resposant sylva, & vaga certat imago.*

*Ovid. l. 3.*

*Met.*

*Val. Flacc.*

*Argon. l. 3.*

Cæterùm in luco illo Dodoneo, appensa erant catenis in summitate quercuum, ahenea crepitacula & tintinnabula, quæ vel levissimis ventis agitata, sonitum frequentem diu noctuq; reddebant. Unde Proverbium, *Aëre Dodoneo loquacior.* Ibidem duæ servabantur columbæ quæ interrogatæ, voce humana clavis & distinctis verbis, respondebant super iis de quibus sciscitabantur superstitiosi. Crediderim Dodonidas illas columbas, mulieres fuisse, sic dictas, quia Thessali, ut testatur Servius in Bucolicis, tam varicinatrices, quàm columbas, vocant *πλειάδας*.

In Jovis autem Dodonei templi adytis, per fatidicas mulieres, entusiasmo obsessas, ipse Jupiter loqui credebatur, & de rebus futuris responsa dare,

Dicitur templum illud conditum à Deucalione, & ab iis qui cum eo superfuerunt diluvio. Fuit ibi oraculum antiquissimum omnium & celeberrimum.

## JUPITER HAMMON.

**F**uerunt innumeri Joves, pro numero locorum in quibus colebatur istud Idolium. Præterea ut omnes Romanorum Imperatores Cæsares, ad primi Cæsaris auspicium; ita Joves ad Jovis illius Cretensis Saturni & Rheæ filii omen, dicti sunt ab Antiquis. Hic enim præclara in mortales beneficia,

ficia, maximè in Athenienses, contulisse dicitur. Nam rudes adhuc populos legibus à se constitutis parère persuasit; certa matrimonia constituit; ferino more viventes ad cultum Dei erexit; aras, sacerdotes & ceremonias instituit; omnia divina Providentiâ regi demonstravit. Huic itaque Græci quæ de omnibus dicta sunt, uni tribuerunt.

Ammonius vel Hammonius, in Lybia specie arietis colebatur. Hujus formæ hanc causam reddunt. Cùm Bacchus terrarum orbem perlustraret, tandem venit in Arabiæ deserta, sterilia & arenosa; per quæ dum iter facit, è longo itinere & æstu Solis ardentiore, sitim vehementissimam contraxit; itaque defectu aquæ jam jam cum fociis periturus, Jovis opem implorat, qui illi in forma arietis apparuit, terramq; pede percussit, ex qua statim emerfit limpidissimi fontis scaturigo, unde biberunt omnes ad satietatem, & recreati sunt. Quare ut gratum animum restaretur Bachus, templum illic ædificavit & consecravit Jovi Ammoni, hoc est arenario; Græci enim ἀμμον arenam vocant. Si scribitur per aspirationem *Hammon*, deduci posset ab Hebræo חמם *Incaluit*, unde חמם Subdiales statuæ, de quibus Levit. 26.30. Idola scilicet super tecta apposita, quæ quia Soli exposita, sic appellabantur. Fuit verò Hammoni Jovi erectum ejusmodi חמם *Solarium*, simulacrum Jovis in sublimi positum.

In medio Hammonis nemoris, mirum fontem fuisse perhibent, quem aquam Solis vocabant. Sub lucis ortum tepida manabat, medio die cùm vehementissimus est calor, frigida eadem manabat, inclinato in vesperam calefcebat, mediâ nocte fervida exæstuabat; quodq; proprius nox vergebat ad lucem, multum ex nocturno calore decrefcebat, donec sub ipsum diei ortum, assueto tepore languesceret.

Q. Curt.  
l. 4.

Id quod pro Deo colebatur, non eandem effigiem habebat. Umbilico tenus, arietis similis erat habitus: smaragdo & gemmis coagmentatus. Hunc, cùm responsum petebatur, navigio aurato gestabant Sacerdotes, multis argenteis pateris,



*Apollo Pythius*



*Sive Clarum, aut Delphos habitem Deluæ natan,  
Fatidico ex aditis me iuvat ore loqui.*



## JUPITER HAMMON.

21

pateris, ab utroque navigii latere pendentibus. Sequebantur matronæ, virginesq; , patrio more inconditum quoddam carmen canentes, quo propiciari Jovem credebant, ut certum ederet oraculum.

Loci celebritate motus Alexander, eò iter suscepit, & feliciter superatis, contra omnium opinionem, solitudinibus, quæ aquæ penuria sunt difficillimæ, arenarumq; mobilium quasi fluctibus; tandem ad sacrarium penetravit. Illic à Vatribus obviis honorificè exceptus est. Cùmq; ad oraculum substitisset, Sacerdos Hammonis vates, adeuntem Alexandrum Græcè salutare cupiens, *παιδιον*, ex inscitia linguæ, id est Jovis filii, cùm *παιδιον*, id est, filiolum, vocabulo blandientis compellare vellet, salutavit. Inde rex ambitiosus, cælestis originis gloriam captavit, cui error initium dederat; voluitq; omnibus persuasum, filium se Jovis Hammonis esse, qui cum matre Olympia sub specie draconis consuetudinem habuisset. Hinc Arabes Alexandrum *Bicornem* vocant, non tam ob partum Orientis & Occidentis imperium, quàm à cornutâ Alexandri effigie nummis exhibitâ, ut Jovis Hammonis filius agnosceretur.

Cæterum Hammonem illum Jovem eundem fuisse cum Chamo Noachi filio, Docti affirmant. Hic enim, vel quia fratrum minimus, vel propter anathema à patre in illius caput contortum, in Aphricæ steriles arenas ablegatus est; ibiq; cultus sub nomine Jovis Cham, seu Hammonis. Scribitur enim per Cheth Hebræum, quod Latini per suum H, Græci per suam aspirationem, pronuntiant.

## APOLLO PYTHIUS.

**A**POLLO fuit filius Jovis Hammonis. Is est PUT unde Pythius, Cami filius, de quo Genesios 6. Quamquam autem quatuor fuisse Apollines testetur Cicero, reliqui silen-  
Lib. 3. de Nat. Deor.

tur, omnesq; eorum res gestæ, ad illum unum Hammonis filium referuntur. Hujus ortum sic garriant Poëtæ. Cùm Lona utero gestaret gemellos Apollinem & Dianam, quos ex Jove conceperat; Juno zelotypa more suo, Pythonem horrendæ vastitatis serpentem immisit, qui gravidam prosequeretur & vexaret. Mulier post diutinos errores, tandem navigio delata est in Insulam Ortygiam, ad sororem suam Asteriem, quæ in illa regnabat. Cùmq; eâ insula ferè tota mari inundaretur, parturienti tamen Latonæ locum dedit, unde *Delos* dicta, quæ ἀδελος erat antea. Ibi igitur enixa infantes, prima prodiit ex utero Diana, quæ se statim obstetricem matri, in partu Apollinis gemelli fratris laboranti, præbuit. Unde factum est, ut prægnantes in puerperio ejus nomen invocarent: eaq; Lucina dicta est, quod lucem natis infantibus ostenderet.

Apollo natus & adultus, Pythonem matris vexatorem sagittis confecit, unde Pythium vocatum volunt. Pythici postea ludi in honorem Apollinis, ob devictum serpentem instituti sunt.

Ovid. Met.  
lib. 1.

*Instituit sacros celebri certamine ludos,  
Pythia perdomita serpentis nomine dictos.*

Hi celebrabantur ineunte vere per totam Græciam; & quadrigis exceptis, omnia quæ in Olympicis aderant athletarum certamina.

Luc. lib.  
de Gymn.

Victores in his ludis lauro donabantur. Alii volunt μῆλα τῶν ἱερῶν τῆς Ἀπόλλωνος præmium fuisse, ut ait Lucianus; Verùm per μῆλα intelligi haud absurdè potest Delphicalaurus, quæ maximis baccis pomorum instar, atque c viridi rubentibus esset, ut observat Brodæus.

Macrobius & Plutarchus in Problemat. fabulam illam occisi ab Apolline Pythonis physicè interpretantur, qui consulendi sunt. Strabo lib. 9. Pythonem sceleratum hominem fuisse, cognomento Draconem autumat. ἢ Peten, aspidem

aut

aut serpentem Hebræis denotat, à quo forsan Python appellatus est.

Fuisse autem primus Medicinæ author Apollo perhibetur, proptereaq; divinitatem meruisse, unde Ovidius.

*Inventum Medicina meum est, opifexq; per orbem*

*Metam, l. 15*

*Dicor, & herbarum subjecta potentia nobis.*

Fertur idem fuisse Musicæ & carminum inventor, quod ipse sibi apud eundem Poëtam arrogat.

———— *Per me concordant carmina nervis*

Ideò illi consecrabantur cicadæ, canorum omninò animalis genus. Huic item tribuebatur sagittarum scitè emittendarum peritia. Sed in primis celeberrimus fuit ob divinandæ artis & vaticinæ; eoq; nomine maxime omnium Deorum, à cunctis ferè gentibus in honore habebatur. Unde nonnulli Pythonis Etymologiam ἀπὸ τῆ πυθόνης ἀρcessunt, ab interrogando, seu consulendo; quia nemo Deorum fuit quem sapius consulerent, nec qui plura funderet oracula.

At cum multis in Europæ & Asiæ locis coleretur, Delphis in primis Phocidis urbe, antiqua religione venerandum habuit Templum; de quo vide *Pausaniam*; *Strabonem lib. 9.*; *Diodorum Siculum lib. 16.*, qui originem quoque Delphici oraculi describit. Nullumq; fuit totâ Asiâ magnificentius aut donariis locupletius. Nam in eo statuarum plurimæ, ex auro solido & argento, magni ponderis & artificii, à Regibus & Principibus repositæ erant, cum aliis donariis preciosissimis. Pausanias refert, skeleton aheneum admirandi artificii, appensum tholo templi fuisse ab Hippocrate. In medio Templi erectus erat tripus, in quo insidens Pythia, afflatum Dæmonis erumpentis è profundo hiatu, excipiebat; quo correpta vaticinabatur; idq; non semper, sed statis tantum temporibus, ut Idibus & Calendis mensium, vel Lunæ defectu, aut incremento; vel crepusculis, matutino & vespertino.

Qui sciscitaturi erant oraculum, consecrabantur prius solemnî ritu, & mactabant victimam, quam postquàm totam

contre-

contremiscere, & micare cerneret Pythia, insidebat Tripodi sacro; conceptoq; Deo, Græcis verbis responsa pronuntiabat.

Fuit autem Tripus, ut est in lib. *¶* Iliados, vas vel aureum vel æreum, quod tribus pedibus fulciebatur; auresq; five ansas habebat, quibus apprehendebatur. Alii dicunt, Tripodas fuisse mensas in Apollinis Delphici templo, super quibus recumbentes Phæbades responsa reddebant; quas etiam mensas, *Cortinas* vocabant: Quanquam nonnulli *Cortinam*, vas esse illud putent tribus suffultum pedibus, in quod mergebatur Phæbas vaticinatura. Strabo censet Tripodem significare ipsum divinum domicilium fatidicæ virginis; speculuncam scilicet illam profundam, in quam demersa responsa referebat.

Edebantur autem primò oracula per puellam virginem: deinde cùm illarum una, ab Echerate Thessalo constuprata esset, sancitum est ne in posterum ulla Pythia oraculis præficeretur, nisi ætate jam provecta.

Tradit Origines in Celsum l. 7. Pythiam in tripode sedentem, per obscena excepisse spiritum Apollinis: quo accepto tumebat venter, ipsaq; furore percita, resolutis crinibus & ore spumas emittens, responsa fundebat. Inde ἐν γαστήρι *ἐν γαστήρι*, à Septuaginta Interpretibus, appellatur Pythonyssa illa mulier quam consuluit Saül. Vide & Esai. 8.

Ut Diabolus Dei & hominum adversarius est, *fuitq; homicida ab initio*; ita per oracula hominum perniciem sæpe suadebat, ut jam supra observatum est. Exemplo esto inter innumera, quod Delphis respondit Jonibus, remedium adversus pestilentiam sciscitantibus; Non desituram luem, nisi immolaretur Dianæ Triclarix Menalippus & Cometho puella, quam ille in Dianæ delubro violaverat; nisiq; annuatim pro Menalippo juvenis forma insignis, pro Comethone sacrificaretur eidem Deæ, virgo specie & pulcritudine primaria.

Notum est quo pacto Delphicum oraculum Neroni illuserit, cùm interroganti de regni sui diuturnitate, respondit,

dit, *Caveret annum septuagesimum tertium*. Ille existimans se ad eam ætatem superstitem fore, securus luxui, libidinibus & feritati belluinæ se dedidit: neque animadvertit eam ætatem ad Galbam referri debere, qui annos natus 73. Nerone interfecto Imperium occupavit.

Sæpè direptum fuit Templum illud Delphicum. Primò ab exercitu Xerxis: Aliquantò post Philomelus Dux Phocensium bello sacro, templi istius aurum & anathemata rapta, convertit in stipendia militum. Quæ res illi cessit improspere. Nam paulò post acie fusus à Bœotis & sauciatus, sese præcipitem dedit. Idem aggressus Dux Gallorum Brennus, grandinibus & frigore obsidione excussus, ipse se sica transfodit. Id ipsum malè cessisse Achilli Pyrrhi filiolo narrant. Inde Templo & Oraculo impensior veneratio, utpote Deo ulciscente sacrilegia. Ista tamen Neronem exterrere non potuerunt quò minus Templum profanaret, conjectis in specum cadaveribus. Dio author est solutum fuisse illud oraculum, hominibus ad hiatum jugulatis, unde sacer prodibat spiritus. Imperante Constantino Magno, Christiani Delphicum templum ejusq; spolia ac instrumenta, Byzantium intulerunt; & ex tripode Delphico conflaverunt scyphos, aliaq; Imperatorii abaci instrumenta. Unde factum ut deinceps Regum & Imperatorum abacus convivalis, *Delphicus tripus* appellaretur.

Restauravit quidem Templum Julianus Apostata, sed brevi, eodem regnante, fulmine tactum est, & funditus eversum.

Fuit etiam Apollini Clario celeberrimum oraculum Colophone, quæ urbs est Joniæ, quò ex tota Asia confluebant homines id de suis rebus consulturi; adeò ut ex illà unde quaque convenientium frequentia, ad amplissimas opes urbs pervenerit. De hoc oraculo sic Tacitus Ann. 2. *Germanicus appellit Colophona, ut Clarii Apollinis oraculo uteretur. Non famina illic ut apud Delphos, sed certis è familiis & ferme Miletu ac-*

citius sacerdos, numerum modò consultantium & nomina audit: tum in specum degressus, haustâ fontis arcani aquâ, ignarus plerunque literarum & carminum, edit responsa versibus compositis, super rebus quas quis mente concepit. Et ferebatur Germanico per ambages, ut mos oraculis, maturum exitium cecinisse. A Tacito dissentit Strabo, illi ætate compar: Hic enim, ut observat Lipsius, ita loquitur de hoc oraculo tanquam nullum ampliùs fuerit ætate sua. Κολοφών, inquit. πόλις Ἰωνική, καὶ πρὸ αὐτῆς ἄλλος τῆ Κλαρίδ' Ἀπόλωνος, ἐν ᾧ καὶ μαντεῖον ἦν ποτε παλαιόν. Colophonii autem, ut hoc obiter obierem, in equestribus certaminibus adeò præstabant, ut quibuscunque sociis se adjunxissent, ii sibi certam victoriam pollicerentur. Unde natum proverbium quando sumâ manus alicui operi imponenda erat, *Addere Colophonem.*

Reddidit præterea sortes Apollo Pataræ, urbe Lyciæ. Item Miletî.

## TROPHONIUS.

**T**ROPHONII originationem deducit Doctiss. Borchartus à Syro τρωφῶ ταυροφῶ, quod pro consternatione passim occurrit. Radix est τρω Teraph, *Turbari, Consternari.* Fuit enim huic antrum, quò quisquis descenderet oraculum consulturus, multo tremore attonitus redibat, κάλσχος τῷ δέιματι, ut testatur Pausanias ipse expertus. Unde illud Aristophanis in Nubibus.

——— ὡς δέδοικ' ἐγὼ  
Εἶπω κατὰβαίνων, ὡς πρὸς Τροφονίαν.

——— *Quàm totus tremens*  
*Descendo, sicut ad Trophonii specum.*

In quem locum Scholiastes; *Qui eò descendit, non videt ampliùs, propter terrorem ex serpentibus.* Hinc Proverbium de morosis & tetricis, *In Trophonii antro vaticinatus est.*

Tradunt autem Trophonium virum fuisse supra modum gloriæ.



*Trophonius Lebadius*



*Nemo nisi nostris agelastus prodit ab antris  
Fatidici qui vim pectoris intus habet*





gloriæ famelicum, qui extructo sibi subterraneo fano & domicilio, Lebadia Bœotia oppido, illic oracula reddebat; deinde cum ibi ille fame interiisset, genium quendam in speluncam illam demigrasse, atque oracula reddere perrexisset.

Pictura Trophonii affingi solet apum examen, hac occasione. Cum propter pluviarum defectum, magna esset fames & annonæ penuria in Bœotia, consuluerunt Apollinem Delphicum: Hic respondit, *Opus esse Trophonii Lebadiensis consilio*. Eò missi sunt Legati, quibus ignotum erat, ut pote neglectum, Trophonii antrum. Incertis sese offert senex quidam nomine Saon, divinandi peritus, qui monet Bœotos ut apum examen, quod opportunè sese offerebat, ducem sequerentur, & ubi subsideret, illic esse locum quem inquirerent. Illi examen hilares sequuntur, & ubi apes substiterunt, antrum animadverterunt terra & crebris coopertum sentibus; quibus remotis, Genium loci religiosè salutarunt, responsum super quæsitis acceperunt, & ex præscripto oraculi, illic ædem sacram struxerunt.

Oracula reddebantur supra montem, in nemore densis arboribus consito. Consulturis vatem cum magna difficultate per scalas angustas & teretes in antrum miranda altitudine depressum, tetrum & horridum, descendendum erat. Huc se demittebant vel nudi, vel alba veste aut purpura amicti, gestantes placentas, quas lemuribus subterraneis & serpentibus obijcerent, ut descendere & revocare gradum liceret. Sed priusquam descenderent, variis sacrificiis numen litabant, & per multos dies quotidianis aquæ calidæ lavacris corpus abluebant.

Statua Trophonii, cujus hic species exhibitur, extra Templum erecta erat, in loco eminentiore, ut ab omnibus coli posset; sed clathris & mucronibus ferreis undequaque septa, ne quis eam contingeret.

Aliud fuit Templum Trophonio dicatum Thebis, vaticinio clarum.



## B R A N C H U S

**B**RANCHUS fuisse dicitur Apollinis filius, quem ex Jance suscepit. Is cum adolevisset, matrem obnixè rogavit ut sibi patrem declararet & ostenderet; cum itaque ad Apollinis amplexum venisset, hic contemplatus filium singularibus animi corporisq; dotibus exornatum, non mediocriter delectatus est hujus conspectu. Apollo filii capiti coronam imposuit, virgamq; ei donavit quâ fultus vaticinari cæpit, futura prædicens & poscentibus oracula reddens. Hunc Apollo suis præfecit sacris, & per eum oracula edidit. Postquam Branchus per multos annos sacerdocio functus esset in templo Apollini Didymæo prope Miletum sacro, extrema senectute decedens è vita, ad superos relatus est, communi Milesiorum decreto; communibusq; ceremoniis, honoribus & templo, cultus est cum Apolline. Unde & ipse Deus *Branchides* appellatus est, Templum *Branchidarum*, & Sacerdotes *Branchidæ*. Idem nomen inditum est ipsis populis, apud quos hæc oracula edebantur. Templum autem Branchidarum, sumptu & opibus non cessit Delphico. Hoc oraculum à Iamblico descriptum est libro de Mysteriis Ægyptiorum.

---

## S E R A P I S

**S**ERAPIS Latinis, Græcis *Sarapis*, qui & Apis & Osiris dictus, Idolum fuit magna in veneratione apud insanum Ægypti populum: Θεὸν ἐν Ἀλεξάνδρειαν nuncupatum fuisse ex veteri constat epigrammate. Hunc Josephum fuisse colligere est ex eo quod modius capiti superimponeretur, ut est apud Ruffinum. Cum autem variæ causæ afferantur, maxime placet quam is subjungit, frugum largitatem eo indicari, & sic fictum simulacrum ob divisionem frumenti quo famis tempore subvenit Ægyptiis.

*Hist. Eccl.*  
*l. 2. c. 23.*

*Branchus Apollinis Didymæi fili, et Sacerdos.*



*Turpe esset nobis artes nescire pater nas  
Quas me inspiratus Pythius edocuit.*



*Serapis sive Dis Pater*



*Lux æterna mihi est. Græcis sum Pluto. Serapim  
Ægyptus: Ditem Gallia prisca vocat.*





De hujus idoli origine, in varia fuerunt opinionum diversitate Veteres. Alii Jovem esse putabant, cujus capiti modius super impositus, quia vitam mortalium frugum largitate sustentat. Alii Nili fluminis virtutem repræsentari affirmabant, cujus opibus & fœcunditate, Ægyptus pascatur. Alii denique, ex veteribus Græcorum historiis constare ajunt, Serapidem regem fuisse Ægypti, qui rudes adhuc homines ad mitiorem vitæ cultum traduxit, colendarum vinearum & agrorum rationem docuit, famis tempore alimenta subditis præbuit, multisq; utilibus inventis populos beavit. Ideoq; cum dum viveret summo honore exceptum fuisse, & occisum à Typhone fratre, in numerum Deorum relatum. Typhonem verò, ceu parricidam omnibus contumeliis insectabantur Ægypti, & quia is fulvo crine erat, omnes rufi apud eos ludibrio erant.

Macrobius vult Serapin Solem esse; ideò radiis quasi solaribus circumfusus caput hujus idoli repræsentabatur. Lib. I.  
Saturn. c. 20. Et fortè Serapis ab Hebræo שרפ Saraph, quod est adurere, (unde Seraphini Angeli) deduci posset.

Colebatur autem Serapis sub forma bovis, quòd istud animal sit omnium ferè utilissimum. Bovem illum, quem Apin vocabant, Sacerdotes indictis feriis & solemnibus festo, adorandum populo proponebant. *Erat verò Apis bos corniculantis Lune specie latere dextro insignis*, ut ait Amm. Marcellinus; & juxta Strabonem *Albus erat frontem, & parvas quasdam corporis partes, cetera niger*; eumq; non coitu pecoris, sed cœlesti igne, seu radiis lunaribus conceptum nugabantur. Illic certum vitæ terminum excedere non licebat, quo peracto antistites eum in sacrum fontem, id est Nilum, demergebant & necabant; indictoq; justitio per totam Ægyptum, veste scissa, capillo deraiso vitâ functum cum planctu lugebant. Alio tandem invento bove, qui ejusdem coloris esset, publica lætitiâ promulgabatur, & sacrificia conviviaq; à populo cum hymnis & tripudiis passim celebrabantur. *His ceremoniis*

niis animam Osiridis sub imagine viventis bovis colebant.

Ab hoc Api seu bove, vituli aurei idololatricum cultum traxisse Israëlitæ, sentiunt Veteres Patres; ut & Jeroboamum, qui aram Vitulo in Dan sacravit, non longè à Jordanis fonte; quo illâ Bovis imagine, sibi populum retineret, firmaretq; Ægyptiacæ superstitionis memoriam.

Qui omnes de Apide nugæ cupit, adeat *Herodotum in Thalia, & Euterpe. Strabonem lib. 17. Plinium Hist. Nat. 8. cap. 46. Solinum cap. 35. Melam. 1. cap. 9. Ammiani Julianum. Suidam. Spartiani Adrianum. Diodorum Biblioth. 1. Luciani Caron. De statua verò illa Memnonis quæ in Templo Serapidis radiis Solis icta vocalem sonitum edebat, vide Plinium l. 36. cap. 7. Pausaniam in Atticis. Strabonem lib. 6. Tacitum Ann. l. 2. Philostratum in Apollonio, qui eam statuam ait se vidisse in Aethiopia, cùm tamen certum sit in Ægypto fuisse, juxta illud Satyrici.*

*Quis nescit, Volusi Bithynice, qualia demens  
Ægyptus portenta colat? &c.*

*Dimidio magica resonant ubi Memnone chordæ.*

Sumptuosissimum autem illi fuit templum Memphi: aliud item celeberrimum Alexandriæ, de quo Ammianus cùm ejus memoranda recenset, *His, inquit, accedunt altis sublata fastigiis templa; inter quæ eminent Serapium, quod licet minuat exilitate verborum, atriis tamen columnariis amplissimis & spirantibus signorum figmentis, & reliqua operum multitudine ita est exornatum, ut post Capitolium, quo venerabilis Roma se in æternum attollit, nihil orbis terrarum ambitiosius cernat.* Ad horum exemplum illi quoque fana dedicarunt reliqui populi, Athenienses, Spartani, Bœothi, aliq;. Cultus præcipuè fuit Romanis, à quibus Serapis unà cum Iside uxore in numerum Deorum relatus est. Illiq; fuit templum Romæ *Serapium* dictum, de quo Strabo; ibiq; extrema cum lascivia cantabant & tripudiabant viri & mulieres.

Hoc idolum superstitiosè in primis colebat Vespasianus, ut legere est apud Tacitum & Suetonium. Contrà cum illi fidem non habuisset Cambyfes Assyriorum Rex, Apinque ense in fœmore percussisset, ut si flueret sanguis deprehenderetur non esse Deus, sacrilegii pœnas dedisse fertur, & rabiosus obiisse. De futuris ab eo petebantur oracula, & responsa dabat. Nonnunquam ex solo illo Bove sacro captabantur omnia. Si pabulum oblatum à sciscitantibus placidè & voluntariè excepisset, eventus prosperos præfagire credebatur; si verò averfaretur & abnueret sumere, sinistrum erat omen: quod expertum esse Germanicum refert Plinius, è cuius manu oblatum pabulum noluit sumere; id enim illi brevi futuram cædem, quæ & evenit, præsignificasse ait. Tac. hist. l. 4. Suet. Vesp. c. 7. Plin. l. 8. cap. 46.

Ab hoc oraculo delusus est Hannibal, cui de fatiis suis interroganti respondit.

Λιβύσας κρύψει βῶλος Ἀννιβᾶ δέμας

*Libyssa teget gleba Hannibalis corpus.*

Quod Hannibal sic interpretatus est, quasi ipsius corpus in Lybia, id est in Aphrica componi deberet, & moriturus esset in patria sua, à qua extorris erat. At Oraculum innuebat Libyssam fluvium Bythiniae, in quo paulò post Hannibal venenum hausit, ne in manus Romanorum veniret.

Ficti istius Dei Idolum tanta veneratione, tantòque metu colebatur, ut vulgò crederetur, si quis id præter Antistites contigisset, subito terram in voragines horrendas apertum iri, quibus profanus ille sacrorum violator absorberetur. Eaque licet vanissima opinio, multos Christianos pavore perculerat. Cum enim Theodosius edictum promulgasset de Idolo Serapidis diruendo, milites Christiani quibus lege agere mandatum erat, coram eo meticulosi stabant, nec attingere audebant; cum demum unus arrepta securi insurgens omni nisu, statuam Dei veteratoris frustulatim conscidit, & conscissam igni dedit, nullo suo periculo. Invaluerat præterea opinio apud Ægyptios, inundationem Nili, ex qua fœcundatur tota regio, Ruff. Hist. Eccl. l. 2. cap. 23.

regio, Serapidis providentia procurari. Verum post everfionem Templi & ejus simulacri, tanta secuta est Nili exundatio, tantaq; terræ ubertas, ut anteactis seculis nulla unquam major visa esset.

Non minore autem superstitione colebatur Isis, Osiridis uxor; ut quæ corporibus morbos immittere crederetur, de qua Juvenalis Satyra 13. l. 5.

*Decernat quodcunque volet de corpore nostro  
Isis, & irato feriat mea lumina sistro.*

Sacra etiam Isiaca, in utriusque conjugis honorem excogitata sunt. Quia verò horum sacrorum mysteria tecta esse decebat, & plebi incognita; ea silentio tegebantur. Ideo Silentii statua quæ *Sigalion* dicebatur, in altaris principio erigebatur: ob eamq; causam Sphynghum simulacra ad altaris angulos addebantur, quæ arcanam rerum sacrarum cognitionem denotabant.

Isidi item conditum erat Templum Romæ in campo Martio, de quo Juvenalis Sat. 6.

*A Meroë portabit aquas, ut spargat in adem  
Isidis, antiquo quæ proxima surgit ovili.*

Eam cum marito solebant anser colere & popano, id est placenta tenui, lata & rotunda, teste Herodoto lib. 2. Eratq; in eo templo argentea serpens cui superstitiosi fundebant preces; si propicium numen esset, id motu capitis serpens illa indicabat: ita enim Juvenalis ibidem.

*Ille petit veniam &c.*

*Et movisse caput visa est argentea serpens  
Illius lacrymis; meditataq; murmura præstant,  
Ut veniam culpa non abnuat, anser magno  
Scilicet, & tenui popano corruptus Osiris.*

Anubis quoque Osiridis & Isidis filius, in maxima veneratione erat superstitiosis illis bestiis. Hunc canino capite effingebant, & sub ea specie colebant, quod in insigni canem gessit: de hoc sic idem Juvenalis Sat. 6.



*Protheus Oceani et Tethyos filius*



*Audijt ambiguus Aegyptus Protea verbis  
Narrantem summi Mystica sensa Iovis*



*Ergo hic præcipuum summumq; meretur honorem  
Qui grege linigero circumdatus, & grege calvo  
Plangentis populi currit derisor Anubis.*

*Derisorem* vocat, quia nebulo ille sciebat talibus sacris populum ludibrio haberi; & *calvum gregem*, quia hujus, ut & Osiridis sacra celebraturi, capillum funditis deradebant.

Canem coluerunt Ægyptii, juxta illud Poëtæ.

*Oppida tota canem venerantur, nemo Dianam;*

Idq; ideò quia canis, Osiridis à fratre trucidati eadaver indagavit; quâ de causâ in sacris Osiridis & Anubis, canes præcedebant. Sanè in tanto apud eos cultu erant, ut tota domus in qua canis extinguebatur, toto corpore raderetur, quod maximum apud Ægyptios luctus indicium. *Lactantius de fals. sap. lib. 5. cap. 20.*

PROTEUS

**P**ROTEI fabula nota est ex Homero *Odyss.* 4. & Virgilio *Georg.* 4. Narrant fuisse Neptuni & Phœnicæ nymphæ filium, eundemq; Neptuni pastorem. Morabatur sub ingenti specu. Ibi ei mos erat sub meridiem gregem suum Phocarum numerare, atque deinde somno se tradere. Is vates præstantissimus & veluti ter maximus habitus est, qui non futura solummodò, sed & præterita ac præsentia noscet; de eo enim & Virgilius.

*Georg. 4.*

*Ceruleus Proteus &c.*

—— *Hunc & Nympha veneramus, & ipse  
Grandævus Nereus; novit namq; omnia Vates,  
Quæ sint, quæ fuerint, quæ mox ventura trahantur.  
Quippe ita Neptuno visum est.*

Hunc tradunt responsa dedisse poscentibus non minùs certa quàm Apollinem, idq; non solum postquam defunctus ad Deos translatus est, sed dum in vita superstes erat. Qui

E

autem

autem opera ejus uti volebat, is non alio modo apud eum valere poterat, nisi manicis comprehensum vinclis constringeret. Ille contra, ut se liberaret, in omnes formas, atque rerum miracula se vertere solebat; ut nunc animal, quandoq; ignis, aut aqua, aut quid aliud videretur. Virgilius.

*Hunc ubi correptum manibus, vinclisq; tenebis:  
Tum varia illudent species, atque ora ferarum.  
Fiet enim subito sus horridus, atraq; tigris,  
Squamosusq; draco, & fulvâ cervice leona:  
Aut acrem flamma sonitum dabit, atq; ita vinclis  
Excidet; aut in aquas tenues dilapsus abibit.  
Sed quanto ille magis formas se vertet in omnes,  
Tanto, nate magis contende tenacia vincla.*

Inde natum adagium *Πρωτέως ποικιλώτερος*, Proteo mutabilior, adversus vafros & versipelles. Hujus figmenti varii varias afferunt causas. Diodorus Siculus lib. 2. Herodotum secutus, ad Ægyptiorum Regum morem id refert, quibus familiare fuit, draconis, leonis, tauri, pardi vel alicujus feræ partem priorem capite gestare, ut populis terribiles viderentur: aliquando ignem, vel aromata, aliaq; quæ ad decorem facerent, aut superstitionem aspicientibus injicerent. Ajunt verò Proteum Iliaci belli tempore, quum Ægyptus rege careret, in regem assumptum esse, quem Cetea appellarunt; laudatumq; fuisse ut Principem juris humani diviniq; cultorem insignem; religionis, justitiæ, recti æquiq; observantissimum.

*Luci. Com.  
de Saltat.*

Lucianus, Protea illum se commutantem in diversas rerum facies, non alium intelligit quàm saltatorem eximium, aut pantomimum, ad effingendum quicquid omninò collibuiisset, velut Empusa, docilem. Alii virum sapientissimum fuisse autumant, qui scripserit de Plantis, de Lapidibus, de Elementorum mutatione mutua, & quo modo illa sint principia omnium nascentium, quæ modò arbores fiunt, modò herbæ, vel animalia.

Alii sensum fabulæ ad abdita Naturæ, & conditiones  
matte-

materiae referunt. Sub PROTEI enim persona, inquit, *Baco de Sap. Vat.* Materia significatur omnium rerum post Deum antiquissima. Materia autem sub Cœli concavo, tanquam sub specu habitat, NEPTUNI verò mancipium est, quia omnis Materiae operatio & dispensatio in liquidis præcipuè exercetur. Pecus, sive Grex PROTEI, non aliud videtur esse quàm species ordinaria Animalium, Plantarum, Metallorum, in quibus Materia videtur se diffundere, & quasi consumere; adeò ut postquàm istas species effluerit, & absolverit, tanquam penso completo, dormire & quiescere videatur, nec alias amplius species moliri, aut parare. Atque hæc est *Protei* pecoris numeratio, & subinde somnus. Hoc autem sub meridiem non auroram & vespere fieri dicitur id est, cum tempus jam venèrit, quod speciebus ex materia debitè præparata, & prædisposita perficiendis, & excludendis maturum sit, & quasi legitimum & inter rudimenta earum, & declinationes medium; quod nos satis scimus ex Historia sacra sub tempus ipsum creationis fuisse. Tum enim per virtutem illam verbi divini, *Producat*, Materia ad imperium Creatoris, non per ambages suas, sed subito confluit & opus suum in actum perduxit, ac species constituit. Atque huc usque fabula narrationem suam de *Proteo* libero, & saluto cum pecore suo, complet. Nam universitas rerum cum structuris, & fabricis specierum ordinariis, est Materiae non constrictæ, aut devinctæ, & gregis materiæ facies. Nihilominus si quis peritus Naturæ minister, vim adhibeat materiae, & materiam vexet, tanquam hoc ipsi destinato & proposito, ut illam in nihilum redigat: illa contra in tali necessitate posita in miras rerum transformationes & effigies se volvit & vertit: adeò ut tandem in orbem se mutet, & periodum impleat, & quasi se restituat, si vis continetur. Ejus autem constrictionis, seu alligationis ratio magis facilis erit, si materia per manicas comprehendatur, id est, per extremitates. Quod autem additur in fabula, *Proteum* Vatem fuisse, & trium temporum gnarum; id cum ma-

reriarum natura optimè consentit. Necesse est enim ut qui materiarum passiones, & processus noverit, rerum summam, & earum quæ factæ sunt, & quæ fiunt, & quæ insuper futuræ sunt, comprehendat, licet ad partes & singularia cognitio non extendatur.

---

## P A L I C I

**T**haliam Vulcani filiam, præstantis formæ Nympham à Jove adamatam fabulantur: à quo & compressa est. Hæcubi se uterum gestare agnovit, metuens Junonis adversus pellices crudelitatem, cum gemitu & lacrymis assiduò mortem exoptabat; imò conceptis verbis ut terra sibi delisceret, oravit. Factum est, eam terra in sua viscera recepit & abscondit, tantisper donec expleto partus tempore, gemellos pareret, qui reclusa terra emerferunt, appellatiq; sunt *Palici*, ἀπὸ τῆς πάλιν κέσθαι, quòd in terram prius merfi, denuò inde reversi sint, ut ait Macrobius *Saturn. l. 5.* Sed has esse gerras Siculas, probat Doctiss. Bochartus *Geogr. l. 1. c. 18.* ideo à poëtis confictas, ut è Græcâ linguâ Palicorum nomen peterent; quod ille affirmat esse planè punicum. *Παλιχίν* *Palichin* enim vel *Pelichin*, à *Παλ* *palach*, quod colere & venerari Syris significat, deducit; ut *Palichim* quasi colendos sonet: quo eos epitheto Æschylus insignivit, *σεμνὲς Παλίκους*, *Venerabiles Palices* vocans. Narrant enim adultos juvenes, sui ævi homines omni virtutum genere longè superasse, & populares suos innumeris adjuvisse beneficiis: Ideoq; defunctos, primæ veneratione cultos esse in Sicilia ubi nati dicebantur. Eos enim in cœlum receptos vita æterna frui, supremæ Divinitati assistere, & communicata à Deo potestate genus hominum conservare, seq; invocantibus adesse in rebus adversis, affirmabant. *Palicos*, inquam, ut Deos *Penates* & *ἐνιοπίους*, quorum se numinibus protegi putabant, venerati sunt Siculi, Templum

*Palisii Iovis et Thaliae filij.*



*Pinguē sacrificium saeculis celebrate Palisii  
Trinacriam sterilem ut fertilitate beent.*







*Mercurius Trisgemistus.*



*Quod Iove sis genitus magno, vis enthea mentis  
Divinae, et caeli cognitio alta probat.*

plum illis erexerunt, Sacerdotes instituerunt, qui eorum laudes quotidie decantarent, iisq; sacra facerent. Cùm fatidicos crederent, eorum oracula studiosè requirebant. Juramenta de rebus magni momenti circa duos lacus è quibus emeruisse dicebantur, exigì solebant; ubi præsens & efficax numen ostendi credebatur. Nam si quis falsò dejeraret, eum eodem in loco acerbissimis cruciamentis, spectantibus omnibus, torqueri proditum est. Silius lib. 14.

*Et qui præsenti domitant perjura Palicis  
Pectora supplicio.*

Palicorum venerationem auxit insuper, quod cùm in sterilitate, Siculi Heroi cuidam sacra fecissent, ita jubente Palicorum oraculo, rediit agrorum fertilitas, ut refert Macrobius. His tantum sibi authoritatis conciliarunt ut non modò Siculi, sed circumvicinæ regiones Palicos prima religione coluerint, ceu Deos Alexicacos. Eorum fanum multis ditavit donariis stulta veterum superstitio. Atque illud describit Diodorus lib. 11, tanquam magnificè exstructum porticibus & aliis diversoriis splendide ornatum. Servosq; addit à Dominis eò confugientes, habuisse asylum inviolabile. Urbs quoq; *Palice* horum nomine est ædificata. Circa eorum aram choreas agitabant puellæ coronatæ floribus, sparsisq; capillis; tibicines melos concinebant, circumfusâ populi coronâ & applaudente.

## MERCURIUS TRISMEGISTUS

**T**Radunt Mercurium Trismegistum patrem habuisse Philonem, qui ex Proserpina filia, quam in balneo compreferat, generavit hunc filium; cùm verò eum exponere cogitaret propter incesti dedecus, vatem quendam consuluisse, qui respondit puerum ex filia natum, fore maximum & doctissimum rerum divinarum interpretem, ejusq; nomen inter

homines celeberrimum. Philo tali accepto responso, mutavit sententiam, puerumq; summâ curâ educari & liberalibus omnibus disciplinis institui curavit; adeò ut propter doctrinam & ingenii acumen, omnibus admirationem brevi moverit. Ideo Sol dictus est, quod quasi esset lumen mundi, ob præstantem rerum omnium scientiam. *Theut* ab Ægyptiis vocatus est. *Trismegistus* autem Græcis, id est, *Ter Maximus*; vel quia Trinitatis mysterium primus inter Ethnicos agnovit, ut vult Suidas; vel quia & Philosophus maximus, & Sacerdos maximus, & Rex maximus extitit. Mos enim erat Ægyptiis, ut Plato scribit, ex Philosophorum numero Sacerdotes, ex Sacerdotum cœtu Reges eligere. Ille igitur, quem admodum acumine atque doctrina Philosophus omnibus antecesserat, sic Sacerdos inde constitutus, sanctimonia vitæ divinorumq; cultu, universis Sacerdotibus præstitit; ac demum adeptus regiam dignitatem, administratione legum, rebusq; gestis, superiorum regum gloriam obscuravit. Inde *ter Maximum* dictum putant. Nomen ejus proprium ob reverentiam quandam pronuntiare vulgò ac temerè non licebat. Primus tamen anni mensis apud Ægyptios, nomine ejus cognominatur. Is si Jamblico fides, scripsit librorum plùs triginta sex millia: quadraginta duos tantùm numerat Clemens Alexandrinus, qui hõrum catalogum accuratè instituit *lib. 6. Stromatum*. Ex his Theologiam suam, & quicquid habet de Creatione mundi, se hausisse fatetur Sanchoniathon. In illis quædam habentur scriptis Mosis valdè consona. Non, ut statuunt nonnulli, quod Moses ea à Trismegisto, quem putant Pharaonis tempora præcessisse, mutuatus sit; fuit enim Moses *Θεοδιδαντος*; sed ea didicit Hermes à Chaldæis, Judæis, & Ægyptiis, qui hanc doctrinam à primis Patribus, quasi per manus acceptam & diu in sua puritate servatam, retinuerunt; quæ paulatim Dæmonum astu & hominum negligentia, obscurata est & extincta. Multa itaque scripta reliquit Trismegistus, *De cognitione rerum divinarum; De uno Deo; De omnium rerum*



*Telemus Eurymii filius*



*Inspirante Deo fatorum arcana recludo  
Lymphatum quoties enthea flammis subit*



*rerum per Filium creatione: De Providentiâ, & aliis.* Cæterum quin nonnulla à Christianis ficta, & Hermeti falsò adscripta sint, non est dubium. Qui enim Pimandri nomine liber inscribitur, prorsus suppositus est & adulterinus: nam de Christo multa adeò clara prædieat, ut non ab Ethnico homine, Mose, ut creditur, antiquiore, sed à Christiano aliquo concinnatum esse, tota libri textura demonstret. Hermes autem diu præfuit Ægyptiis, iisq; leges ac literas tradidit; literarum verò characteres in animalium, arborumq; foliis instituit. In ejus honorem ædificarunt Ægyptii Hermopolim, *id est*, Mercurii urbem; *Hermes* enim apud Græcos est *Mercurius*. Post obitum, pro Deo creditus est & divinis honoribus cultus, non modò in Ægypto, sed per totum terrarum orbem, templis illi arisq; & sacrificiis dicatis. Inter cæteras ejus statuas, una fuit lapidea in Achaia Pharis, quæ oracula reddebat. Ad eam sub vesperam thus incendebatur in ara, lucernæ replebantur oleo, & ad dexteram simulacri manum, reponebatur nummus aeneus, precesq; auribus Idoli obmurmurabantur: Quibus ritè peractis, sciscitantes discedebant è Templo, obturatis auribus; egressiq; foras, quam primò vocem, apertis auribus excipiebant, responsi loco interpretabantur, tanquam à Mercurio emissam.

---

## TELEMUS

**T***elemus* Neptuni & Erumæ Nymphæ filius, unus fuit è Cyclopibus, qui ita dicti sunt à rotundo orbiculatoq; oculo, quem unum habebant, cumq; in fronte positum, à κύκλος orbis, & ὤψ oculus. Telemum, ab aliis fratribus, pietatis studio & animi moderatione, longè diversum fuisse tradunt; tantumq; abesse ut cum fratribus in Superos conspiraverit, qui ideò fulmine icti sunt, ut contrà religionis & cultus Deorum, observantissimus fuerit. Ideò virtutibus suis, Cœlitibus,

bus, Apollini in primis clarissimus fuit, qui illi divinandi scientiam tribuit; ut ejus consilio uterentur homines tanquam Dei consilio, Inter alias prædictiones, fertur Polyphemo fratri pronuntiasse, venturum Ulyssem qui illum lumine priveret, ob contemptum Deorum & tyrannidem. Ovidius Metam. l. 12.

*Telemus interea Siculum delatus in aquor,  
Terribilem Polyphemum adit; lumenq; quod unam  
Fronte geris mediâ, rapiet tibi, dixit Ulysses.*

## J A P Y X

**J**apygem Dædali, vel ut alii volunt, Jasii filium, scientiâ vaticinandi illustrem celebrant Poëtæ. Hunc Apollini dilectum fuisse, & artibus variis ab eo donatum, Medicina, Musica & Augurio, his canit Virgilius *Æneid.* 12.

*Iamq; aderat Phæbo ante alios dilectus Iapys  
Iasides, acri quondam cui captus amore  
Ipse suas artes, sua munera latus Apollo  
Augurium cytharamq; dabat, celeresq; sagittas.*

Medicinæ etiam se in primis addixit, ut levaret parentem jam senem & infirmum, ut ibidem Maro.

*Ille ut depositi proferret fata parentis,  
Scire potestates herbarum, usumq; medendi  
Maluit, & mutuas agitare in glorius artes.*

Hinc, ut observat Servius, *Iapys* aptum nomen medico, nam *ἰατρὴ* Græci dicunt curare. Ab hoc Japyge, *Iapygia* dicta est pars Apuliæ, à quâ & Japys ventus est nominatus; qui de Apulia flans, optimè ad Orientem ducit. Vide *Servium in Æn.* 8. Ideo utilis Athenas petentibus ex Italia. *Horat.* l. 1. *Ode 3.*

*Iapyx Iasij filius.*



*Venturos casus praescire, et dicere causas,  
Auguria et lauros noscere Apollo dedit.*










*Tyresias Thebanus*



*Iuno abcaecavit, sed m̃ pro lumine adempto  
Iupiter omnipotens scire, futura dedit*



pag. 41







## T I R E S I A S

**V**ulgò nota est ridicula Tiresiæ fabula; quia tamen is nomen obtinet inter vates Ethnicos, suus illi hîc debetur locus. Thebis Bœotiis natus dicitur, & inter suos primarius. Cùm fortè in Citherone monte Bœotiæ vagaretur meditabundus, incurrit in duos ângues simul cœuntes: quo spectaculo offensus, scipione quem tunc manu gerebat, fœminam percussit & interemit. Dii quibus illi serpentes sacri erant, Tiresiam in fœminam commutarunt. Tum sexu alio adscito, verecundiâ suffusus, Thebas revertitur, & inter mulieres per septennium versatur. Verùm cùm in Citheronem iterùm ascenderet, ex serpentibus quos prius viderat, marem offendit, quem baculo illisum interfecit; subitòq; sensit se masculinum sexum recuperasse. Contigit aliquandiu postea, ut Jupiter nectare diffusus, per pocula, ut fit, cum Junone jocos agitans, assereret in coitu majorem esse mulierum, quàm quæ contingit maribus voluptatem. Illa negabat, cùmq; uterque contenderet suam sententiam veram esse optimum factu judicatum est, ut jocosaæ liti dirimendæ, ascisceretur arbiter. Placuit Tiresiam accersiri, qui ut sexum utrumque expertus erat, optimè omnium pronuntiare posset. Is ad consilium Deorum admissus, & sententiam rogatus, dicta Jovis firmavit. Hoc justò gravius, nec pro materiâ, doluisse fertur Juno, & judicem excæcatum æterna damnasse nocte. Jupiter cùm non posset factum uxoris infectum reddere.

——— *Neque enim licet irrita cuiquam*

*Facta Deifecisse Deo*

pro visu adempto, divinationis scientiam Tiresiæ largitus est,

*Scire futura dedit, pœnamq; levavit honore.*

*Ovid.*

*Ille per Aonias famaceloberrimus urbes,*

*Irreprehensa dabat populo responsa petenti.*

F

Hujus

Hujus celebratur vaticinium de Narcisso, cum ad ejus parentes de fato filii consulentes, respondit, *Tandiu superstitem fore puerum, quandiu à sui conspectu abstineret.* Quod de Apollo- nio Tyaneo aliisq; infra dicitur, id ipsum de Tiresia tradi- tum, intellexisse scilicet avium, omniumq; aliorum anima- lium sermonem. Fuit verò Pyromantis vel Capnomantis, id est ex eorum Magorum genere qui observabant sacrificii ignem & fumum, item rogi; & ex eo divinabant. Sic enim Papinius de Tiresia in *Thebaid. lib. 10.*

*Ille coronatos jam dudum amplectitur ignes,  
Fatidicum sorbens vultu flagrante vaporem.*

Capnomantiâ usos Judæos, & considerasse an fumus qui ex victimarum sacrificio ascendebat, rectus ascenderet an in obliquum vergeret, docet Theophylactus in *Ose. cap. 4.* Tiresiam ut insignem Necromantem describunt Seneca Tragi- cus, & Statius. Ille in *Oedipo*, canit in nemore obscuro densi- tate arborum, Tiresiam Laii manes magicis artibus elicere tentasse.

————— *Fuxesto, inquit, integit  
Vates amictu corpus, frontem quatit.  
Lugubris imos palla perfundit pedes &c.  
Vocat inde manes, teq; qui manes regis,  
Et obsidentem claustra lethalis lacus.  
Carmenq; magicum volvit, & rabido minax  
Decantat ore, quicquid aut placat leves  
Aut cogit umbras.*

Statius hoc ipsum Tiresiæ elicium describit copiosissi- mè, aitq; eum solitum huic præcipuè divinationi relictis aliis vacasse. Carmine hoc magico invocat Infernum seu Tar- tarum.

*Tartarea sedes & formidabile regnum,  
Mortis inexpleta, tuque ô sævissime fratrum,  
Cui servire dati manes, æternaq; sontum  
Supplicia, atque imi famulantur regia mundi.*

*Solvite*



*Mopsus Apollinis filius.*



*Nescius est Calchas Caprifico, in arbore poma  
Quot gerat: Hoc verbis exprime victor eris*



*Solvite pulsanti loca muta & inane, severa  
Persephones &c.*

Cum verò exire cessarent Manes, nec moram ferret Tiresias, hisce indignationem testatur.

*Atque hic Tiresias, nondum adventantibus umbris,  
Testor, ait, Divos quibus hunc sacravimus ignem,  
Iam nequeo tolerare moram. Cassus nē Sacerdos  
Audior; an rabido jubeat si Thessala cantu  
Ibitis? &c. Nostricura minor? &c.*

*Ne tennes annos, nubemq; hanc frontis opaca,  
Spernite, ne moneo; & nobis nocere facultas.*

Tiresias longam adeptus senectutem, & amplissimis honoribus à Græcis ob prædictionum certitudinem ornatus, ad montem Telphosium secessit; ubi privatus reliquum vitæ exigeret, remotus ab urbanis tumultibus. Sub eo monte, fons scaturit limpidissimus, & frigiditate sua noxius; de cujus aquis, ut ait Aristophanes, cum Tiresias jam gravi pressus senio largiter bibisset, sanguine congelato & coalescente extinctus est; ibidemq; structo sepulcro tumulatus.

Illi post mortem Græci divinos honores tribuerunt, & sacrificia quotannis instituerunt; responsaq; petiverunt multis ceremoniis ab ejus manibus. Homerus *Odyss.* 10. introducit Ulyssē evocantem animam Tiresiæ, ut ab ea edoceretur de rebus futuris.

Mopsus nepotem habuit, vaticinandi scientia avo non inferiorem. Is fuit Sibyllæ Manto filius. De quibus infra.

Plutarchus affirmat suo tempore defecisse Tiresiæ oraculum, & velut feriatum conticescere.

## M O P S U S

**S**trabo *Cosmograph.* l. 9. tres commemorat Mopsos: Laphtham Argonautarum navigationis comitem: Alterum à

quo Attica, Mopsopia est appellata: Denique Mopsum Apollinis & Mantus fatidicæ mulieres filium. Hic ab utroque parente vaticiniorum scientiam edoctus, de futuris adeo certa reddidisse fertur oracula, ut in Proverbium abierit, *Mopso certior*, de eo qui citra errorem futura prædicebat. Hic ipsum Calchantem, augurem alioqui eximium, divinandi scientia superasse traditur. Ajunt enim Calchantem cum Amphilocho Amphiarai filio, terrestri itinere è Trojano bello redeuntem, in Mopsum incidisse; cumq; inter se de divinandi peritia decertarent, quævisse à Calchante Mopsum, quot in obvia arbore ficus essent, quod ille se ignorare fassus est: Vicissim Calchantem sciscitatum de prægnanti sue oblata, quot gestaret porculos; Mopsum illicò tres esse dixisse, & ex iis unam fœminam; quod exenteratâ scrofâ verum esse deprehensum est: Calchantem cum Mopso palmam cedere cogeretur, pudore & ægritudine obiisse.

Super Mopsi morte ita cecinit Apollonius *Argonaut. 4.*

Εὐθα καὶ Ἀμυκίδην αἰτῶ ἐνὶ ἡματι Μόψον  
 Νηλεὺς ἔλε πῶτος, ἀδευκέαδ' ἔφυγεν αἶσαν  
 Μαντοσμίαις, ἔγὰρ τις ὑποτροπὴ θανάτοιο.

Id est ——— *Ibi & Ampycidem dic illa Mopsum*

*Crudelis mors abstulit, amarulentum verò non vitavit fatum  
 Vaticiniis; non enim mortis evasio ulla.*

In Libya obiisse, nec mortem prævidisse suam, testatur Seneca in Medea, *ea*

———— *Serpens Libycis arenis  
 Omnibus verax, sibi falsus uni  
 Concidit Mopsus, caruitque Thebis.*

Ibi serpens, ut observat Cælius Rhodiginus, non est verbum, sed participium. Est enim verborum structura, *Mopsus serpens*, Id est, oberrans & vagabundus, obiit in Libya.

Plutarchus *De defectu Oraculorum*, scribit Mopsum post mortem, habuisse *Manteium*, facellum in quo responsa dabat. Lactantius eum augurio eatenus nobilem scribit, ut post

**mortem**



*Calcas Thestoris*



*Numina prædixi sacris placanda Dianæ  
Pergama et ante annos non ruitura decem.*

mortem Templâ quoque ei sint dicata, quæ oraculâ  
sæpè adirent hominès.

CALCHAS

**C**Alchas divinandi scientia Græcorum celeberrimus Augur, fuisse dicitur nepos Apollinis, Thestoris filius. Hunc Agamemnon Græcorum Imperator secum duxit cùm adversus Phrygiam profectus est, Helenam Menelai fratris uxorem à Paride, Priami Trojanorum regis filio, raptam, repetiturus. Ea in expeditione variis responsis claruit Calchas. Primò in Aulide; dum enim illic colligendis copiis & congregandæ classi, moratur Agamemnon, fortè in venationem profectus, imprudens cervum Dianæ sacrum interfecit. Unde irata Dea, contrariis ventis Græcorum navigationem retardat. Calchas ea de re consultus respondet, Dianam non nisi Agamemnonis sanguine placari posse. Filiam itaque suam Iphigeniam, Dianæ immolandam tradit Agamemnon.

Iterum dum in Aulide adhuc erant Græcorum copię, & sacra institueret Calchas, vidit serpentem per arboris ramos sinuoso volumine irrepentem in nidum passerum, ex quibus novem depastus est cum ipsa matre. Hoc augurio Calchas prædixit Græcis, Trojam non nisi post decennalem obsidionem captum iri. Hunc casum sic enarrat Homerus *Iliad.* β, ut Latinè convertit Cicero *de Divinat. lib. 2.*

*Argolicis primùm ut vestita est classibus Aulis  
Qua Priamo cladem, & Trojæ, pestemq; ferebant;  
Nos circum latices gelidos fumantibus aris,  
Aurigeris divùm placantes numina tauris,  
Sub platano umbrifera, fons unde emanat aquai,  
Vidimus immani specie, tortuq; draconem  
Terribilem, Iovis ut pulsa penetravit ab ara,  
Qui platani in ramo foliorum tegmine septos*

*Corripuit pullos: quos cum consumeret octo,  
 Nona super tremulo genitrix clangore volabat:  
 Cui ferus immani laniavit viscera morfu.  
 Hunc, ubi tam teneros volucres, matremq<sup>3</sup> peremit,  
 Qui luci ediderat, genitor Saturnius idem  
 Abdidit, & duro firmavit tegmine saxi.  
 Nos autem timidi stantes mirabile monstrum  
 Vidimus in mediis divum versarier aris.  
 Tum Calchas hac est fidenti voce locutus.  
 Quidnam torpentes subito obstupuistis Achivi?  
 Nobis hac portenta Deum dedit ipse Creator,  
 Tarda & sera nimis: sed fama ac laude perenni.  
 Nam quot aves tetro maculatas dente videtis:  
 Tot nos ad Trojam belli exantlabimus annos,  
 Qua decimo cadet, & pœna satiabit Achivos.  
 Edidit hac Calchas.*

Denique dum Græci Trojam obsidebant, exorta est in castris gravis pestilentia, qua exercitus paulatim peribat. Consultus Calchas respondit, Apollinem iratum immisisse hanc luem in Græcos, ob non restitutam Chryseæ Apollinis sacerdoti filiam, quam captam detinebat Agamemnon. Suasu igitur Calchantis, Achilles Chryseidem ademit Imperatori & Chryseæ patri restituit; quo facto desinit lues. *Hom. Il. a.*

Ejusdem Calchantis consilio se destinatum aræ querebatur apud Virgilium, stropharum artifex Sinon.

De Calchantis obitu dictum est in Mopso. Filiam habuit Lampusiam illam fatidicam, de qua infra.

## I D M O N

**P**rodunt Pindarici Interpretes, Argonautas illos qui Jasonem secuti sunt in expeditione Colchicâ, ut aureum velus inde reportarent, tribus usos vatibus, Mopso, Idmone, & Amphia-



*Edmon Apollinis et Astories filius*



*Divinandi artem genitor me instruxit Apollo  
Ict, at libico nil min, angue cado*



**Amphiaræ.** Quidam Idmonem non alium esse à Mopso volunt, & Mopsum *Idmona* appellari, ob multam rerum & vaticinii peritiam. Nam & qui proprio nomine Thestor dicebatur, antiquitus *Idmona* nuncupatum, ob insignem experientiam, testis est Apollonii Interpres; quod Chamæleontis comprobatur auctoritate. Plerique tamen volunt *Idmona* Vatem fuisse Apollinis & Asteries filium, qui à Phœbo parente divinandi scientiam accepit, & in ea clarissimus evasit.

Cùm Principes Græciæ consilium iniissent de auferendo vellere aureo quod Colchis asservabatur, de quo erat in fatis, regnum illud florentissimum fore, ubi custodiretur integrum; Idmon prædixit Græcis, eos voti compotes futuros, si Diis faventibus profectionem in Colchos susciperent. Placatis igitur Superis, sacrificiisq; solemni ritu peractis, consilio Minervæ monitus Idmon, navem majorem quàm eo tempore fieri consueverat, fabricari curavit: facta igitur est ea navis ex roboribus Dodoneis, quæ olim vocalia fuisse & oracula reddidisse fama erat. Confectam affabrè, omnibusq; ad navigationem necessariis instructam, conscenderunt Argivi, qui Argonautæ dicti sunt, ab Argo nave. Quinquaginta quatuor fuisse Argonautas tradunt; è quibus præcipui fuerunt Jason, Hercules, Zetes & Calaïs, Castor & Pollux, Orpheus, Mopsus, Theseus, Telamon, Idmon & Argus architectus, qui navem fabricaverat. Cùm ergo ad Colchos appulissent, & vellus aureum ab Aëthe rege petiissent, iisq; esset denegatum; bellum illi intulerunt. Erat vellus illud in Templi penetralibus appensum, quod Fauni æripedes, flammivomi, & indomiti, Dracoq; pervigil horrendæ magnitudinis, custodiebant. Hæc impedimenta cùm superare perdifficile esset, Medea Æthes regis filia, Jasonis amore capta, illum monuit quo pacto tauros domare, & vigilem draconem sopire posset; quibus fæliciter peractis, vellus aureum abstulit, & in Græciam detulit Jason. Observat Clar. Bochartus, navem *Argo* dictam, non ut vulgò creditum, ab *Argo* conditore, aut ab Argivis.

givis in ea vectis, sed à voce Phœnicum *Arco*, vel *Argo*; permutari enim passim C. & G. Argo autem navis, longam navem significat, quâ tum primùm usi sunt Græci, cum ante Jasonem, rotundis duntaxat navibus uterentur. Hinc Plinius lib. 7. c. 56. *Longa nave Iasonem primùm navigasse Philostratus auctor est.* Id & addam ex eodem Bocharto. A Poëtis navem Argo loquacem fictam, utpote constantem è ligno Dodoneæ silvæ quod humanas voces fundere dicebatur: qui error natus est à verbo דבר, quod Ebræis *loqui* significat, & *regere* seu *moderari*, quia animos sermone regimus & moderamur. Inde דברה (*dobera*) *loquentem*, si participium, si nomen est *ratem* sonat, quæ regitur & gubernatur: & Ebrææ voces דבר מרגץ, tam reddi possunt, *Lignum loquax*, quàm, *lignum quod navem regit.*

Cæterùm Idmonem periisse ab apro percussum, scribit Apollonius. Qui serpentis morfu interiisse tradunt, ex perperam intellecto Senecæ in *Medea* loco suprâ laudato, falluntur. Mortem autem suam præscivisse & prædixisse Idmona, affirmat Apollonius Argonauticon primo.

Αὐτὰρ ἐμοὶ πάντων συγχεῖν ὅτι δαίμονος ἄστυ,  
Τηλόθι πα πᾶσι πρῶτον ἐπ' αἰδὸς ἠπίεργον.

Id est. — *At mihi emori odiosi Dæmonis fato,  
Procul sancitum est in Asidis continente.*

Sic Seneca in *Medea*,

*Ite nunc fortes, perarate Pontum Sorte timenda:  
Idmonem, quamvis benè fata noscet Condidit.*

## A M P H I A R A U S

**M**OPSO & IDMONI, expeditionis Colchidæ comitem Amphiaräum subjungimus. Hic Oecles filius, originem longâ majorum serie ad Jovem referebat. Inter Græcos Vates excellentissimus habitus est: Item in remilitari fortitudine & prudentia clarus. Pausanias ait Amphiaräum

*Amphiara, Oiclei filius*



*Quid iuvat ostendisse tuis tua funera natis—  
Dircaeo absorpt, si mori are solo.*



raum interpretandorum somniorum scientia præcellentissimum fuisse, eundemq; futurorum cognitionem per somnia constituisse. Ad hujus autem oraculum qui pergebant, purgari primum oportebat. Purgatio erat ut Deo res sacra perageretur, cui & omnibus quorum nomina in arâ sculpta erant sacrificabat. His peractis, mactati arietis pellis substernebatur, atque ita soliti dormire, captantes somnii interpretationes. Ad quod alludens Virgilius *Aen.* 7. de Latino loquens, ait.

*Pellibus incubuit stratis, somnosq; petivit.*

Pelli itaque incumbentes & dormientes, in somnis audiebant aut videbant ea quæ sciscitati erant: eaq; à vate sacerdote explicabantur. Amphiarao autem post obitum, propter divinationis peritiam & fatidica consilia, templum erexerunt Oropii in Articâ, honoresq; divinos & aras, ac sacerdotes decreverunt. Templum ex candido marmore præstanti arte constructum est, ad quod ex tota Græcia conventus erat maximus, oraculum poscentium. Philostratus *in vita Apollonii Tyanai lib.* 2. tradit eos qui responsa ab Amphiarao petebant, diem integrum à cibo, & triduum à vini potu abstinuisse. Refert Plutarchus *In vita Aristidis*, ante pugnam illam Platæensem, Mardonium Persici exercitus ducem, misisse servum suum ad Amphiarai delubrum, ut pugnae eventum exploraret. Cum igitur servus ille noctu in victimæ spolio procumbens dormiret, per quietem sibi visus est aditare sacrorum Antistes, qui juberet templo excedere, non enim licere barbaro in loco sacro cubare; cum verò Persa cunctaretur, recusaretq; recedere, Sacerdos visus est cum vi extrudere velle, & lapide impetum humi prostravisse. Somnium hoc pugnae exitum depinxit, nam paulò post, commisso prælio ad Platæas, Mardonius ictu saxi percussus, occidit.

In templo Amphiarai quod Thebis erat, nulli Thebano captare vaticinia licebat. Causam hanc referunt. Dum adhuc esset in vivis Amphiaras, eligendum Thebanis propo-



fuit, utrum mallent se uti vate, vel propugnatore & defensore. Thebani responderunt, malle se eum habere auxiliatorem; vaticinia ab Apolline qui Delphis erat, captaturos. Ideò post Amphiarai mortem, nefas fuit Thebano cuiquam, in ejus delubro somniis vaticinia exposcere. *Herodot. l. 8.*

Cùm Græci, Polynici adversum fratrem Eteoclem Thebanorum Regem auxilio irent, Amphiaraus eò vocatus est; sed cùm præsciret, se si ad id bellum proficisceretur moriturum, ut fata vitaret; conscia uxore Eriphyle, se abscondit in locum abstrusum, ubi diu latuit. Tandem verò avara mulier, accepto torque aureo à Polynice, maritum latentem prodidit. Abstractus itaque è latibulo Amphiaräus, Thebas in militiam proficisci coactus est, ubi & occubuit. Refert enim Plutarchus, aquilam ejus hastam abreptam sustulisse in altum, moxq; demisisse; eam verò terræ impactam lauri speciem præbuisse. Insequenti die, hostibus acri prælio ibidem congregientibus, terræ hiatu repentino haustum cum curru (quod *ἄρμα* dicunt Græci) Amphiaräum periisse. Conditam postea ibi urbem, Harmatis cognomine insignem. Verùm

*Geogr. Sacr.*  
*p. 1. cap. 15.*  
*Arab. l. 9.*  
*Paus. in*  
*Bæot.*

aliam hujus nominis rationem assignat *Clariss. Bochartus*, cujus hæc sunt verba; *Harma Bæotia locus erat columnis septus, propter vatem Amphiaräum hiatu terræ ibi absorptum ita execrandum, ut fama sit neque aves illis columnis insedisse, neque feras herbam attigisse in intercolumnio illo crescentem. Harma igitur non à curru, ut volunt, sed ab execratione dictus; id enim est Phæniciū הרמה Harma.*

Cæterum Eriphyle quæ marito necem accersiverat, id non impunè habuit; Alcmaëon enim filius, cui antequam proficisceretur Amphiaräus, perfidiam matris declaraverat, statim atque fatum patris audivit, matrem Eriphylem interfecit; in eam impius factus, ut mortem patris ulcisceretur.

Ita autem præcellens vates habitus est Amphiaraus, ut in proverbium abierit apud Amm. Marcellinum, *Si quid, inquit ille, in penetrali secreto, nullo ministrorum præsentis, paterfamilias*



*Aruns Hetrusc, Haruspex*



*Fulminis agnosco motus, Venasque calentes  
Fibrarum, atque avium mobile remigium*

*miliæ uxori in aurem susurrasset, velut Amphiarao referente, aus Martio, quondam varibus inclytis, postridie discebat Imperator.*

Hunc affirmat Statius lib. 8. intellexisse voces avium.

## A R U N S

**P**LURIMI in Hetruria divinandi scientiam per auguria & aruspicia coluerunt. In his è primis eminuit Aruns Augur & vates celeberrimus; de quo Lucanus lib. 1.

*Hæc propter placuit Thuscis de more vetusto*

*Acciri vates: quorum qui maximus avo*

*Aruns incoluit deserta mœnia Lænæ:*

*Fulminis edoctus motus, venasq; calentes*

*Fibrarum, & cursus errantis in aëre penna.*

Quoniam verò in Augures incidimus, de iis nonnulla præfari haud abs re erit. Augures propriè avium garritum observabant: Auspices, volatum; sed crebrò confunduntur. In avibus autem garritus, volatus & pastus observabantur. Avium aliæ erant oscines, quæ cantu seu garritu; aliæ præpetes, quæ volatu putabantur prædicere; harum rursus variæ erant differentiæ, funebres, cliviæ, arculæ, volscræ, remores, inebræ, aliæq; multæ, de quibus *Plinius l. 10. c. 13. 14. 18. Gellius l. 6. c. 6. Servius in Virgil. Aen. 2. Festus in voce Oscines.*

Auguria captaturi cœlum eligebant purum & serenum. Lituum, qui erat baculus incurvus augurale signum, manu tenebat Augur, quo cœli regiones designabat, & metas intra quas contineri debebant auguria, metiebatur. Templum vocabantur illæ metæ, à contemplando. Post absolutas preces, velato capite, toga duplici augurali candida, confidebant; intentisq; ad cœlum oculis, attentè expectabant si quæ signa sese offerrent. Si objiceretur avis aliqua, considerabant quo volatu ferretur, an obliquo, vel prono, vel supino motu corporis. Item, ad dextram vel ad sinistram canerent oscines.

Præterea gallinacei ad auguria captanda servabantur clausi caveis, loco sacro. Pullarius summo mane & primo diluculo, imperato de more silentio, caveâ reclusâ, offam pullis exhibebat: quod si ad oblatum cibum involarent galli, & avidè eum depascerentur, ita ut ex eorum rostro aliquid laberetur & terram paviret, quod tripudium faceret solistimum, ex eo Augur felicem rerum successum à Deo promitti asserbat.

Divinabant etiam aruspices & extispices, ex inspectione viscerum victimarum, quas exenteratas diligentissimè explorabant; imò ipsas ranas. Juven. — *Ranarum viscera nunquam*

Juven. Sat.  
3 l. 1.

*Inspecti.* Maximè circa hepar curiosi erant, quod in eo vaticiniorum sedem propriam putabant; Alias quoque viscerum partes, ut cor, folliculum fellis, lienem, pulmonem, exta, non minori sedulitate contemplabantur, an omnia convenirent. Nisi enim omnia congrua essent, alienati numinis signa portendebant; si verò erant integra, Deos benevolos promittebant. Nugacissima commenta! quorum tamen neglectui, Romani clades P. Claudii & Lucii Junii, bello Punico primo; & Flamini bello secundo, tribuère.

Tac. Ann.  
1. 1.

Collapsam hominum socordiâ miram hanc scientiam & Reipublicæ adèò necessariam, pro singulari sua sapientia, restituit Claudius Imperator, *Retulit ad Senatum*, inquit Tacitus, *super collegio haruspicum, ne vetustissima Italia disciplina per desidiâ exolesceret: sapè adversis Reipublica temporibus accitis quorum monitu redintegratas ceremonias, & in posterum rectius: Primoresq; Etruria spontè aut Patrum Romanorum impulsu retinuisse scientiam & in familias propagasse: quod nunc segnius fieri, publica circa bonas artes socordia, & quia externa superstitiones valescant. Lata quidem in præsens omnia; sed benignitati Deûm gratiam referendam, ne ritus sacrorum inter ambigua culti, per prospera oblitterarentur. Factum ex eo S. C. viderent Pontifices, quæ retinenda firmandaq; Haruspicum. Vide Polybium l. 1. Val. Maximum l. 1. c. 4. T. Livium l. 22. Ciceronem de Divin. l. 1. & 2. & de Nat. Deorum.*

TAGES





*Tages*



*Nil sine me Hetrusc, sacris intent, Haruspex  
Aggreditur: leges quem docui augurij.*





## T A G E S

**F**UIT Tages, ut Beroso placet, Noë trinepos ex Camb; filius Aruntii. Marlot ab Etruscis appellatus est, ad quos se recepit, quosq; in sacris, divinatione, auguriis, & aruspicina instituit. *A Cameſo enim, id est Camo, inquit idem Berosus, per manus hac scientia ad posteritatem, longo temporum intervallo pervenerat; semperq; ceremoniarum, superstitionumq; adjectione in immensum creverat.*

De Tage Cicero ita tradit, *Tages quidam dicitur in agro Tarquinienſi, cum terra araretur, & sulcus altius eſſet impreſſus, extiſſe repente, & eum affatus eſſe qui arabat. Ejus aſpectu cum obſtupuiſſet bubulcus, clamoremq; majorem cum admiratione edidiſſet, concurſum eſſe factum, totamq; brevi tempore in eum locum Hetruſiam conveniſſe. Tum illum plura locutum multis audientibus, qui omnia ejus verba exceperint, literisq; mandaverint.* De eodem ſic Ovidius *Metamorph. l. 15.* De Nat. Deor. l. 2.

*Haud aliter ſtupuit, quàm cum Tyrthenus arator  
Fatalem glebam mediis aſpexiſſe in arvis,  
Sponte ſua primùm, nullog; agitante moveri;  
Sumere mox hominis, terraq; amittere formam;  
Oraq; venturis aperire recentia fatiſ.  
Indigena dixere Tagem; qui primus Hetruſcam  
Edocuit gentem caſus aperire futuros.*

Hic itaque à parente edoctus, brevi celeberrimus evaſit, & aruſpicinam, extiſpiciorum ſcientiam ac ſacrificiorum ritus ſic excoluit, ut eorum primus author habitus ſit; quod & Lucanus teſtatur his verbis,

*At fibris ſit nulla fides, ſed conditor artis  
Finxerit iſta Tages.*

Nec has modò ſuperſtitiones Hetruſcos docuit, ſed & remedia quibus arcerentur tempeſtates, ſedarentur venti, &

grandines averterentur ab agrorum finibus. Nempe averti grandinem, tempestatem, & lolium ipsum à segetibus, si quis crocodili pellem, vel vituli marini per spatia possessionis circumferat; aut si ubi instare malum videt, oblato speculo, imaginem nubis accipiat; aut si ad limites agri caput asini sua pellenudatum, affigat. Verba sunt Columellæ,

*Ipsa novas artes varia experientia rerum  
Et labor ostendit miseris, ususq; magister  
Tradidit agricolis ventos sedare furentes,  
Et tempestates Thuscis avertere sacris.  
Hinc mala rubigo virides ne torreat herbas,  
Sanguine lætantis catuli placatur & extis.  
Hinc caput Arcadici nudum cute fertur aselli,  
Tyrrhenus fixisse Tages in limite ruris.*

Ejusmodi *ἰσχυροποιία* & malorum averruncatoria, non soli Ethnici usurparunt, sed & alii. In hoc censu repono Judæorum phylacteria, & Pseudo-Christianorum amuleta, characteres, figuras, cruces, reliquias, cereas agni effigies, Scripturæ sacræ testimonia, cantiones magicas, ligaturas, aliaq; ejusmodi collo appensa, per quæ se custodiri ac servari à malis Superstitiosi credunt. Ista tanquam impia & ab Evangelii doctrinâ aliena, abjicienda sunt. Magicas enim superstitiones sapiunt, quibus Diabolus illudit hominibus.

Cæterum aruspicia & extispicia illa, quorum authores fuerunt Aruns & Tages, tanti æstimabantur apud Romanos, ut de his integros libros conscriptos servarent Pontifices, ad quorum normam oportebat omnia agi. Prædictiones futurorum inde colligebant, quæ instar oraculorum apud eos habebantur; neque quicquam aggrediebantur, quin prius sacrificiorum hos ritus, accurata indagatione perlustrassent. Credebant enim victimas, notis monitricibus affici à Diis quibus immolabantur.



*Asylas Augur Netroseus.*



*De pecudum fibras praesagi, fulminis ignes  
Et linguas volucrum, sidera,q; alta rego.*

## A S Y L A S

**A**SYLAS. & ipse Hetruscus, auguriorum scientiæ magistrum habuit celebrem illum Tagem; fuitq; ob divinandæ scientiæ & extispicium clarus. Hunc sic commendat Virgilius Aen. 10.

*Tertius ille hominum Divumq; interpret Asylas.*

*Cui pecudum fibra, cæli cui sidera parent,*

*Et lingua volucrum, & præsagi fulminis ignes.*

De cæli sideribus & fulmine meminit Poëta, quia Augures non modò aves spectabant, sed & cælum ac meteora. Primò enim observabant cæli aspectus & influxus; & ex Astris, quibuscum analogiam esse ad singulas ætates hominis, corporis partes, & animi quoque affectiones affirmabant, de variis eventibus vaticinabantur. Exempli gratia, cùm de morbo vel sanitate consulentium præsagire nitebantur, attendebant ut ætati eorum convenientem Planetam deligerent; verbi causa, seni Saturnum; adolescenti Mercurium; viro Jovem: deinde etiam Planetam cupiditati uniuscujusque respondentem; ut Martem iracundo; Venerem libidinoso &c. Præterea Signum quod parti corporis quam juvare vel lædere cupiebant, præesse sibi fingeant: Si capiti Arietem; si pedibus Pisces. Quæ omnia utcunque vana & stolta, non modò in usu fuerunt apud Augures Ethnicos, sed & hodiè à variis usurpantur. Apud Laërtium meritò ridetur ab anu domestica Thales, qui cùm domo exiret contemplandorum siderum causa, in subjectam fossam incidit, *Quidenim, inquit anus, quæ sunt in cælis te comprehensurum arbitraris, quæ ea quæ sunt ante pedes videre non vales?* Hoc hominum genere nihil stolidius,

*Quod est ante pedes nemo spectat: cæli scrutantur plagas.*

Scit

## OLENUS CALENUS

Scitè ridet Thomas Morus quendam Astrologum mœchæ maritum, qui cùm futura ex astris se prævidere jactaret, domesticum dedecus ignorabat. His in eum ludit,

*Astra tibi aethereo pandunt sese omnia vati,  
 Omnibus & quæ sint fata futura monent.  
 Omnibus ast uxor quod se tua publicat, id te  
 Astra, licet videant omnia, nulla docent.*

Ex meteoris etiam captabant vaticinia aruspices; contemplabantur enim tonitrua; si ad lævam vel impari numero intonuisset; si ab ortu fulmina circularentur; si circumacta per cælum in eandem partem reflecterentur; vel si vibrata è nubibus à terra resiliuissent; Si crebris ignibus fusissent; Si è cœlo sereno tonuisset; Si ab Occasu, vel per Septentrionem in Occasum ferrentur fulgura, & alia ejusmodi.

Habebant autem Augures lucos & aras, & peculiaria sacra ad elicienda fulmina, quæ vel bruta dicebantur vel fatidica.

## OLENUS CALENUS

**O**Lenum inter præcipuos Hetruriæ Vates & Aruspices numerant Historiæ. Is enim dicitur prædixisse qualis futurus esset Romani Imperii status. Nam cùm Tarquinius Superbus Capitolinam arcem conderet, in fundamentis inventum est caput humanum, vel ut alii malunt, equinum. Quâ de re Aruspices ex Hetruria convocati & consulti sunt, Olenus Calenus inter cæteros, vates præstantissimus, & in Aruspicinæ scientia optimè versatus: Is asseveravit, caput hoc quod inventum erat, portendere summam Monarchiam & imperium urbi, cui totus orbis subjiceretur; idq; propagatum iri, & incrementa sumpturum bello. Esse enim equum animal generosum, pugnis & conflictibus gaudens. Auguris responsum Romani faustum sælixq; sumpserunt; arcem Capitolium



Olen, Calen,



Quod caput effossum Tarpeio in monte videtis  
summi illi fascies denotat imperij-







*Helen, Priami et Hecubæ fili,*



*Æquoreis ne fidat aquis Pírrhum instrue Regn:  
Tandem et Hectorea coniuge grat, erit.*



*Thyodamas Melampodis filius.*



*Conferat mecum magnorum arcana Deorum  
Partiri, et viles Amphiaras aves.*

pitolium vocaverunt, vel ab invento capite equino, vel quod mundi caput futura esset. Exitus postea comprobavit, non falsam aut vanam fuisse prædictionem. Vide *Plinium lib. 28. cap. 2.*

THYODAMAS

**M**Elampus ille Medicina clarus, qui filias Præti Argivo- *Plin. l. 25. cap. 5.*  
rum Regis, quæ furiis agitatae se vaccas credebant, pro-  
pinato elleboro sanavit; ex uxore Amphianassa genuit  
Thyodamanta. Hic præstans fuit Medicus, Augur & Vates  
celeberrimus: de quo Statius lib. 8.

*Insignem fama, sanctoq, Melampodecretum*

*Thyodamanta volunt; qui cum ipse arcana Deorum*

*Partiri, & visas uni sociare solebat*

*Amphiraüs aves: tantaq, haud invitus arti*

*Gaudebat dici similem, juxtaq, secundum.*

Ajunt eum intellexisse voces avium, & cum illis fuisse  
collocutum.

HELENUS

**E**X numerosissima illa prole, quam suscepit Priamus Rex  
Trojanorum ex Hecuba uxore, unus fuit Helenus. Hunc  
augurem præstantissimum vocat Homerus Iliad ζ.

*Πριάμίδες ἢ ἑλεος οἰωνοπόλεως ὅχ' ἄριστος.*

Ad eum authorem refert Suidas *χρηστικὰ* vaticinia,  
cùm ex manuum lineamentorum consideratione, futuræ  
fortis status prænuntiatur. Is dum obsidebatur Troja, non  
modò populares suos consiliis & prædictionibus juvat, sed &  
fortiter cum hoste dimicavit. *Iliad N.* Prædixit Ilii excidium  
sicut & Cassandra soror, suadebatq; Priamo patri vitandis

H

tantis

tantis malis, ut Helena, quæ belli causa erat, restitueretur Menelao marito: hujus cum respuisset sana consilia Priamus, Paridi filio gratificari cupiens, capta est Troja & diruta, tota ferè Asia deleta, tamq; numerosam prolem miserrimus Priamus cum regno & vita amisit. Helenus reliquis fratribus aut cæsis aut captivis, ipse Pyrrho Achillis filio sorte obtigit: huic charissimus fuit, propter prudentiam & vaticinandi scientiam quâ excellebat. Cum Principes Græci reditum in patriam pararent, illis prædixit Helenus naufragia & adversos casus, nisi varia quæ suadebat sedulo caverent; cum verò illi monitis non paruissent, plerique ad Caphareum fluctibus absorpti sunt. Pyrrhus verò Heleni monitis obtemperans, felici navigatione in patriam reversus est.

Redux Helenum honorificè excepit; illiq; Andromachem Hectoris cæsi viduam, desponsavit; concessitq; regni sui partem in montanis Epiri, ubi ipse condidit urbem ad similitudinem Trojæ, in qua profugum Æneam excepit hospitio. Hunc consuluit Æneas de futuris eventibus, ut ipse narrat: *Æneid. 3.*

*Hic vatem aggredior dictis, ac talia queso.  
Trojugena interpres divum qui numina Phæbi,  
Qui tripodas, Clarii lauros, qui sydera sentis,  
Et volucrum linguas, & præpetis omina penna ::  
Fare, age &c.*

— *Hæc deinde canit divino ex ore Sacerdos.*

## L A O C O O N

**H**ic quoque Heleni frater, Priami & Hecubæ filius, Apollinis Sacerdos, Vates nobilis, & rerum scientia insignis habitus est: afflatus enim numine Apollinis futura prædixit. Lugendo verò casu periit in Trojæ expugnatione. Cum enim equum illum ligneum vastitatis immensæ fabricassent Græci, quem



*Laocoon Priami et Hecuba filii,*



*Event, rerum incertos praedicere nostrum est.  
Hoc mihi Tymbrae, munus Apollo dedit.*





*Philius Mercurij filius*



*Ille ego sum, vocitat tellus quem Lesbica Prilius  
Qui Xerxem in graecos arma movere fero.*

quem armatis oppletum, ceu Minervæ sacrum, in urbem ruptis mœnibus invexerant; Laocoon vates multum reclamavit, & aut hoc inclusos ligno occultari Græcos Duces, aut machinam in muros & urbis excidium fabricatam esse asseruit; imò hastam sumptam summis in latus equi contorsit viribus, quo ictus, auditus est armatorum crepitus. Sed quò minùs Trojani prudentis vatis prædictionibus obtemperarent, prohibuit portentum. Dum enim in fatalem machinam vociferatur Laocoon, & ferro Argolicas fœdare latebras suadet, Ecce gemini angues sibilantes & linguas vibrantes qui

agmine certo

*Laocoonta petunt; & primum parva duorum  
Corpora natorum, serpens amplexus uterque  
Implicat, & miseros morso depascitur artus.  
Post illum auxilio subeuntem ac tela ferentem  
Corripiunt, spirisq; ligant ingentibus &c.  
Ille simul manibus, tendit divellere nodos,  
Perfusus sanie vittas, atrog; veneno,  
Clamores simul horrendos ad sydera tollit.*

Exin dracones fugiunt ad Palladis delubrum, seq; sub pedibus Dæ, & clypei sub orbe tegunt. Tum omnes pavidijustas pœnas dedisse Laocoonta dixerunt, & scelus expendisse, qui hastam intorsisset tergo Minervæ sacri equi. Cùm itaque fatalem illum equum intra muros admisissent Trojani: Duces Græcorum noctu ex equo se promunt; invadunt urbem vino somnoq; sepultam; cædunt vigiles, portisq; parentibus excipiunt socios, agmina conscia jungunt, & Trojanos ad internecionem delent.

## P R Y L I S

**M**Entio equi Trojani mihi Prylem vatem in memoriam revocat: hic enim à Palamede delinitus donis, istum

modum edocuit quò Troja expugnaretur; equi Durii, *hoc est* lignei rationem præmonstrans, intra quem delituerunt audacissimi & solertissimi Græcorum Duces. Fuit verò Prylis, Cadmi sive Mercurii filius, & Issæ nymphæ; qui ab Apolline ejus sacris præerat, spiritu Pythonico afflatus, oracula reddebat. Inter cætera quæ illi tribuuntur, hoc memorabilius est, quod Græcis prædixisse fertur, ex Asiæ regionibus venturum regem potentissimum cum infinitis armatorum myriadibus, qui totam Græciam inundaret: verùm hunc Monarcham à Græcis, numero longè inferioribus, vincendum. Hoc vatis effatum Græcis animos excitavit, cùm Xerxes bellum Græciæ intulit, eòq; venit cum multitudine militum & classiariorum propè innumerabili. Herodotus *lib. 6.* ultra ter vicies centena millia fuisse prodit: ut non immeritò proditum sit, flumina ab exercitu ejus siccata, terras pelago pontibus junctas, omnemq; Græciam vix capiendæ multitudini fuisse. Verùm juxta vaticinium Prylidis, tanti exercitus in Græciam introitus, quàm terribilis, tam turpis ac fœdus discessus fuit. Ad Salaminem enim navali prælio superatus est à Themistocle, qui vix secum quatuor millia hominum ducebat; idq; tanta suorum clade, & ignominia, ut Xerxes parva scapha effugiens, vix se in Asiam receperit.

---

## P Y T H A G O R A S

**I**Nter Vates Pythagoras nomen profitetur suum. Imò Aristippus Cyrenæus, teste *Diogene Laërtio*, ait illum, *Pythagoram* idcirco appellatum, quod veritatem perinde ac *Pythius* ipse loqueretur. Augur præterea fuit, & Magus, quod testantur Plinius & Plutarchus. Proditur enim memoriæ, quum supervolantem aquilam susurraminibus excantasset, ita deduxisse, ut mitem redderet ac prorsus cicurem. *Pythagoras*, inquit Ammianus, *femur suum aureum ostentabat, & cum aquila collo-*

Pythagoras



*Quidquid Pythagoram nescisse fatemur, id ipsum  
Nemo hominum potuit pectore percipere.*





*colloquens subinde viscebatur.* Ferunt eum eodem die & hora, Crotonæ & Metaponti conspectum fuisse, ibiq; collocutum cum amicis. Tradunt quoque, fuisse urbem feritate ac vastitate corporis inusitatâ horrendam; eam ad se venire iussisse, quæ statim paruit, & domum abductam reddidisse cicurem: Mox dimissurus, quasi jurejurando adegisse, ne in posterum ullum animal læderet; eam in quod adjurata recesserat, summa fide præstitisse. Scribit Plutarchus *in Vita Numma*, Pythagoram propè Tarentum conspexisse bovem, fabariam segetem morfu carpentem & pedibus obterentem: tum bubulum admonuisse, bovem juberet frugibus parcere; Cui pastor ridens, *Ego*, inquit, *bobus præcepta dare nescio; Tu qui in scholis versatus es, id illi præcipito*: Eveſtigio Pythagoram bovis auribus insusurraſſe bovemq; abire iussisse, qui statim recessit, & vellicare segetem destitit; quin & in futurum ejusmodi pabulo abstinuit. Ajunt etiam cum illo familiares Genios fuisse obversatos, eorumq; adminiculo Pythagoram præcipuè enituisse. Quod & de Socrate dictum est.

Fuit verò hic vir ortu Samius, Mnesarchi (alii Marmæcum vocant) gemmarum sculptoris, filius. Ægyptum primò, mox Babyloniam ad perdiscendos syderum motus, originemq; mundi spectandam profectus, summam scientiam consecutus est. Inde regressus, Cretam & Lacedæmona ad cognoscendas Minois & Lycurgi inclitas ea tempestate leges, contendit. Quibus omnibus instructus Crotonam venit, populumq; in luxuriam lapsum, autoritate sua ad usum frugalitatis revocavit. Laudabat quotidie virtutem, & vitia luxuriæ caususq; Civitatum ea peste perditarum, enumerabat. Matronarum quoque separatam à viris doctrinam, & puerorum à parentibus frequenter habuit. Docebat nunc has pudicitiam, & obsequia in viros; nunc illos modestiam, & literarum studium. Inter hæc velut genitricem virtutum frugalitatem, omnibus ingerebat; consecutusq; disputationum assiduitate erat, ut matronæ auratas vestes, cæteraq; dignita-

tis suæ ornamenta, velut instrumenta luxuriæ deponerent, eaq; omnia delata in Junonis ædem, ipsi Deæ consecrarent. *Hæc ex Iustino lib. 20.*

Toram autem Philosophiam suam mysteriis velavit, symbolicamq; & perplexam docuit, more Ægyptiorum, aliorumq; Orientalium, quorum instituta penitus hausit, ut Josephus *contra Appionem*, & Eusebius tradiderunt. Ambrosius de Pythagora hæc habet, *Cùm ex populo Iudæorum*, inquit, *ut plerique arbitrantur, genus Pythagoras duxerit, ex ejus disciplinâ derivavit etiam magisterii præcepta; meritòq; magnus apud Philosophos habitus, qualem, ut ajunt, vix reperiatis ullum.*

Inter ejus dogmata, præcipuum fuit tantoperè decantata illa Metempsychosis, ab Ægyptiis accepta; quâ credebatur animam hominis è mortuo corpore subinde in aliud atque aliud corpus immigrare. De hac sic ipse Pythagoras apud Ovidium *Metam. 15. 3.*

*Morte carent anima, semperq; priore relicta  
Sede, novis domibus vivunt habitantq; recepta.*

*Vide A.  
Gellium  
l. 4. c. 12.*

*Luc. Dial.  
Galli &  
Mycalli,*

Recenset deinde in quæ corpora anima sua migraverit; affirmat nempe se primò fuisse Æthalidem Mercurii filium; postea Euphorbum, nobilem illum Trojanum Iliaco in bello à Menelao occisum; deinde Hermotimum; tum Pyrrhum; ac denique Pythagoram; seq; omnium meminisse præteritorum. Ajunt cùm aliquando præteriens animadvertisset catulum à quodam verberari, illum reprehendisse, quod injuriam faceret animæ boni viri, qui sibi amicus fuisset. Ista deliria festivè suo more ridet Lucianus. Scitè quoque ad hoc placitum ludit Aufonii Epigramma, in execrandum quendam Marcum, *Perverse Veneris postico vulnere fessorem*, ut Poëta loquitur: quærit enim hic à Pythagora, qualis evasurus sit post mortem impurus ille prædico; respondet Pythagoras,

*Non taurus non mulus erit, non hippocamelus,  
Non caper aut aries; sed scarabeus erit.*

*Scara-*

*Starabeus* scilicet ex eorum genere qui stercorei vocantur.

Ordo autem atque ratio Pythagoræ recipiendi instituendi; discipulos, huiusmodi fuisse traditur. Jam à principio adolescentes qui sese ad discendum obtulerant ἐφυσιο-  
γυμνῶν. Id verbum significat mores naturasq; hominum conjectatione quadam de oris & vultus ingenio, deq; corporis filo atque habitu, sciscitari. Eum qui exploratus ab eo, idoneusq; compertus fuerat, recipi in disciplinam statim jubebat, & tempus certum tacere. Quinquennale ut plurimum erat silentium, sed aliquando minori spacio circumscribebatur, pro auditorum ratione, & æstimato captu solertiæ; quanquam nemo minus tacuit quàm biennium. *Vir eximille ingenio ingenti*, ut loquitur Apuleius, *ac supra captum hominis animi angustior, nihil prius discipulos suos docuit quàm tacere, primaq; apud eum meditatio sapienti futuro, linguam coërcere, verbaq; quæ volantia Poetæ appellant, ea detractis pinnis intramurum candentium dentium premere.* Is autem qui tacebat, quæ dicebantur ab aliis audiebat, neque percunctari si parùm intellexerat, fas erat. Ast ubi res omnium difficillimas, tacere, audireq; didicerat, essetq; silentio eruditus, cui nomen erat ἑχεμυθία, tum verba facere & quærere, quæq; audisset scribere, & quæ ipse opinaretur, potestas erat. Verùm cum extraneis de iis quæ didicisset, loqui illicitum. Cicero *lib. i. de Nat. Deorum, Nec tu me celas ut Pythagoras solebat alienos.* ἑχεμυθίαν ab Ægyptiis, qui *Harpocratem* silentii Deum colebant, accepit Pythagoras; ab hoc verò fortasse Numa Pompilius, qui fuisse dicitur Pythagoricus: Hunc enim silentii Deam *Agenora* nomine, quæ Macrobi.  
l. 3. Stat. ore obsignato pingebatur, quæque inter Tutelares Romæ cap. 9. Deas recensetur à Macrobio, coluisse, testis est Plutarchus *in ejus Vita.*

Id tamen affirmare nolim quod statuunt nonnulli, Numam Pompilium fuisse Pythagoræ discipulum. Cicero enim Numam annis permultis antè fuisse quàm esset Pythagoras affirmat, *De Orat. l. 2.* Idem scribit Pythagoram fuisse in Italia.

iusdem

Tusc. qu.  
l. 4.

iisdem temporibus quibus L. Brutus patriam liberavit. Hoc ipsum affirmant T. Livius *lib. 1.* & Solinus *cap. 16.* cujus hæc sunt verba, *In Samo nihil nobilius quàm Pythagoras civis, qui mox offensus fastu tyrannico, relicta domo patria, Bruto Consule, qui Reges*

Gell. N. A.  
l. 17, c. 21.

*urbem exegit, Italiam advectus est.* Gellius verò vult eum in Italiam venisse, Tarquinio Superbo regnante. Vide præterea Franc. Floridum Sabinum *lib. 1. Succisivar. lect. cap. 13.*

Sirabo l. 14.

Causam quare in Italiam Pythagoras profectus est, hanc fuisse refert Laërtius *in ejus vita*; quod post longam peregrinationem in patriam redux, eam à Polycratis tyrannide oppressam offendisset. Alii Sylosontem Polycratis fratrem & successiorem, fuisse volunt; Eum enim Strabo adeò sæviter regnasse scribit, ut plurimi cives Samum defererent.

Isocr. in  
laud. Bus.  
Cic. l. 5, de  
Fin.

Cæterùm Pythagoras descendi cupiditate ultimasteras peragravit; Ægyptum lustravit, ibiq; viginti duos annos versatus est, ut scribit Jamblicus. Persarum etiam Magos adisse referunt Isocrates, Cicero, aliiq;. Arabas, Ebræos, Chaldæosq; accessisse testatur Porphyrius; multaq; Judæorum dogmata amplexum Clemens Alex. *lib. 1.* affirmat. Quod verò Judæi sanguine abstinerint, hinc fortè omnibus animalibus abstinuit, de quo sic ille apud Ovidium,

Metam. l. 15

*Parcite mortales, dapibus temerare nefandis  
Corpora; sunt fruges, sunt deducuntia ramos  
Pondere poma suo, tumidaq; in vitibus uvæ  
Sunt herba dulces &c. alimentaq; dulcia tellus  
Suggestit, atque epulas, sine cade & sanguine prabet &c.  
Heu quantum scelus est in viscere viscera condi, &c.  
Alteriusq; animantem animantis vivere letho?*

Juvenalis lib. 5. Sat. 15.

*Aspicimus populos, quorum non sufficit ira,  
Occidisse aliquem; sed pectora, brachia, vultum,  
Crediderint genus esse cibi. Quid diceret ergo,  
Vel quo non jureret, si nunc hæc monstra videret*

Pytha-

*Pythagoras? cunctis animalibus abstinuit qui,*

*Tanquam homine, & ventri indulgit non omne legumen.*

Multi Arithmetica inventum Pythagoræ esse scribunt. Numeris constare hoc universum tradebat, summumq; hominis bonum in exactissimâ numerorum scientiâ positum esse existimabat. In Medicinæ etiam præceptis & curatione morborum apprimè fuit exercitatus. Dicitur præterea pondera & mensuras invenisse. Etiam Chymix peritum fuisse qua metalla mutantur, volunt nonnulli. Cum Aristarcho Samio, terram moveri docuit. Alphabeto Cadmi Phœnicum regis, adjecit literas υ, ζ, η & ω. Erudiebat discipulos suos in Geometriâ, Gnomonicâ, Musicâ, aliisq; disciplinis quas μαθηματα vocant Græci. His scientiis ornatos, ad perspicienda mundi opera & principia naturæ provehebat, ac tunc denique vocabantur Φυσικοί. Omnes qui à Pythagorâ in cœtum discipulorum admittebantur, quod quisque pecuniæ habebat in medium dabat, & coëbatur societas inseparabilis, quam Græci κοινὸν appellant.

Author est Cicero tantum existimationis apud suos adeptum esse, ut si quid affirmaret in disputando, si ex iis quæreretur quare ita esset, respondere solitos, 'Αὐτὸς ἔφα' *Ipsè dixit.* Ipse autem erat Pythagoras; tantum opinio præjudicata poterat, ut etiam sine ratione valeret autoritas. Discipulos quoque esu carniū & animatis abstinere jussit, voluitq; ita facili assuefieri victu, ut igne ad coquendum opus non esset. Aquæ potum tantum illis concessit, ne acumen ingenii gravaretur ebrietate. Tradunt eosdem à fabis abstinuisse. Refertur enim in ejus symbolis; *A fabis abstinetō.* Lucianus Pythagoram apud Inferos introducit affirmantem, par esse scelus comedere fabas & capita parentum; citaturq; à Clemente Alex. lib. 3. Σίλωμ, hic versus.

Ἴσον πικρὰ μὲς πρῶγειν, κεφαλὰς τε τοκίων.

Quidam per κυάμους quibus abstinere homines jubebat Pythagoras, intelligunt non fabas legumentigenus, sed oya,



quod in iis sit animalium *κύνσις* *fatus & conceptio*, à quibus abstinebant quoque Pythagorici, Laertio teste. Alii, inter quos Plutarchus *πεῖταιδων ἀγωγῆς*, *Fabis abstinere* ita interpretantur, ut Magistratus fugerent, qui olim suffragiis per fabas latis, quæ in urnam conjiciebantur, in primis apud Athenienses, creabantur. Nonnulli per *κύσμον* eam partem sexus muliebris intelligunt, quam pudor nominare vetat, *ἀπὸ τῆς κύσεως*, *concupere, uterum gerere*: hocq; præcepto censent Pythagoram à scortatione homines dehortari voluisse. Ac sanè ipsum Veneris temperatissimum fuisse ex Laërtio constat; qui refert illum censuisse concubitum quocunque tempore sanitati officere, atque infirmitatem corpori conciliare. Alii denique id juxta literam accipiunt; & ex Ægyptiorum placitis hoc Pythagoram hausisse censent. Herodotus enim scribit, neque ferere fabas, neque comedere Ægyptios, atque etiam à conspectu earum abhorrere; quoniam, ut ait Cicero, inflationem afferunt & animum perturbant.

Familiaria quædam habuit Symbola, quæ peti possunt ex Laërtio.

Nonnullos ejus libros citat Laërtius, quanquam nonnulli existiment nihil scripsisse. Aurea quæ inscribuntur Pythagoræ carmina, Lyfidis ejus discipuli, vel alterius Pythagorici sunt. Ajunt tamen tres libros scripsisse, quos Plato centum minis, *hoc est*, mille coronatis aureis sibi emi curavit.

Fabulabatur Pythagoras se ad Inferos descendisse ibiq; Homeri & Hesiodi animas vidisse diris cruciatibus affici, quod de Diis turpia & impia finxissent.

Verùm cum annos viginti Crotonæ commoratus fuisset, Metapontum se contulit; ibiq; decessit octogenarius, vel secundum alios, anno ætatis nonagesimo. Quidam eum incendiâ periisse scribunt. Plutarchus vivum exustum idq; evenisse in Milonis Crotoniatæ domo prodit, à quodam quem in disciplinam admittere abnuisset. Alii interfectum volunt à Syracusanis, dum agrum fabaceum circuibat. Tanta fuit hu-



*S purina*



*Martis Idus adfunt Iuli: tu averte cavendo  
Fata, futura tibi est sanguinolenta dies.*



THE UNIVERSITY OF CHICAGO PRESS  
CHICAGO, ILLINOIS 60637

jus Philosophi admiratio, ut ex ejus domo Templum facerent, eumq; pro Deo colerent. Hoc in ejus modestiæ testimonium vulgò observatur, quod cùm alii doctrina exculti, se *sapientes* esse jactarent, hic se non Sapientem sed sapientiæ studiosum professus est: unde sequentis ævi eruditi, Philosophi dicti sunt.

Qui plura de Pythagora cupit, adeat Isocratem in *Busiride*: Diogenem Laërtium, Lucianum in *Vitarum auctione*. A. Gellium *lib. 11*. Apuleium *Florid. 2. extre.* & è recentioribus I. Ger. Vossium de *Phil. Antiquis*.

## S P U R I N A

**J**ulii Cæsaris cædes variis prodigiis & prædictionibus denuntiata est. Author enim est Corn. Balbus, familiarissimus Cæsaris, *referente Suetonio*, paucos ante hujus mortem menses, cùm in colonia Capua deducti lege Julia coloni, ad extruendas villas sepulcra vetustissima disjicerent, tabulam æneam in monumento in quo dicebatur Capys, conditor Capuæ, sepultus; inventam esse conscriptam literis verbisq; Græcis, hac sententiâ, *Quando ossa Capys detecta essent, fore ut Iulo prognatus manu consanguineorum necaretur, magnisq; mox Italia cladibus vindicaretur.* Sed cætera ejusmodi nunc quidem mitto. Vivebat Romæ, Julii Cæsaris tempore, Spurina Aruspex celeberrimus, quem ob augurandi scientiam & vaticinia, tanto opere laudant ejus seculi authores. Inter cæteras quæ illi tribuuntur prædictiones, memorabilis est illa ad Cæsarem adhortatio, *Caveret periculum quod non ultra Martias Idus proferretur.* Cùm is dies advenisset, & Cæsar in Curiam proficisceretur, quanquam dehortante Calpurnia uxore, somnio exterrita, occurrit fortè Spurina, ad quem Cæsar conversus, cum irridebat, & ut falsum arguebat, quod sine ulla noxa Idus Martiæ adessent. Cui respondit Spurina, *Vene-*

*runt quidem, sed non praterierunt.* Ac sanè vix Curiam ingressus est & Tribunali confedit Cæsar, cùm eum specie officii circunsteterunt conjurati; illicoq; Cimber Tullius ab utroque humero togam apprehendit, deinde Cassius adversum vulnerat paulò infrà jugulum; denique reliqui conjurati strictis gladiis, Imperatorem, ad statuam Pompeij, humi jacentem, tribus & viginti plagis confoderunt.

---

## A P O L L O N I U S T Y A N Æ U S

**P**ROpagatâ per totum orbem terrarum Evangelii doctrinâ, quam Apostoli variis miraculis confirmabant, Diabolus multos Pseudopphetas, Magos & Impostores suscitavit, qui homines à Christo averterent falsis suis miraculis & vaticiniis. In his famosissimus fuit Apollonius Tyanæus, qui Apostolorum temporibus vixit, præcipuamq; navavit Caco-dæmoni operam. Is Tyana urbe Cappadociæ natus est, patre viro nobili. Adolescentiæ annos audiendis & legendis Philosophis dedit, magnosq; brevi progressus inicientiis fecit. Pythagoricis peculiariter se addixit, ad quorum doctrinam naturali instinctu inclinabat; abstinens ab esu carniū, & omnibus ciborum vestiumq; deliciis, oleribus tantum & terræ fructibus vitam sustentabat. Maximè usum vini fugiebat, quod ejus potumentis aciem retundi & offuscari crederet. Amictum non ex lanâ sed ex lino tantum gerebat; comam & barbam nutriebat.

A re venerea per totam vitam abstinuit. Silentium per quemquennium exactissimè servavit. Maximam terræ partem peregrinando lustravit. Brachmannos in Indiam, & Gymnosophistas in intimam Æthiopiam, adiit. Huic se Damis Assyrius, fidelem constantemq; peregrinationum comitem, adjunxit. A Regibus omnibus comiter & honorificè exceptus est. Cùm pecuniam, vestes & victum delatorem libera-

*Apollonius Tyaneus.*



*Inspexi secreta Deum, et concessa facultas  
Naturæ exactâ cognitione frui.*



liberaliter offerrent, omnia recusabat; panem tantum & olea agrestia secum ad viaticum sumebat. Is semper fuisse perhibetur inter remulentos abstemius, inter purpuratos linreatus, inter unguentatos horridus, inter luxuriosos frugalissimus. Ab omnibus civitatibus quas adibat, communi magnatum & populorum applausu excipiebatur, multumque honoris iis urbibus conferri putabant omnes, ad quos divertere dignabatur.

Apollonius, si Philostrato qui ejus vitam scripsit, sit fides, tot edidit miracula, ut eum Hierocles quidam, ausus sit cum Christo conferre; cujus opinionem impiam integro libro refutavit Eusebius. Apollonium enim non dubium est summum impostorem fuisse qui præstigiis & fascinationibus usus est, partim ope Dæmonum, partim adhibitis naturalibus proprietatibus quas exactè callebat. Ejus prodigiosè gesta, hæc inter alia produntur.

Cum Ephesi esset, urbis misertus ingemuit, prædixitque brevi pestilentiam, maximam civium partem absumpturam; cumque jam lues grassaretur, accitus ut tantæ calamitati succurreret, illuc accurrit, contulitque se in Theatrum, ubi ostendit amicis senem quendam mendicum, sordidum & pannosum, vultuque horrido. Hunc Apollonius jussit à populo lapidibus obrui, affirmans esse Dæmonem *ἀλδς, weg* vastantem urbem; quod cum factum esset, statim pestis contagium sedatum. Cumque post paucos dies amota esset lapidum congeries, caninum corpus inventum est.

Narrat præterea Philostratus, Menippum quendam adolescentem forma eximia, à Lamia (aliter Larvas, Empusas, Strigas, Lemures indigitant) amatum fuisse. Ajunt enim eas ad Venerem pronas, amore formosorum æstuare, & cum iis impudico coitu copulari, quos postea expleta libidine devorant. Eam itaque Lamiam, formam venustissimæ puellæ assumpsisse, eoque rem devenisse ut hanc uxorem ducturus esset Menippus. Cum autem jam in thalamum convenissent,



adveniens Apollonius, Dæmonis agnovit technas, adolescentisq; misertus, exorcismo phantasma repulit, & omnem ad nuptias apparatus, oculos spectantium fallentem, in nihilum redegit; hocque modo miserum juvenem à præsentis periculo liberavit.

Cùm regnante Nerone Romam venisset, ajunt puellam nuptiarum die mortuam, quæ feretro efferebatur, invocatum onumine, ad vitam revocasse.

Dum moraretur Alexandria doceretq; media populi turba, leo ad ejus pedes tanquam supplex se demisit, pavidis cunctis; *Hic leo*, inquit Apollonius, *me rogat ut doceam, illam animam hominis habere; fuit enim olim Amasis Rex Aegypti, qui justè & sincerè vixit. Hunc censeo publico censu alendum; indignum est enim Regem in regiam belluam conversum mendicare tanquam egenum.*

Ea, rugitu leo in lacrymas profusus versus, se probare testatus est.

Porphyrus lib. 3. *αὐτὸς Στοχῆς* narrat, sua ætate de eo dici solitum, cum audivisset hirundinem cum multis vociferantem, fodalibus suis quos secum habebat Apollonius, exposuisse, indicare illam cæteris, a sellum onustum frumento ante urbem cecidisse, frumentumque humi fusum esse. Verisimilius est quod Eunapius & Philostratus hoc passeri tribuunt, hirundo enim frumento non vescitur. Volebat autem Apollonius hoc facto, persuadere se garritus avium intelligere; quod veteres de Tiresia, Pythagora, & Melampo sunt fabulati. Sed hoc est incredibile, cùm enim bestia ratione careant, nequeunt discursu uti: fateor affectus corporis & appetitum, posse vocibus suis indicare; & horum notitiam posse diuturna observatione ab hominibus deprehendi; posseq; Dæmonem qui hæc habet perspectissima magos ea docere; Hoc pacto doctus est Apollonius.

Tarsi, adolescens à rabido cane morsus, in caninos mores transierat, adeò ut latraret, & in manus incederet. Tarsenses

fenses remedium ab Apollonio petunt ; hic ubi venit, canis vocatu Apollonii, jubetur lambere vulnus adolescentis, quo facto adolescens & ipse sanitati sunt.

A Domitiano, quod eum maledictis infectatus esset Apollonius, in carcerem conjectus est, & compedibus vinctus detinebatur. Ad eum cum venisset Damis de ejus vita multum sollicitus, *Deme hunc metum*, inquit Apollonius, *frustra te angit mea calamitas. Hinc te aufer ocius, & subito cursu Dicæarchiam pete; meq; illic statim tibi adfuturum expecta.* Tum moto crure compedes excussit, ac rursum recepit. Paruit Damis, & Roma excedens Dicæarchiam contendit. Aliquantò post ad Domitiani tribunal accersitus Apollonius, crimina objecta diluit, & multa hominum caterva stipatus qui in eum intentos fixerant oculos, ex eorum aspectu sublatus, disparuit; ac Damidi Dicæarchiæ argenti non expectatus adfuit.

Verum vaticiniis & prædictionibus non minorem quam ex prodigiis famam comparavit. Cum Athenas venisset, ibiq; ab omni Civitate summis honoribus esset affectus; ab hierophanta Sacerdote, qui Epidauria sacra celebrabat, tanquam incantator & dæmoniacus, prohibitus est sacris initiari: Hanc repulsam patienter tulit Apollonius, sed mortem prædixit Sacerdoti, cui succederet alter à quo ultrò admitteretur; quod & brevi evenisse narrant. Cum Syracusis natus esset puer triceps, prædixit Apollonius hoc ostento significari propediem tres Imperatores Imperium occupaturos, quorum potentia statim corrueret; quod in Galbâ, Othone & Vitellio impletum est, qui omnes unius anni spatio interierunt.

Syracusis solvens ad Leucadem transiit, ubi navem mutavit, prædicens eam qua vectus erat, paulò post naufragio perituram. Ea postera die submersa est.

Titus Imperator cum hunc de fato vitæ suæ interrogaret, respondit, *Fatum Vlyssis illi impendere*, qui à filio Telegono occisus est. Titus autem à fratre Domitiano veneno sublatus est.

Dum Ephesi esset, & in Xysti luco meridie disputaret, subitò exclamavit, *Euge Stephane, percutite tyrannum, percutite tyrannum*. Aliquot post diebus renuntiatum est Ephesi; Domitianum à Stephano, eadem hora qua Apollonius exclamavit, fuisse confossum.

Triginta post Domitiani mortem diebus, Nerva imperator dictus est. Is per epistolam ad se accersivit Apollonium, ut eum assessorem haberet & consiliarium. Cui ipse respondit, *Nos brevi, ô Imperator, & quidem diu semel erimus, ubi neque nos aliis, neque alii nobis imperabunt*. His verbis prædicebat se & Nervam brevi morituros. Post annum autem unum, & menses quatuor, tum ipse tum Nerva vivere desierunt.

Quin multa fabulosè de Apollonio scripserit Philostratus, non dubium est. Sed cum Justinus Martyr, Suidas, aliiq; ejus præstigiis meminerint, & eo nomine ab Ethnicis religiosè cultus sit; quin insignis Magus fuerit, inficias iri non potest.

Nullum illi Tyanæi sepulcrum constituerunt, cum ejus corpus nusquam inventum sit; sed statuis sacrisq; ceremoniis venerati sunt.

Lampridius scribit, Alexandrum Severum Imperatorem, habuisse in larario imagines Christi, Abrahami, Orphei & Apollonii, quos colebat ut Deos, vel ut viros sanctissimos.

Caracalla Severi filius, eum quoque religiosè coluit; templumq; Heroum statuit, ubi oracula ab ejus umbra sciscitaretur. Heliogabalus eidem Cenotaphium splendidissimum erexit, *ut testatur Dio*. Nec mirum, uterque enim Imperator Magiæ ad insaniam usque studiosus fuit.

## J A M B L I C U S

Socr. l. 4;  
cap. 19.

JAMBLICI vitam scripsit *Eunapius*; multaque de eo habent historiæ Ecclesiasticæ Scriptores, Socrates, Sozomenus,

*Iamblicus Chalcoisensis*



*Utilius fuerat nobis nescire futura  
Cogor enim irato sata Valente pati.*



nus, Paulus Diaconus, Zonaras aliiq; , è quibus sequentia Sozom. l. 6. cap. 35. P. Diac. l. 11. c. 12. Zon. To. 3. excerptimus.

Is fuit Philosophus Pythagoricus, inter Academicos cognomento *Divinus*, & Sacerdos Magnus, è Chalcide Syriæ oriundus; Anatolii primùm, mox Porphyrii illius Apostatæ, Christianorum hostis acerrimi, magiq; execrandi, discipulus.

Florere cæpit temporibus Constantini Magni, & vitam ad Valentinum usque produxit. Tantùm memoria, ingenio & judicio valuit, ut brevi tempore secundas post præceptorem Romæ obtineret, nec ab eo quicquam differre videretur quoad doctrinam. Moribus in speciem adeò probatis fuisse dicitur, ut ejus vitæ abstinencia modestiaque, ea tempestate nominatissimæ fuerint; frugalitate victus summa, humanitate mirabili erat. Cæterùm Magus fuit insignis, ut Pythagorici omnes, & Christiani nominis osor & insectator, unà cum Sophista Libanio, & Maximo Ephesio coævis, virulentus.

His artibus, facilè apud Julianum Imperatorem gratiofus fuit. Hic enim & Christianos oderat maximè, & Magicis artibus perpetuò deditus fuit, easque exercuit: quod post interitum ejus tandem deprehensum est, inventâ in Templo, (quod per milites accuratè, ne quis ingrederetur custodiri jussierat) muliere crinibus suspensa & manus extendente, cujus alvum profecturus in Perfas aperuerat; ut seu victoriam, seu belli quemcunque eventum in jecore ejus rimaretur.

Multa de Jamblico fidem superantia narrantur, quibus patet illum Cacodæmonis ope adjutum fuisse. Ajunt cùm in Templo Deorum preces funderet, vultum illius mutari solitum, & præter naturæ vim in omnium conspectu, ab humo plusquàm decem cubitis in sublime attolli, nullo fulciente, sed tanquam in aëre pendentem, corpore & vestimentis in auri speciem refulgentibus. Acclamabant tanquam Deo aliqui præsentem mirabundi astantes, numineq; cælesti afflatum demissis capitibus venerabantur, donec absolutis precibus in  
K  
pristinam

pristinam formam rediret, & in terram modico motu, illæsus descenderet.

Narrat Eunapius cum cùm aliquando urbem confabulando cum discipulis ingrederetur, fixis derepentè in terram oculis exclamasse, *Agite, inquit, aliam viam ineamus; Non enim procul hinc cadaver effertur, cui nos occurrere non licet, ne polluamur.* Itaque alio itinere progressum sequuti sunt comites: sed Ædæsius quidam cum aliquot aliis, cæptum iter profecuti, incurrunt in vespillones, qui cadaver defuncti tumulo mandaverant.

Ægyptius quidam Magus, media populi turba, exorcismis & conjurationibus, profitebatur se evocaturum Apollinem; qui postquam comparuisset forma vegeta & corpulenta, spectatoresq; omnes attoniti adstarent; Jamblicus qui eò venerat, ad suos conversus; *Desinite, inquit, mirari ò sodales; Non enim hic est Apollo, sed gladiatoris cujusdam, qui singulari certamine occubuit, spectrum:* Utq; id probaret, effecit ut umbra illa subito disparuerit.

Refert idem Eunapius Jamblicum aliquando cum discipulis suis venisse Gadara urbem Syriæ, ubi sunt thermæ saluberrimæ, quibus vix ullæ comparari possunt. Ibi cùm lavaret, orta de balneis disceptatione, jussit discipulos sciscitari ab indigenis, quibus olim nominibus donati fuissent è calidis fonticulis minores, sed cæteris elegantiores, venustioresq;. Gadarenses responderunt se causam nominum ignorare, unitamen è rivulis. *Amor* in nomen esse, alteri *Anteroti*. Confessim ipse, contactâ manu aquâ (sedebat enim in crepidine fontis ubi depletur ac superfunditur alveus) paucis admurmuratis verbulis, de fontis imo pusionem excivit candidum, commoda statura, capillitio in fulvum aurum tincto, dorsi cute nitida, qui totus lavanti aut loto similis erat. Attonitis rei novitate comitibus, ad proximum fonticulum transiit, ibiq; eadem quæ prius peragens, alterum *Amorem* evocavit priori per omnia similem. Ambo pusiones circumfusi, arctis complexibus



bus Jamblico velut patri inhærebant, eumq; hilari & ridente vultu amicè salutabant. Hos ille molliter exceptos demulsit, atque unumquemque proprias sedes repetere jussit, dicens adstantibus, illos esse loci Genios, promotores aquarum tepentium, quæ ad lavacra erant necessariæ.

Scripsit Jamblicus librum de Mysteriis, ubi voto & adoratione sacrificium fieri perfectius docet, iisq; totam religionem constare, ut quibus conflatur animarum & Dei connectio. Alio loco rationem reddere conatur cur Magi in incantationibus suis plerunque adhibeant voces barbaras & nihil significantes. Ait ejusmodi nomina, utcunque nobis prorsus incognita, habere tamen apud Deos notiones suas. Multa alia scripsit, quorum pars adhuc hodie exstat.

Magiæ peritus fuit, non solum illius naturalis, quæ per virtutes & facultates rerum naturalium operatur, sed ejus quæ ope Dæmonum utitur. Non modò Theurgiam exercuit qua sacrificiis & quibusdam aliis ceremoniis evocantur Dæmones, quorum afflatu occulta cognoscebat, & futura prænuntiabat, miraq; edebat opera; sed & Gætiæ ac Necromantiam, qua excitare se aiebat mortuorum animas, & per eas de rebus occultis & futuris responsa captare.

Nefarium illum mortem sceleribus dignam obiisse, referunt Scriptores Ecclesiastici. Valente Imperium tenente, quidam Magi & Philosophi, inter quos Jamblicus, incrementum Christianæ religionis ægrè ferentes, iniere consilium de prænoscendo quis esset Valenti in Imperio successurus, an è Christianis aliquis; hocq; divinationis genere usi sunt. Omnes elementarii elenchi literas pavimento inscripserunt, *Aletrio mantia.* quas tritici granis operuerunt, recitatisque quibusdam magicis carminibus, gallum gallinaceum admiserunt, ut ex quibus literis granum sumeret, animadverterent quis successor à Diis destinaretur Imperatori: gallus autem grana omnia rostro petiit quæ has literas *Θεοδ.* regebant; unde Theodorum virum inter satellites Imperatorios insignem, sed Gen-

tilem, Imperio potiturum opinione augurati sunt. Cum  
 ea, res Valenti innotuisset, ira inflammatus est, quasi vitæ suæ  
 insidias struxissent. Quare Magos & Philosophos plusquàm  
 centum trucidari iussit. Jamblicus extrema senectute pres-  
 sus, ne ad ignominiosum supplicium traheretur, hausto vene-  
 no sibi mortem conscivit. Interea Imperator successoris me-  
 tu, omnes Theodoros, Theodulos, Theodotos, & Theodori-  
 tos illustres genere, vel potentia & opibus præstantes, de me-  
 dio tolli iussit. Verùm Theodosio, Hispani principis filiolo,  
 cujus patrem cognominem interfecerat, imprudens peper-  
 cit; qui illi postea successit. Alii aliter factum Magnorum  
 enarrant. Zonaras *Tom. 3.* & alii, id per ἀλεκτρυοναντίαν uti di-  
 ximus, egisse scribunt. Socrates dicit factum per νεκυομαντείαν.  
 Sozomenus per oraculum ex tripodis machina laurea, quem  
 Nicephorus sequitur. Ammianus verò illius temporis  
 scriptor, longè aliter. Hunc vide *libro 26.*

*Socr. l. 4.  
 c. 15. Sozom.  
 l. 6. cap. 5.  
 Niceph. l. 11.  
 cap. 45.*





# DE SIBYLLIS,

*Aliisq;*

## MULIERIBUS FATIDICIS,

**S**IBYLLARUM nomen, magna in veneratione fuisse apud Veteres, constat. Credebantur esse mulieres Deo plenæ, quæ cum pectore divinum numen recepissent, varicinabantur. Ita dictas ait Servius *in Aen. 4.* quasi *Σιβυλλὰς Consilii Deorum participes.* Diores enim & Æoles pro Θεὸν dicunt Σιδόν. Quid si hujus nominis Etymon arcessatur à Rabbinico קיבל *Kibbel, recipit, accepit*; unde *Kabbala* vocatur Theologia mystica, doctrina scilicet cœlitus traditione accepta?

Regnante Romæ Tarquinio Prisco, (ut Lactantius ex *Dion. halic.* Varrone observat; non *Superbo* ut habent Dionysius Halicarnasseus, Plinius, & Gellius,) anus quædam hospita atque incognita, Regem adiit, novem libros ferens, (*Plinius trestantum memorat*) quos esse dicebat divina oracula, eos velle vendare. Tarquinius precium percunctatus est; mulier immensum poposcit: Rex quasi anus desperet risit: tum illa tres è libris, spectante Rege, flammis dedit; & ecquid reliquos sex eodem precio emere vellet, Regem denuò interrogavit. Sed enim Tarquinius id multò risit magis. Mulier itidem tres alios libros exussit, atque id ipsum placidè interrogavit, an tres reliquos eodem precio emat. Tarquinius jam ore serio atq; attentiore animo fit; eam constantiam confidentiamq;

Dion. Hal.  
lib. 4.

non in super habendam intelligit : libros reliquos tres mercatur nihilo minore precio quàm quod erat petatum pro omnibus. Sed eam mulierem tunc à Tarquinio degressam, postea nusquam loci visam constitit. In tribus igitur illis de novem relictis libris, quum Tarquinius fata Romanorum, & alia miranda contineri vidisset, Duum viros Sacerdotes constituit, quorum fidei ac custodiæ mandarentur. Erantq; illi è civibus illustres viri, qui huic Sacerdocio præficiiebantur. Horum officium erat, Libros Sibyllinos custodire, eosq; si Senatus-consulto jussi essent, adire & quæ legissent, propositæq; questioni appposita invenissent, Senatui fideliter referre; omniaq; ea, quæ Sibyllinorum oraculorum jussu facienda erant, peragenda procurare. Ipsi libri Romæ, in delubro Junonis quod erat in æde Jovis Capitolini, in cella quadam subterranea, arcæ lapideæ inclusi asservabantur. Fas autem non erat absque jussu Senatus, libros Sibyllinos adire, vel aliis legendos nedum describendos, concedere. Itaque quum Duum virum alter, M. Attilius, Petronio cuidam hos Libros describendos dedisset, & ita patriæ sacra profanasse, arcanaq; prodidisse visus fuisset; Tarquinius eum culeo bubulo insutum, tanquam parricidam, in mare projecit. Nihil enim Romani ἔτε ὄσιον ἔτε ἱερὸν (ut ait Dionysius Halicarnassensis) tam diligenter quàm Sibyllina oracula, custodiebant.

Post 213. annos Duum viri abrogati, & eorum loco Viri decem nobilissimi & integerrimi custodes creati, quorum idem officium quod Duum virum antea. Ii, *Sacrorum Decemviri* dicti. Mox XV viris libros fatidicos committere visum est. Tandem verò numerum eorum ad XL viros auxerunt. Adibantur itaque hilibri in rebus arduis, tanquam fatorum futurorum oraculum quoddam; putà si prodigia apparuissent; si terræ motus fuisset; si seditionibus turbaretur status Reipublicæ; si in bello insignis aliqua clades accepta esset; si pestilentia oborta, aut fames grassaretur. In his & similibus casibus, consulebantur libri Sibyllini à Sacerdotibus, præeunte

eunte Senatus consulto; ut quid facto opus esset ex his edocerentur. Et sæpè urbem à gravissimis periculis liberasse crediti sunt; ideoq; divino numine concessos æstimabant. Cùm verò anno urbis 671. ante Christum 83. sive per insidias, ut quidam autumarunt, sive fortuito incendio conflagrasset Capitolium, simul interierunt libri Sibyllini cum aliis donariis Jovis. Verùm anno septimo post incendium, restituto Capitolio, Cn. Octavius & C. Scribonius COSS. ad Senatum retulerunt, ut Erythras & in vicina loca, perq; omnem Græciam mitterentur Legati, qui carmina Sibyllina quæcumque adipisci possent colligerent, & Romam deportarent; si fortè vel eadem vel similia, de fati Romæ inde cognosci possent. Missi itaque P. Gabinius, M. Octavius, & L. Valerius, qui passim à privatis fragmenta quædam descriperunt, & versus circiter mille congesserunt: quibus postea ex Italicis quoque quibusdam urbibus allati alii versus, cujuscunque Sibyllæ, aut unde quaque accepti, additi fuere. Nonnulli etiam affirmant commodum evenisse, ut dum Legati Romani conquirendis Sibyllinis occupati essent; Erythris, templo Apollinis fortè exusto, tres illi libri, quorum Tarquinius exemplum olim acceperat, in adyto quodam illius templi, ubi occultati fuerant, denuò invenirentur: quos & ipsos cum cæteris versibus collectis, Romam secum deportarunt Legati.

Verùm quantacumque cura asservarentur libri, his nihilominus aut fraude XV virorum, aut autoritate Magnatum, aut cùm Reipublicæ interesse credebatur, furtim carmina inferebantur; quæ postea Sacris præfecti, qui de compæcto rem gerebant, evulgabant. Ut cùm Jul. Cæsar regium nomen & insignia affectabat, subornati sunt Quindecim Viri, qui quoniam libris fatalibus continebatur, (ita enim affirmabant) Parthos nisi à Rege vinci non posse, ut Cæsar Rex appellaretur, suadebant. Suetonius *in Jul. c. 79.* Cùm itaque multa adulterina irrepsissent; postquam Pontificatum Ma-  
ximum

ximum suscepisset Augustus, quicquid fatidicorum librorum, nullis vel parum idoneis authoribus vulgò ferebatur, super duo millia undique contracta cremavit, ac solos retinuit Sibyllinos. Hos quoque delectu habito, condiditq; duobus forulis auratis sub Palatini Apollinis basi, ut narrat idem Suetonius *Aug. c. 31*. At cum iterum atque iterum sub Nerone conflagrasset Roma, iisq; flammis haustæ sint eæ urbis regiones in quibus reconditi erant Sibyllini libri, quin & ipsi combusti sint, vix dubitari potest.

Ex his fatis patet de Sibyllis nihil certi habuisse Ethnicos: Verum cum nihilominus affirmarent Sacris præfecti, se divinos servare libros, quorum arcana in vulgus produci nefas esset; ut in vetita nititur ingenium humanum, tantò avidius occulta noscere multi expetebant. Id deceptores compulit, ut subinde fictitios versus quos Sibyllis adscribebant, ementirentur: quia verò ii Rempublicam non spectabant, quò minùs in usu essent cupientibus, prohibitum non erat.

Eandem occasionem avidè arripuerunt quidam falso zelo Christianæ religionis promovendæ incensi: nondum enim abierant anni centum à morte Christi, cum plurima carmina Sibyllina præferebantur, quibus Ethnici ad fidem allectarentur. Idq; sic passim & imprudenter factitabatur, ut Ethnicos non lateret fucus, qui populari dicterio, Christianos *Sibyllinos* appellabant.

*Iust. Mart.  
Apol. 2. Cl.  
Alex.  
Sicrom.*

Extant etiamnum hodiè octo libri vulgò *Sibyllini* dicti, qui à Justino Martyre scriptore antiquissimo, Clemente Alexandrino, & plerisque veteribus Christianis, pro vero & genuino Sibyllarum fœtu censentur.

Hos tamen post annum Domini 130. fictos fuisse, & res ipsæ liquidò vincunt; & clarissimus Blondellus, opère Gallico de Sibyllis, luculentissimè demonstravit.

Primò enim quis credat Gentiles voluisse in Prophetissarum

tissarum numerum admittere, quæ se scortum & prostibulum fuisse fatetur *lib. 7. in fine.*

Μύρια μύριοι λήκτεσσι, γάμος δ' ἔδης ἐμελήθη.

Talis si Paganorum fuisset Sibylla, non adeò fuisset inter illos decantata, quippe qui adulterium summoperè exerebantur. Quid quod Græcè scripsit cum nondum erat lingua Græca; & ignoravit linguam Hebraicam quæ tamen sola tunc erat, si verum est quod personata illa Sibylla refert, se scilicet cum Noha in arca fuisse? Præterea plena sunt mendaciorum spuria hæc Sibyllina oracula, & S. Scripturæ contradicunt. Moses *e. gr.* narrat Noham degisse in arca annum integrum; at Sibylla illa fictitia dicit illum degisse tantum per XLI. dies. Pariter ἀντίγεγονον est quod dicit de monte Ararat, illum in Phrygia situm esse, eumq; post diluvium emerfisse.

Authorem horum carminum fuisse Christo posteriorem hinc patet, quod multa narrat quasi præterita, quæ non nisi post Christum natum contingere; ut cum affirmat falsa Sibylla se vidisse alterum ædis Vestalis incendium; at verò illud contigit sub Imperio Commodi, CLXX. anno Christum, aut circiter. Dicit etiam *lib. 2. circa finem*, damnatos liberandos postquam pœnas infernales per aliquot secula erunt perpessi; qui Origenis fuit error, antè ignotus. Meminit etiam ludorum Iselasticorum, qui Trajani tempore demum innotuere, teste *Plinio secundo*. Verùm, ut hæc aliaq; multa prætermittam, vel hoc unum fidem facit hæc carmina à Paganorum Sibyllis non esse profecta, quod illa clariùs enuntiant futura de Christo, quam ipsi Prophetæ. Esaias ait Virginem parituram; ficta verò Sibylla, *Maria virgo pariet Iesum in Beth'lehem*. Exactè notat omnes circumstantias, nomina propria personarum de quibus vaticinatur. Prædicat *e. gr.* baptismum Christi in Jordane; descensum Spiritus S. sub forma columbæ, aliaq; de quibus nihil legitur apud Prophetas. Extat etiam in iis carminibus acrostichis, in qua primæ literæ



versuum sunt, *Ἰησοῦς Χριστὸς Θεοῦ υἱὸς; σωτὴρ σαυρὸς*; Id est, *Iesus Christi Dei Filius, Servator, Crux*. Sanè si quæ talia scripserunt, fuerunt mulieres Ethnicæ, ab ejusmodi infidelibus superatos sanctos Prophetas vaticiniorum claritate, fatendum erit. At si id verum est, qui stabit quod affirmat David *Psal. 76. Deum in sola Iudæa cognitum esse*? Item *Psal. 147. Deum annuntiasse verba sua Iacobo, sua statuta & mandata Israël, non ita fecisse ceteris gentibus; ideoq; has ejus judicia ignorare*? Cur Paulus tempora ignorantia vocat, ea secula quæ Evangelii prædicationem antecesserunt? Cur idem affirmat *Act. 14. Deum præteritis ætati- bus fuisse Gentes ipsarum viis incedere*? Cur eam esse diceret præstantiam Judæorum, *Quod iis credita sunt oracula Dei, Rom. 3.*? Cur Gentiles cum Judæis collati, vocantur *Gentes intelligentia expertes, Rom. 10*? Ea omnia verè dici non possunt, si Ethnici clara illa & Propheticis longè evidentiora Sibyllarum carmina habuerunt. Illorum tempora non ignorantia, sed lucis & cognitionis fuerunt. Nulla fuit præ iis prærogativa Judæorum; imò maxima fuit Ethnicorum in Judæos, quibus Sibyllæ oracula Propheticis longè clariora, fuerunt.

Unum præterea addo, suppositia esse hæc scripta & post Christi tempora conficta, inde etiam liquere; quod apud Platonem, Aristotelem, Theophrastum, & tot alios è Paganis curiosissimos omnium disciplinarum scrutatores, eorum quæ apud Sibyllas miramur, nullum penitus exstat vestigium. Fuit ergo id Christianorum inventum, sub initia Novi Testamenti. Primis enim illis Ecclesiæ temporibus, quàm plurimi extiterunt, ut legentibus historiam notum, qui palmarium judicabant, cælestem veritatem figmentis suis ire adjutum; quò faciliùs scilicet nova doctrina à Gentilibus admitteretur. *Pias fraudes, & officiosa mendacia* ista vocabant, bono fine excogitata. Eo ex fonte orti sunt libri sexcenti, quos illa ætas & proxima viderunt, de quibus consulendus Doctissimus Dallæus *De usu Patrum, & Pseudepigraphis*.

Sed ut fictitia illa carmina mittam; quæ de ipsis Sibyllis tradi-

tradiderunt Ethnici, adeò incerta sunt & confusa, ut de numero, patriâ, parentibus, de loco vaticiniorum, tempore & aliis, maxima inter eos sit discrepantia. Alii unam tantum fuisse commemorant; eamq; , alii Jovis, alii Apollinis, alii aliorum parentum filiam faciunt. Quidam Ægyptiam, alii Samiam, alii Cumæam, alii Erythræam, alii aliunde oriundam contendunt.

Quorumcunque autem parentum, & cujuscunque patriæ fuerit; ea ab Apolline cujus Sacerdos fuerat, adamata dicitur, qui ei quicquid vellet poscendi arbitrium obtulit; Illa arenam manibus hausit, & tot annorum quot arenularum corpuscula essent, vitam poposcit, quam Apollo ei præstitit. Eam sic loquentem inducit Ovidius *Metam. l. 14.*

——— *Dum Phæbus corrumpere dictis  
Me cupit, Elige, ait, virgo Cumæa, quid optes:  
Optatis potiere tuis. Ego pulveris hausti  
Tot mihi natales contingere vanarogavi.  
Excidit, ut peterem juvenes quoque protinus annos.  
Hos tamen ille mihi dabat, æternamq; inventam,  
Si Venerem paterer. Contempto numine Phæbi  
Innuba permaneo. Sed jam felicior atas  
Terga dedit, tremuloq; gradu venit ægra senectus;  
Quæ patienda diu est. Nam jam mihi sacula septem  
Acta vides; superest numeros ut pulveris æquem,  
Tercentum messes, tercentum musta videre.*

Illa igitur Cumis in Campania Italiæ, per multa secula in thalamo subterraneo habitans, interrogantibus responsa dabat. Oracula in palmarum foliis consignare solitam esse, Virgilius canit *Aeneid. 3.*

*Insanam vatem aspicias, quæ rupe sub ima  
Fata canit, foliisq; notas & nomina mandat.  
Quæcunque in foliis descripsit carmina virgo  
Digerit in numerum, atque antro seclusa relinquit.*

Adeò autem ejus vaticiniis certa fides fuit habita, ut etiam in Proverbium ejus folia abierint; & si quæ indubitata haberi deberent, *Sibyllæ folia* dicerentur, Juven. Sat. 8.

*Quod modò proposui, non est sententia: verum est.*

*Credite me vobis folium recitare Sibyllæ.*

Eam esse memorant quæ libros Tarquinio, de quibus suprà, obtulit. Alii verò plures fuisse ejusmodi *μάντιδας* volunt, sed de numero non concordant. Martianus Capella in fine libri 2. duas tantum agnoscit, Erythræam & Phrygiam. Plinius & Solinus tres, de quibus Aufonius,

*Et tres fatidicæ, nomen commune, Sibyllæ.*

Ælianus quatuor. Alii sex. Dionysius lib. 1. novem. Marcus Varro, decem. Alii denique duodenarium numerum statuunt; quarum sequentes paginæ exhibent icones, & eorum quæ de iis prodita sunt brevem narrationem.

Decem quas vult Varro, hoc ordine collocat; Persicam, Libycam, Delphicam, Cumæam, Erythræam, Samiam, Cumanam alteram, Hellesponticam, Phrygiam, Tiburtinam.

Harum libros qui superesse dicebantur, Stilicone amplius legerentur à quoquam igni absumpsit. Theodosius autem Imperator, Collegium XXvirum cum reliquis Ethnicorum superstitionibus abolevit, anno salutis humanæ 390. Unde & iterum patet, illa quæ hodiè circumferuntur carmina Sibyllina, genuina non esse.

## PERSICA SIBYLLA

Primam recenset Varro Sibyllam *Persicam*, quam alii Babyloniam, alii Chaldæam, alii Hebræam, alii Ægyptiam appellarunt. Nomen ejus proprium *Sambetha*; vel ut Pausanias habet, *Sabba*. Natam dicunt patre Berofo, matre Erymanthe, in oppido ad mare rubrum, cui Noë nomen. Unde aliqui Nohæ Patriarchæ filiam vel neptem fuisse contendunt, præfer-



*Persica seu Chaldaea fui, patre nata Persae  
Sambethe pythijs & vaticinata modis.*



præsertim cùm *lib. 1. Carm.* Sibylla, unâ se cum Noha in arca ef-  
fugisse *σινὴρ ὁ λειψών*, *discrimina mortis*; & *lib. 3.* de eodem Noha  
verba faciens, afflmetur *σινὴρ ὁ λειψών* ortam. Hujus omnium  
antiquissimæ Sibyllæ *lib. 1.* historiam descripsisse Nicanorem il-  
lum qui Alexandri Magni res gestas memoriæ mandavit, La-  
ctantius ex Varrone annotat. Libros ejus viginti quatuor  
fuisse, Suidas testis est: in quibus innumera cecinit de regno-  
rum mutationibus, de Christo, de AntiChristo, & singulatim  
de Alexandro M. qua occasione etiam Nicanor ejus histo-  
riam rebus Alexandri interposuit. Horum librorum frag-  
menta adhuc aliqua apud Lactantium *lib. 1. cap. 6.* & Augusti-  
num *lib. 18. de Civit. Dei, cap. 25.* passim habentur.

Tempus quo floruit, etsi vulgò diluvio definiatur, si ta-  
men verum est quod Beroso parente progenita fuit, longè po-  
steriorem fuisse statuendum est. Constat enim Berosum fuisse  
Chaldæum, & Bel in Babylone Sacerdotem, ut testis est Ta-  
rianus Assyrius *Orat. adv. Græcos*, eumq; tempore Alexandri  
M. vixisse. Alii non hunc Berosum recentiorem Sibyllæ Per-  
sicæ patrem fuisse dicunt, sed alium antiquissimum prophe-  
tam, qui ante bellum Trojanum vixerit. Pausanias scribit il-  
lam consuevisse cum Hebræis qui supra Palæstinam habita-  
bant, ex quorum libris multa didicerat, ideò Hebræam &  
Chaldæam dictam. Hanc eandem fuisse cum regina illa Saba  
de qua *1. Reg. c. 10. v. 1.* quæ audiens famam Salomonis Hiero-  
solymam venit, ut illius sapientiam audiret, nonnullis placet:  
Ac sanè Saba dicta est, & Persica, & Arabica. Verùm Beroal-  
dus *in Chronico*, per Sabæos, Arabici sinus accolæ, item alios  
populos alteri sinui, Persico nimirum vicinos, intelligit: re-  
ginamq; illam sapientissimam non ex Æthiopia, sed potius  
Arabia Fœlici, aut sinu Persico, venisse statuit. Nec ille mo-  
dò, sed Martyr *in 1. Reg. 11. aliiq;*; quia regina Austri, à Chri-  
sto fuit appellata: sinus autem Persicus & Arabia Fœlix,  
Judææ regionis respectu, ad Austrum spectant.



## LIBYCA SIBYLLA

**L**ibyca, vel Libyssa Sibylla secundo loco collocatur à M. Varrone, quæ proprio nomine dicta est Elissa. Hanc ex Jove & Lamia Neptuni filia procreatam, tradit Pausanias in *Phocæis*. Eam proprio nomine Sibyllam vocatam esse volunt, à qua omnes postea prophetissæ mulieres, propter similitudinem enthufiasmi, & inspirationem divinam, Sibyllæ cognominatæ sint. Diversis in locis oracula reddidisse fertur; in Claro urbe Colophoniorum; inde Delphis; maximam tamen vitæ partem transegisse in Samo. Hanc eam esse censet Lactantius *lib. 1. 6.* cujus Euripides in *Prolego Lamia*, mentionem facit. Tribuuntur illi variæ prædictiones adversus idolorum cultores: Item de Christo, ejusdemque passione & miraculis: de mundi conflagratione; de Judicio extremo, Mortuorum resurrectione, Vita æterna piis & Dei cultoribus præparata; De impiis, ira; Dei quam certò subituri sunt; Denique de everfione urbium, & regnorum mutationibus, aliisq; cladibus, quibus à Deo irato punietur mundus.

---

## DELPHICA SIBYLLA

**D**ELPHICAM Sibyllam, Suidas Theffalonicam vocat Diodorus verò Daphnem. Quidam illam esse existimant quæ Jovis & Lamiæ filia fuit; alii Aristocratis & Hydoles; alii ab Idæa nymphea editam dicunt, patre Theodoro. Hanc multi asserunt omnium sceminarum quæ oracula reddiderunt antiquissimam, longèq; ante bellum Trojanum prophetasse. Ejus ex versibus Homerum poëtam multa ad ornatum sui pœmatis sumpta transtulisse, refert Diodorus Siculus





*Vt genus e Libja, venit mihi nomen Elissæ:  
Mi cortina Clari servit, atq; Sami.*





*Reddere Boeotia consuevit oracula Delphis  
Heroi inuentrix carminis esse feror*







*Arcani Phoebus censetur carminis auctor  
Cumæo expressi quod Pythia e tripodē*

Siculus *lib. 4. cap. 6.* Suidas, ait eam quum Argivi Thebas expugnassent, inter captivos reliquos Delphos missam esse, ubi Apollinis vaticiniis divinandi peritior facta, oraculis aliquandiu inservierit. Clemens Alexandrinus, saxum quoddam juxta Bulenterium ostendi testatur, super quo Sibylla Delphica sedens oracula cecinerit. Quumq; diu Delphis commorata fuerit, factum est ut à multis ibi nata crederetur, eademq; fuisse judicaretur, quæ Themidis nomine aliàs celebris fuit. Huic tribuuntur multæ prædictiones, De uno vero Deo, & de Christo Servatore Scripto etiam mandavit, Incarnationem, Doctrinam, Miracula, Passionem, Resurrectionem & Ascensionem Christi in cælum. De hac Chrysippum in libro *de Divinatione*, scripsisse Lactantius ex Varrone, affirmat. In hujus libris Augustinus *lib. 18. de Civit. Dei cap. 21.* sc hæc verba reperisse ait; *Nascetur Propheta ex Virgine absque humana corruptione.* Vixisse dicitur ante Christum 1200. annis.

---

## CUMÆA SIBYLLA

Cumæa dicta est à Cumis, quæ urbs est in Campania, omnium in Sicilia & Italia urbium antiquissima. Nomen habet *ὑπὸ τῇ κύματος* à fluctibus, nam propinqua est mari. Illic, testibus Virgilio & Solino, erat Sibyllæ facellum, in quo prophetasse dicitur. Juven. Sat. 3.

*Quamvis digressu veteris confusus amicæ  
Laudo tamen vacuis quod sedem figere Cumis  
Destinet, atque unum civem donare Sibylla.*

Cæterum de proprio hujus phœbadis nomine plurimum discrepant inter se authores. Pausanias eam vocat *Demo*: Alii *Amaltheam*; Suidas, *Eriphilen*: Virgilius, *Deiphobem* Glauci filiam, qui & ipse clarus fuit vaticiniis ac divinatione: Aristoteles *Melanchrenam* cognominat; Lactantius *lib. de Ira Dei*, eam esse affirmat quæ Tarquinio libros fatales vendidit:

Virgi-



*Admon.  
d. Græc.*

Virgilius verò & Ovidius longè antiquiorem esse volunt, qui testantur ad eam venisse Æneam sciscitatum de statu fortunarum suarum; certum autem est inter Æneam & Tarquinium, intercessisse annos plusquam sexcentos. Refert Justinus Martyr, se cum Cumis esset in Campania, vidisse locum quendam, ubi basilica ingens erat uno fabricata saxo, ibiq; oracula reddere solitam Cumæam Sibyllam, affirmasse accolas. Eam basilicam durasse tradunt ad annum Domini 1539. quo terræ motu eversa est. Etiamnum hodiè, teste Boissardo, ostenditur super lacu Averno spelunca, quæ Sibyllæ dicitur, vasta & spatiosa, artificiosa testudine excavata; hæc post longum amplumq; meatum sub monte extensa, tandem muro obducto finitur; qui ideò extructus est, quod plurimi advenæ curiositate ducti, per anfractus illos subterraneos, obscuros & multiplici ambage reticulatos, sese in inferiora loca demittebant; cumq; illis reditus liber non daretur, lucernis propter sulfureas exhalationes suffocatis, miserrimo vitæ exitio pœnas nimix curiositatis suæ luebant. Eam specum sic describit Virgilius *Aen.* 6.

*At pius Aeneas arces, quibus altus Apollo  
Præsidet, horrendaque procul secreta Sibyllæ  
Antrum immane petit; magnum cui mentem animumq;  
Delius inspirat vates, aperitq; futura &c.  
Talibus ex adyto dictis Cumæa Sibylla  
Horrendas canit ambages, antroq; remugit,  
Obscuris vera involvens. Ea frana furenti  
Concutit, & stimulos sub pectore vertit Apollo.*

Hujus Sibyllæ nomine feruntur varia oracula; De uno Deo; De Christo vero ejus filio, æquali patri; De ejus incarnatione & è Virgine Maria ortu; De adoratione Magorum in Bethlehem &c.

Vulgò creditur ex hujus prædictionibus, Virgilium petiisse Eglogam suam quartam, in qua γενεαλογικὸν Salonini Pol-  
lionis filii describit, cujus principium est, *Sicelides Muse &c.*

in qua varia contineri putant, quæ nonnisi in Christo completa sunt, maximè quæ sequuntur,

*Iam redit & Virgo, redeunt Saturni regna  
Iam nova progenies cælo demittitur alto &c.  
Te duce si qua manent sceleris vestigia nostri,  
Irrita perpetua solvent formidine terras, &c.*

Ex hujus Eglogæ versuum lectione Secundianum pictorem, & Marcellianum oratorem, Christianos factos esse narrant. Eamq; totam recitat Constantinus Magnus, & interpretatur de Christo. Verum, ut optimè observavit Blondellus, nihil Christiani sapit hæc Egloga; tota Ethnica est, estq; mera assentatio, quâ Poëta Pollioni benefico cui Consulatus tempore natus erat filius, palpatur, proq; ejus & infantuli salute vota nuncupat. Eaq; poëtico more fingit; tantam scilicet sub Salonino illo cum adoleverit, omnium rerum feclicitatem futuram pollicetur, ut rediisse credatur ætas illa aurea qualis erat sub Saturno, ubi & aër saluberrimus erat, & terra fecundissima, quæ nullo cultu aut labore, per se dabat omnia; & homines justissimi qui,

*Orat. ad  
Sanct. cœ-  
sum,*

————— *Vindice nullo*

*Sponte sua sine lege fidem rectumq; colebant,*  
ut canit Ovidius: ubi reditura sit *Virgo*, id est *Astræa* illa virgo quæ cum hominum scelera ferre non posset, se in cælum desertis terris receperat, ut ait idem Poëta *Metam. l. i. 4.*

*Admon. ad  
Græc.*

————— *& Virgo cade madentes*

*Ultima cælestium terras Astræa reliquit.*

Si quæ autem extabant hujus Sibyllæ carmina, ea apud Æneam civitatem, Juliano imperante combusta esse, scribit Amm. Marcellinus. Quæ itaque illius nomine præferuntur, fictitia sunt.

Pariter & commentitium est quod narrant Solinus & Isidorus, ejus sepulcrum Lilybæi in Sicilia, suo ævo adhuc mansisse. Fabulam ex eo natam censer Cl. Bochartus, quod ad Sibyllæ nomen alludit Hebræum זבול (*Zebul*) *Habitatio*, cap 25.

*Solin. c. 5.  
Isid. l. 8. c. 8.  
Boch. Geog.  
Sac. p. 2.*

M

quod

quod pro sepulcro passim usurpatur, quia in eo quivis habitat; & Arabs *γυνμα* (Gumaa) *Universitas*. Conjectat itaque Vir ille sagacissimus, quia *Zebul gumaa*, id est, *Habitatio universitatis*, seu communis omnium sedes & locus, alicui sepulcro ad Lilybæum inscriptum erat, ex illo *Zebul gumaa*, factum *Sibylla Cumaa*.

---

## ERYTHRÆA SIBYLLA

**H**Æc inter Sibyllas fuit nobilissima, ejusq; scripta apud multas nationes summa cura servata sunt, maximè Erythris, unde Romani ea Romam transferri curaverunt. Strabo *lib. 14.* duas hoc nomine Phœbadas fuisse dicit; unam antiquissimam; alteram recentiorē, quæ responsa dabat Alexandri M. tempore. Priorem illam, volunt ante bellum Trojanum vixisse, Trojæq; everisionem, & Helenam in perniciem Europæ & Asiæ nascituram, prædixisse. De ejus patria discrepant authores. Lactantius Babyloniam fuisse dicit, vocatamq; Erythræam proprio nomine, non ab aliqua urbe aut regione. Alii verò ab Erythris dictam affirmant: quod Erythræi in primis pertinacissimè asserēbant, antrum phœbadis nativitate clarum ostentantes. Unde & Apollodorus Erythræus, eam popularem suam fuisse gloriatur.

Statim exciso Ilio, Æneæ & ejus sociis futura prædixisse fertur; jussisq; eos versus Occidentem eò usque navigare, donec eò locorum pervenerint ubi mensas comederent, referente Halicarn. *lib. 1.* Quod & factum fuit, quando in Italia triticeas crustulas loco mensæ substratas simul comederunt; ubi Ascanius, teste Virgilio, *Et mensas consumimus*, exclamavit, & vaticinio de sede hac fatali fidem fecit. Quæ vulgò illius nomine feruntur carmina, varia complectuntur, De creatione mundi generatim, & hominis seorsim; De Christo Dei filio venturo: De ejus miraculis; De bonis quibus mundum



*Ionius divum responsa ferebat Erythris  
Demophile Pythio Phoebas amata Deo .*







Vindicta tar-  
ditatem gra-  
vitatis supplicij  
compensat Deus.

*Divino quoties pectus simulatur ab Astro  
Enthea fatidicis ora resolve modis.*



## ERYTHRÆA SIBYLLA

91

dum beaturus est; De extremo judicio; De pœnis malorum, & fœlicitate bonorum; De fine mundi; De Antichristo, & vario Ecclesiæ statu.

Huic autem Sibyllæ nobilissimæ, Constantinus Magnus tribuit acrostichin illam de qua suprâ, cujus versuum literæ initiales, has dictiones constituunt, *Iesus Christus, Dei* Serm. ad *filius, Servator, Crux,* Sibyllamq; veram fuisse hujus authorem, Conv. Sanct. testem laudat Ciceronem *lib. 2. de Divin.* cujus verba sunt, *Ea quæ acrostichis dicitur, cum deinceps ex primis versus literis aliquid connectitur, ut in quibusdam Ennianis, id certè magis est attentum animi quàm furentis. Atqui in Sibyllinis ex primo versu cujusque sententia, primis literis illius sententia carmen omne prætexitur: Hoc scriptoris est, non furentis; adhibentis diligentiam, non insani.* Verum falsò Erythrææ Sibyllæ acrostichin illam tribui, vel ex ipso Cicerone patet. Is enim docet eam fuisse carminum Sibyllinorum texturam & artificium, ut primus sententiæ versus, in capite & ad latus poematis scriberetur: in hoc verò Pseudo-Erythrææ poemate acrostichis ex solis ad latus literis constat, non sunt eadem in primo versu. Deinde ex eodem Cicerone manifestum est, omnia carmina Sibyllinorum librorum quæ apud Ethnicos celebrabantur, eodem artificio contexta fuisse; cum in iis octo libris carminum Sibyllinorum quos jactant Christiani, extent duntaxat triginta quatuor acrosticha. Unde liquet horum librorum sarcinatores, nec libros Sibyllinos tantoperè à Paganis decantatos legisse, nec ipsum Ciceronem, cum de Acrostichis loquitur hos intellexisse.

## SAMIA SIBYLLA

**S**exta Sibylla, quæ annis plus-quàm quingentis Erythræa secuta dicitur, Samia fuit, nomine Phyto. *Aelian. lib. 12. Var. Hist.* eam vixisse scribit temporibus Numæ Pom-

92 SA'MIA SIBYLLA CUMANANA SIBYLLA  
pili. Augustinus sic de ea loquitur. *Numa regnante Roma, & apud Hebræos initio regni Manasse, Samiam fuisse Sibyllam scribunt.* Hæc post Erythræam docuisse fertur, Unum esse solum Deum conditorem omnium, cognoscendum & colendum; & avertisse Gentes à cultu Dæmonum & Idolorum. Christum filium Dei esse dicit, & excandescit in Judæos qui eum Regem suum non agnoverint. De præmiis bonorum & impiorum pœnis multa habet, eoq; spectant hujus oracula, ut homines à vitiis avertant, & ad morum correctionem adducant. Suidas hanc primam Lyræ triangularis inventtricem facit.

---

## C U M A N A S I B Y L L A

**M**. Terentius Varro Cumanam Sibyllam à Cumæa distinguit. Appellatam dicunt à Cumis, urbe Locriensis agri, quæ fuit in Jonia Asiæ minoris, inter urbes olim florentissima. Commigravit postea Sibylla in Italiam, ubi oracula reddidit. Multa vaticinata esse dicitur, De Romanorum potentia, & imperio futuro; De Christo & ejus mysteriis. Plerique tamen hanc eandem esse censent cum Cumæa illâ suprâ dictâ, & perperam duas constitui. Hancq; proinde esse quæ Tarquinio Romanorum Regi, suprâ commemoratos libros vendidit.

---

## HELLESPONTICA SIBYLLA

**H**anc oracula celebri fama reddidisse Cyri ac Solonis tempore, id est, ante Christum 159. tradunt; & Marpesioppido Troadis natam, unde Marpesia dicta. Nomen proprium fuit Demo. Falluntur qui eam cum Deiphobe Glauci filia, quam consuluit Æneas cum ex Troadē venisset in Italiam,



*Venales auro redime hos. Rex maxime libros  
Romanas sortes pagina sacra docet.*



*Hellepontica Demo, vel Deiphobe pag. 25*



*Marpesso orta feror celebrato in Troade vico  
Phoebas Apollineo clara ministerio.*







*Phrygia Phaennis*



*Responsis quondam celebrata est Anxyra nostris  
Concepto incalij quando animata Deo.*



Tiburтина

Albunea

pag. 24



*Templa nro Herculeum movit sub nomine Tibur.  
Divorum interpres clara ubi visa fui.*

# PHRYGIA SIBYLLA

TYBURTINA SIBYLLA

**D**Ecima & ultima Sibylla Tiburtina fuit, quæ paulò ante Christum natum floruit. Aliàs nominata est Albunea ab Albula fluvio. Propter excellentes futurorum prædictiones ab incolis Anienis seu Albulæ fluvii, pro Dea patria culta est: maximè postquam in vivis esse desuit. Illam templo, aris & sacrificiis decoraverunt. Quia verò Tiburi ad Albulam, sua reddidit oracula, Tiburtina dicta est. Hæc dicitur Augustum Cæsarem, puerum Hebræum Virgine natum, adorare

M 3 jussisse;

jussisse; populumq; instituisse documentis salubribus; justitiam servandam inter homines docuisse; unicuique jus suum tribuendum; integritatem vitæ sectandam; nec quicquam admittendum quod jus concordiamq; læderet. Multis post illius mortem annis inventa est ejus statua lapidea, in profundo Anienis gurgite, quam Senatus Romam solemnī pompa transferri curavit, & in Templo Jovis Capitolini cum Sibyllæ libris reponi. Plinius *lib. 34.* scribit suo tempore tres Sibyllarum statuas pro Rostris positas Romæ.

---

## EPIROTICA SIBYLLA

**Q**uanquam M. Terentius Varro decem tantum Sibyllas annūmerat, tanquam præcipuas, quarum libri maxima religione & cura servari Romæ credebantur; certum tamen est multas alias fuisse Phœbadas, quæ Dæmonum afflatæ spiritu, variis in locis vaticinatæ sunt. Ex harum numero fuit Epirotica, quæ proprio nomine Phaënnis fuisse dicitur. Fateor nonnullos velle hanc eandem esse cum Phrygia illa de qua suprà, plerique tamen secus sentiunt. Tradunt eam simul atque ex utero materno prodiit, quam primum de Universi coagmentatione philosophatam esse. Fortasse ea est, quam Europæam nonnulli cognominant, quæ Thesprotiæ Epirinata est, & in Dodonæo templo reddidit oracula. Liber antiquus qui est in Bibliotheca regia, ut refert Boissartus, illi hos versus tribuit,

*Virginis æternum veniet de corpore verbum  
Purum, qui valles & montes transiet altos.  
Ille volens etiam stellato missus Olympo,  
Edetur mundo pauper: qui cuncta silenti  
Rexerit imperio (sic credo & mente fatebor,)   
Humano simul & divino semine natus.*



*Epirotica Phaennis*



*Fatidicas inter numerat Dodona Phaennin  
Quae cecinit Pythio plena futura Dio*







Sum Pelusiacas vates celebrata per urbes  
Qua summi ostendi mystica sacra Dei





*Sum Chalcante fata et Phæbo dilecta sacerdos,  
Responsa in culta quæ Colophone tuli.*





*Templa Clari prima erexi, atq; oracula resolvi  
Et nostris gaudet Mantua nominibus*



## Æ G Y P T I A S I B Y L L A

**S**cribit Clemens Alexandrinus *in Promotheo*, fuisse Judicium Hebræorum tempore, regnante apud Ægyptios Pharaone Taracho, fatidicam Sibyllam. Ea est procul dubio quæ Ægyptia dicta est, quamq; Ælianus inter quatuor præcipuas Phœbi Sacerdotes fatidicas recenset; Ærythræam scilicet, Samiam, Sardicam, & Ægyptiam. Pausanias tamen hanc eandem esse censet cum ea quæ Persica dicta est, vel *Pausan, in Phoc.* Æthiopica, nomine Saba. Utcunque sit, nam de his nihil certi tradi potest, hujus nomine variæ feruntur prædictiones; De Christi Servatoris adventu; De ejus incarnatione in utero beatæ Virginis; De ejus miraculis, passione, & extremo judicio.

## LAMPUSIA SIBYLLA

**F**uisse dicitur Calchantis illius filia, qui cum Græcis in expeditionem Trojanam profectus est, quem in dubiis, ceu oraculum consuluit Agamemnon Imperator, & sine cujus consilio nihil moliebantur Græcanici exercitus Principes. A parente igitur instituta Lampusia, Apollinis Pythii Sacerdos consecrata est, magnumq; nomen sibi vaticinandi peritia comparavit. Nec solum in Asia, sed per totam Græciam Europæam, celebris habita est. Maximam ætatis partem egit Colophoni, quæ urbs est Asiæ Minoris, ex qua Homerum natum voluerunt ejus cives; unde Colophonia cognominata est.

## MANTO SIBYLLA

**F**loruisse dicitur Manto, Creontis & Thesæi Thebanorum Regum crudelissimorum temporibus, & fuisse Tiresiæ vatis,



vatis, de quo suprà, filia. Hæc post patris obitum tyrannorum sævitiam fugiens, in Asiã venit, Clarumq; appulit, ubi templum Apollini ædificavit, ejusq; sacris præfuit. Cùm enim vaticinationem à patre edocta esset, Phœbiq; inspiratione adjuta, brevi in tanta celebritate fuit, ut cum clarissimis Phœbadibus & Sibyllis æquaretur. Tandem Asia relicta venit in Italiam, ibiq; à Tiberino rege Albæ Longæ adamata est, propter egregiam formam, & animi præstantissimas dotes. Ex eo suscepit Bianorem, aliàs Ocnium dictum, de quo Virgilius *Egloga* 10. & *Aen.* 10. Is mortuo patre Tiberino, (qui in Albulam fluvium, ab eo Tiberis vocatum, lapsus periit, (cum matre in transpadanam Italiæ regionem se contulit, & in ea planitie urbem ædificavit, quam appellavit *Mantuanam*, de nomine matris.

---

## THEMIS

**Θέμις**, fas, quod justum est & positum ad observandum, à <sup>τίθηναι</sup> pono. Gentiles, suo more, Deam faciunt, quam fingunt Cœli & terræ filiam: quia scilicet homines docet pietatem erga Deum, & justitiam erga homines colere. Eam ajunt Saturni sororem & Jovis amitam; quæ Ogygis avi pietatem secuta, homines assiduis adhortationibus ad benè vivendum compulerit, tum voce tum exemplo; Deoq; nihil gratius esse pietate erga cœleste numen, & charitate erga proximum, docuerit. Huic honores divinos tribuerunt, tanquam Deæ justitiæ faultrici, & Dei Sacerdoti primariæ. Fatidicam etiam esse dixerunt, quæ futura hominibus prædiceret, & rerum incertos eventus explicaret.

---

## CARMENTA

**Ε**A alio nomine Themis & Nicostrata dicta est: fuitq; Jonii Regis Arcadiæ filia: Carmenta appellata vel à Carmine,



*Cephisi ad ripas templo sum culta vetusto  
Deucalionai tempore diluvij.*





*Fata Italos ventura docens Evandria Mater  
Est inter latias annumerata Deas.*





*Cassandra Priami et Hecubæ filia . p. 35*



*Prædixit Troia excidium Priameia Virgo,  
Atq; Agamemnonia tela cruenta necis.*



mine, cum enim fatidica esset, oracula carminibus reddere solebat; vel quasi *carens mente*, propter furorem quo cum enthusiasmo correpta erat, invadebatur. Ea mater fuit Evandri, De his Livius lib. 1. Dec. 1. *Evander tum ea loca profugus ex Peloponneso, auctoritate magis quam imperio regebat: venerabilis vir miraculo literarum, rei novae inter rudes artium populos: venerabilior divinitate credita Carmenta matris, quam fatiloquam anse Sibylla adventum in Italiam mirata haegenses fuerunt.*

## C A S S A N D R A

SCholiastes Homeri in *Iliad. B.* tradit, Priamum regem ex Hecuba uxore, Helenum & Cassandram suscepisse: Infantes in templo Apollinis Thymbraei, ubi *puella*, celebrabant, colludentes obdormivisse: Famulas quibus puerorum cura erat demandata, temulentiores eorum oblitos domum abiisse: Postridie in templum reversas, vidisse serpentes linguis puerorum sensoria organa obstruere: Territas vociferationem edidisse: Serpentes clamore excitas, sub proximas lauros se abdidiisse: Infantes nihil omnino oblatos exinde vaticinio claros fuisse. Caeterum Cassandram dici opinantur, quia Casin, id est fratrem Hectora, strenuum habuerit, ac virilem in primis. Eadem & Alexandra nuncupatur *Ἀλεξάνδρα* <sup>Calius Rhod. l. 24. 6.</sup> quoniam congressus hominum vitavit maximè; vel ab *ἀνίστημι* quia vaticinando prodesset pluribus. Plutarchus in *Agide*, refert Cassandram diem suum obiisse Thalamis, urbe Graeciae, ubi & Templum habuit oraculis & unde quaque hominum confluentium frequentia celeberrimum, ibique Pasiphaen vocari *Πασίφαινα* <sup>ἡ τοῦ Πάριος Φαίβης τοῦ Μαντία</sup>, quod omnibus vaticinia declaret.

Cassandrae autem historia aut fabula haec est. Fuit *Ἐκτοφρον* <sup>in Cassandra.</sup> puella eximia formâ, ideòq; perditè ab Apolline amata; qui etiam ejus concubitus ambitet, puellâq; potiri non posset, hanc

*Virg. Aen.* hanc jubet poscere quodcunque vellet, seq; id præstaturum  
*2. 8.* per Stygiam paludem jurat, modò corporis copiam faciat.  
*Propert. l. 3.* Illa hac conditione promittit, modò divinandi artem edo-  
 ceatur; quam cum Apollo tribuisset, à Cassandra quæ impu-  
 ro promisso stare noluit, delusus est. Is repulsam ægrè ferens,  
 cum vaticinandi donum sacramento concessum, revocare  
 non posset, ab ea petit, ut sibi saltem osculum daret, quod  
 cum illa præstitisset, os ejus inspuuit Apollo, effecitq; ut Cas-  
 sandra quidem vera vaticinaretur, sed ut ejus vaticiniis ne-  
 mo fidem adhiberet.

---

## P O L Y X O

**D**Uas mulieres nomine Polyxo celebrat antiquitas; unam  
 Argivam. Tlepolemi Principis Rhodij, qui in expedi-  
 tione Trojana cecidit, uxorem; quæ famosa reddita est cæ-  
 de Helenæ. Cum enim mortuo Menelao, ab ejus filius pul-  
 sa esset Rhodumq; venisset ad Polyxo cognatam suam; hæc  
 necem mariti ulcisci cupiens, Helenam hospitio excepit, &  
 in eam dum lavabat, ancillas furiarum ornatu immisit, quæ  
 illam prehensam & ad arborem suspensam, laqueo necarunt;  
 ut refert Pausanias in *Laconicis*. Altera verò fuit Polyxo ma-  
 ga, atque à mendace & homicida spiritu obsessa, quæ Lem-  
 nios aliosq; Græciæ populos decepit. Fuit enim Lemnia &  
 Sacerdos Apollinis, quæ sciscitantibus reddebat oracula ac  
 futura prædicebat, magno hominum concursu.

Narrant, aliquando Lemnias mulieres Superis omni-  
 bus sacrum fecisse, Junoni maximè Pronubæ nuptiarum præ-  
 sidi; Dianæ item Lucinæ, quæ parturientibus & infantibus  
 in lucem venientibus opem ferret; unius Veneris numen  
 consultò neglexisse; quod esset in citatrix ad insanas libidines  
 quibus juvenus à nuptiali thoro avocatur. Hunc contem-  
 ptum Venus cum ferre non posset, in matronas Lemnias  
 animad-



Lemnia sum Vates Phoebo dilecta Polyxo  
Oleisci facin, per scel, ausa Virum



animadvertere statuit. Mephitim graveolentiæ Deam im-  
mittit, quæ mulierum alis & inguinibus virus suum immitte-  
ret; unde factum ut maritis fætores essent intolerabiles. Hi  
itaque uxoribus repudio misso, nuptias mutarunt, & thala-  
mo puellas è Thracia atque Asia accitas, substituerunt. Lem-  
niæ matronæ ignominioso hoc divortio perculsæ, Polyxus  
vatis consilium requirunt; ea suadet ut conjuratione facta  
omnes viri trucidentur. Immane id consilium, statim execu-  
tioni mandatum est; viros enim nihil tale timentes, per som-  
num adortos omnes iugularunt. Post interfectos viros, Lem-  
niæ mulieres, hortatu Polyxus Venerem placare studuerunt,  
& avertendæ graveolentiæ causa hircum & capram Deæ im-  
molarunt, quibus victimis reconciliata est Venus. Sed retro  
in posterum avertendo odore, secum terram illam Lemniam,  
reductam in pastillos & sigillo capræ, seu ut vult Galenus, Dia-  
næ signatam, gestabant. Etiamnum hodiè ea terra quæ *Si-  
gillata* vulgò dicitur ab impressione putà sigilli, summo est in  
precio. Ut verò olim signum capræ vel stellæ, ita nunc cara-  
cteres Turcici, adulterationis metu, globulis illius terræ im-  
primuntur. Literis Arabicis inscribitur *Tinimachton*, hoc est;  
*Terra sigillata*. Locus unde terra illa eruitur ita absconditus  
est & reclusus, ut nisi ab accolis cognosci nullo modo possit.  
Effoditur statuto tempore ac solenni ritu, eamque magna  
difficultate robustissimi fossores, in profundissimis venis lati-  
tantem, rimantur & perquirunt. Pinguis est illa terra, mollis,  
adstringens, rubricæ aliquando non dissimilis, nisi quod ma-  
nus contrectantium non inficit. Memorabile verò est, non  
modò ex hac terrâ seu argillâ, speciosissima elaborari vasa;  
sed esse quoque ejus usum in Medicinâ commendatum; quip-  
pe & adstringens est, quod ex adhæsu ad linguam probatur;  
unde usurpatur sistendis profluviis, ac potissimum sanguinis:  
& vim alexipharmacæ habet; unde adversus serpentum  
morsus aliâq; venena, est usus: eoq; nomine etiam vasa ex  
eâ confecta, preciosa habentur. Cæterum P. Belonus Ob-  
serv.

serv. lib. 22. proponit typos terræ figillatæ imprimi solitos,  
hac forma.

---

## H I R T I A.

**H**erodotus *lib. 2.* Sesostris inter Reges Ægypti primas  
refert; qui multas nationes debellavit, & subactarum  
trophæa variis in locis posuit, ex quibus se multa vidisse ipse  
testatur. Sesostris autem eximia belli facinora suasu & con-  
silio Hirtia filia suscepisse ajunt. Erat enim mulier illa fati-  
dica Serapidis ministerio dicata, cujus afflatu plurima præ-  
dicere credebatur. Hæc patri suavit ut Colchis bellum in-  
ferret, certam enim victoriam a Diis promitti; id fœlix even-  
tus brevi comprobavit; expugnatis enim urbibus, tota se  
provincia ejus potestati permisit. Iterum author fuit Seso-  
stris ut Mariditum Ægypti regi potentissimo bellum in-  
ferret, propicios Deos victoriam spondere. Illum Sesostris  
invahit & superavit; præfuitq; Ægypto summa fœlicitate.  
Is fuit qui templa magnificentissima per totam Ægyptum  
maximis sumptibus ædificari curavit; in quibus fuit  
illud Alexandrinum Serapidis. de quo dixi-  
mus in Serapide.

F I N I S.

Bibliopegus debet inferere Icones,  
unamquamque ad suum Capitulum





*Sesostris pater est Aegypti sceptrum habiturus  
Et Colchos bello deprimet atque Gotas*



THE NEW YORK  
PUBLIC LIBRARY  
ASTOR LENOX TILDEN FOUNDATION  
1900

1/2

25  
32

50

1/2



for

on

